

ज्ञान है




‘कोफूर’



जय माता शारदा भगवती

ज्ञान रेह



रचनाकार :

महात्मा श्री मोहन लाल दुस्सू 'कोफूर'
लदरवन कश्मीर

© (येमि किताबि हंघ सॉरी हकूक छि समपादक सुंदि नावु मॅहफूज)

नाव : ज्ञानु रेह

रचनाकार : महात्मा श्री मोहन लाल ठुस्सू 'कोफूर'

ग्वडुन्युक संस्करण : 2005

कोशुर लिपि अन्तरण : श्री पी.एन. कौल 'सॉयिल'

तु श्री जे.एन 'सागर'

कम्प्यूटर कम्पोजिंग : श्री रिकू कौल

Ph. : 2595136 (R), M.No. : 94191-36369

कम्प्यूटर ग्राफिक्स : श्री कुलदीप ठुस्सू 'पम्पोश'

सर वरक : कोफूर दज़ुवुन ज्ञानु चोंग

म्वल : पंचाह र्वपयि सिर्फ (Rs.50/-)

© कापीराइट : श्री पूर्ण जी ठुस्सू,

संत जी ठुस्सू एवं कुलदीप ठुस्सू 'पम्पोश'

प्रकाशक

कोफूर पब्लिशर्स

“पूर्ण” कोफूर परिवार

नई दिल्ली

आर. के. पूरम, सेक्टर, 4,

Q.No. : 1020

नई दिल्ली—110049

दूरभाष : 011-26100101

जम्मू

ग्राम सारी, घोमनासा रोड़,

P.O. तालाब तिलू,

जम्मू—180002

दूरभाष : 0191-2650181

गरूजनों एवं
माता पिता के चर्णों में भेंट



माता रुखमाल

“हरि ओंम नाव ह्यथ लेखुन ह्यवान छुस,
तसुंदन चरणु कमलन बो नमान छुस।
बु छुस दासा तसुंदुय नाव ‘मोहन’,
मे छम जाथ ठुस तु रोज़ान छुस लँदरवन॥”
‘कोफूर’

ध्यान मूलं गुरु मूर्ति पूजा मूलं गुरु पदं ।
मंत्र मूलं गुरु वाक्यं मोक्ष मूलं गुरु कृपा ॥



श्री श्री 108 श्री बालक दास जी महाराज
स्वामी सीता राम जी “प्रभू जी”

“यूगी राजन ओंम वखनोवनम, रुमु रुमु पारुद चाम।
फवकु रोस शंखुक शब्दाह द्युतनम, सारंगि रोस सोज आम॥
कल्पवृक्ष बीजस मंज वारु होवनम, ओंमुय मूलाधार।
सूहम शब्दय मन वुजनोवुम, ललनोवुम ओंमकार॥”

‘कोफूर’

अज्ञान तिमिरान्धस्य ज्ञानान्जन शलाकया ।
चक्षुर् उन्मीलितं येन तस्मै श्री गुरुवे नमः ॥



महात्मा श्री मोहन लाल ठुस्सू
“कोफूर सॉब” (बब)

चु छुख कोफूर बनावुम ज्यूत्य पनुनी,
गल्य्म दुय येलि दिहम ‘ज्ञान रेह’ चु पनुनी।
बु छुस चुय चुय बु छुस अंदु प्यटु यि आधार,
गुरू दीवो चे छिय शत—शत नमस्कार॥

“संत”

अर्पण



“यि पवित्र भजन संग्रह छु माता जी श्रीमती
रूपादेवी जी त् सॉनिस पिता श्री, महात्मा श्री मोहन
लाल जी ठुसू ‘कोफूर सॉबस’, तिहंघन पूरवजन,
ज़िद्यन त् गुरू जनन हुंघन चर्ण कमलन भाव
सान अश्रूसुमन अर्पण ॥”

▪ काँशुर पॅरिव लीखिव यिय पॉठ्य् ▪

कौशिर्य अक्षर : क, ख, ग, च, छ, ज, ञ, ट, ठ, ड,
त, थ, द, न, प, फ, ब, म, य, र, ल, व, श,
स, ह, क्ष, ज्ञ, त्र।

कौशिर्य स्वर : अ, आ, ऐ, औ, इ, ई, उ, ऊ, ए, ओ, औ, व्व, यू।

स्वर	मात्रा	वर्ताव
अ	मूलस्वर	अख (एक), अज़ (आज), मस (बाल), बर (दरवाज़ा)
आ	।	आश (आशा), आव (आया), सास (हज़ार), माम (मामा)
अँ	ॐ	अँछ (आंख), अँड (आधी), चँर (चिडिया), मँछ (मक्खी)
औ	ॐ	औस (मुंह), औल (इलायची), औठ (आठ), दौन (अनार)
इ	ि	यि (यह), यिम (ये), छि (हैं), ज़िठ (बडी), जि (कि), दिस (देदो)
ई	ी	ईद, टीन (पीपा), शीन (बर्फ), सीर (ईंट), मीच (नाप), तीज़ (तेज)
उ	ॐ	उ (तुम), उ (दो), त (और), सच (दरज़ी), टख (दौड), ब (मैं)
अु	ॐ	तुर (सर्दी), जुज़ (दो दो), चुन (चूरा), कूमथ (कीमत), कुर (क्रूर)
उ	ॐ	हु (वह), छु (है), कुस (कौन), कुठ (कमरा), गुर (घोडा)
ऊ	ॐ	कूर (कन्या), हून (कुत्ता), दूर (दूर), दूल (अंडा), चूर (चोर)
ए	ॐ	हेर (सीढ़ी), नेर (निकल जाओ), चेर (देर), खोबानी, तेल (तिल)
ऐ	ॐ	मे (मुझे), चे (तुझे), चे (पी लो), शे (छः), त्रे (तीन), बेयि (और)
ओ	ॐ	मेल (पिता), लेल (प्यार), चोन (आपका), चोर (चार), ज़ेल (जलाया)
औ	ॐ	और (अच्छा), ओड (आधा), ओन (अंधा), कौंड (कांटा)
अं	ॐ	अंद (अंत), दंद (दांत), कौंड (कांटा), मंज़ (मैं, अंदर), कांड (भूसा)
य	य	ब्याख (दूसरा), म्योन (मेरा), ख्यन (खायेंगे), र्यथ (मास)
य	य	अँस्य (हम), चौर्य (मूर्ख), अँन्य (अंधे), खौस्य (कांसी के प्याले)
व	-व	पँस्य (चले), हँस्य (टिंडे), ज़ौर्य (जुवारी), बौय (भाई), छँस्य (बोधियां)
		द्वद (द्वद, दूध), स्वख (सुख), ब्वद (बुधि), स्वन (सोना), ग्वर (गुरु), व्वश (आह), क्वंग (केसर)

च्युतस थैविव : खास नावन सुत्य ह्यकव अँस्य संस्कृत या हिन्दी शब्दुय वरताँविथ ॥ पृथ्वी नाथ कौल 'सॉयिल'

कोफूर साँबुन्यू म्वख्तुसर ज्ञान

यिथु कॅन्य सिरियि सुंज़ु ज्ञान छि तसुंद प्रकाश तु प्रचण्ड करनावान। तिथय किन्य छि अँकिस भक्तु संज ज्ञान तसुंज़ भक्ती, ज्ञानी सुंज़ ज्ञान तसुंद ज्ञान, तु अँकिस संतु सुंज़ ज्ञान तसुंद व्यवहार करनावान। भक्ती तु ज्ञानुक म्युल छु अँकिस पुरुषस, महापुरुष बनावान। सु छु नर आँसिथ नारायण बनान। यानि पतु छुनु भँक्तिस तु भगवानस मंज़ कांह ति अंतर रोज़ान। यिथिस भँक्तिस या भगवान सुंज़ ज्ञान छेनु काँसि हुंज़ तौरफ़च मोहताज रोज़ान। आ, व्वन्य गव संतान आसनु किन्य यि केंछा मे कोफूर साँबुन पानस अनुभव गव, तमिकिस आधारस प्यठु छुस बु ज़ु शब्द लेखनुच कूशिश करान।

कोफूर साँबुन्य पूवर्ज तु शारदा जी

यि ओस सप्तऋशि संवत 5004, यानि 1928 ई., चित्र ज़ूनु पछ ओकदोह — नवरेह — गुरूवार — रेवती नक्षत्र तु कनि लॅग्न, येलि श्री मोहन लाल ठुसू, उर्फ नारायण दास लॅदरवनु कॅशीरि थनु पेयि। माता जी ओसुख रुखुमाल नाव तु मालिनिक आँसिस वनान मदरदयद। पिता जियस ओसुख नन्दलाल जी तु ज़िठिस मॉलिस टिकूलाल जी नाव। यिमन द्रशवुन्य बारन्यन आँस्य स्वामी रामजी ग्वर तु यिथुकनि गँयि स्वामी लथ्मण जी यिमन ग्वरु बाँय। कोफूर साँबनिस बुडिबबस ओस ठोकुर पंडित तु नानि स्वखदयद नाव। यि स्वखदयद छु

सु शुहुल तु रॅस्युल नाव, यिमव लॅदरुवनस मंज ग्वडनिच लॅर बनॉविथ बटु बॅस्ती हुंज बुनियाद त्रॉव।

टिकलाल जी तु नन्दलाल जी ऑस्य पनुन अयाल हय्थ लॅदरुवनस मंज रोजान, युस क्वपवारि प्यठु मॅहज शे मील दूर छु। यॅहय वथ छि शारदा मातायि हुंजि स्यदुपीठ, यथ शारदा जी या शारदा माई ति वनान छि, गछान। शारदा मातायि हुंद यि पवित्र अस्थापन छु अज पॉकिसतानुकिस कब्जस मंज। टिकलाल तु नन्दलाल ऑस्य त्रेन जायन यानि, लदरुवन, दुदनियाल तु बेयि शारदा जी पनुन कारुबार करान। शारदाजी गछन वाल्यन यात्रियन खॉतर ओस न कुनि कांह ति इंतिजाम। यि जॉनिथ कोर यिमव द्वश्वयव बारुन्यव सुंज तु माता शारदायि हुंद्यन भॅखत्युन खॉतर बनॉवुख दुदुनियालस मंज अख धर्मसाल, येति यहुंदुय लंगर ओस चलान। शारदा मातायि हुंद्यन भॅखत्युन हुंजि सीवायि द्युत पनुन फल। कारुबारस लॅज ग्रख तु यिहुंजि साधुसीवायि ति लोग व्यसतार। यिमव बनोव दुदुनियालस मंज अख प्राईमरी स्कूल, तु त्रॉवुख अति तॉलीम दिनच ग्वडनिच बुनियाद। धर्मसालि हुंद आकार ति गव बोड। व्वन्य ऑस्य यिम पांचन मकानन, वारयाहन दुकानन, ऑबी तु ख्वशकी ज़मीनक्य मॉलिख। लॅदरुवनुक अख त्रेपोर मकानु ओस साधू सीवायि खॉतर इस्तेमाल यिवन करनु। अति ओस बाज़पितु पॉट्य 'दॅज' दिथ साध—संत नवीद यिवान करनावनु। सुबहु प्यठु शाम तामथ ओस नु साधन तु संतन यिनस थख गछान। अति ओस चोवुहनी पॅहरन लंगर चलान। यिमन साधान तु संतन हुंज सीवा ऑस पनने गरचि मॉजि बेनि करान। यानि यथ ज़मीनि मंज कोफूर सॉब फबेयि, तथ ज़मीनस ओस ग्वडु प्यठय यिवान प्रेयमुक,

साधूसीवायि, भँखती तु सतसंगुक सग दिन।

लँदरुवनकिस तरजस प्यठ ओस दुदँन्याल ति अख लंगर चलान। भाँद्रपद घटपछ ओकदोह प्यठ ओस यात्रियन हुंद युन गछुन ति शुरू गछान। वृद्ध अवस्थायि हंघन यात्रियन खौतर ओस गुर्यन तु ज़ाँपानन हुंद ति इतिज़ाम यिवान करनु। यि सोरुय संज ओस यिमनुय द्ववन बारुन्यन, टिकूलाल तु नन्दलालजीनुय। चूँकि लँदरुवन ओस शारदा जी गछन वाल्यून यात्रियन हुंद ग्वडँयुक पडाव तु थकु पेंड, अति ओस अथ पूर अलाकस मंज यि कुनुय बटु गरु, युस ज़न तमाम साधन संतन हुंज बेलूस सीवा ओस करान। येमि किन्यु शारदा मातायि हुंज दया यिमन प्यठ हमेशि रूज, तु बेयि रूदुख साधन—संतन हुंद संग, व्वथुवन तु बेहँवुन।

शारदा जी ओस भाँद्रपद ज़ूनपछ आँठम, यथ गंगु आँठम ति वनान छि, अख बोड बारु हवन यिवान करनु। य्वहय दोह छु माता शारदायि हुंद जन्मदोह ति यिवान मानुनु। अमि दोह ओस अति अख विशाल दिवय लगान। यात्री तु साध संत आँस्य बरिसगीर कि कूनु कूनु प्यठ मातायि हुँदि दर्शनु बापथ यिवान। यि यात्रा आँस मँजहोरकिस र्यतस ताम रोज़ान। लँदरुवनचि वति अलावु आँस्य यात्री कृष्णगंगायि हुँदि बठि बठि मुजफराबादचि वति ति यिवान।

कोफूर सॉबुन्य इब्तिदॉयी तॉलीम तु गरु बार :—

बालु पानय मीज कोफूर सॉबस साधसीवायि हुंज तरबियत, तु साधसंगन त्रोव यिहुंदिस मनस मंज अध्यात्मच स्व बुनियाद, यथ प्यठ ब्रोंठ कुन वॉतिथ कोफूर सॉबन अध्यात्मक सु कुल बनोव, येमिच मजबूती, स्वन्दरता तु

कलाकॉरी हुंद पय छु तिहंद्यव लीख्यमत्यव भजनव तु
मिस्रव सुत्य मेलान।

कोफूर सॉबन कॅर इब्तिदॉयी तॉलीम हंदवारि हॉसिल
तु यिमु नियिपतु पनुनि जिछि बेनि तु बेमन (चांदा जिगरि तु
श्री शम्भू नाथ काबू सॉबन) पनुन गरु। यिमन ओस नु पननि
डंबि कांह ति संतान तु कॅरख कोफूर सॉबुन्य वछि तु
वॉलिंजि पॅवरिश। अति कॅर कोफूर सॉबन St. Joseph स्कूलस
मंज मैट्रिकस ताम तॉलीम हॉसिल। काबू सॉब ऑस्य स्यठा
परिमुत्य लीख्यमुत्य तु अलिमी अदबुक जोक थावन वॉल्य
शाख्स। यिहंदि सोहबॅच ति त्रोव कोफूर सॉबनि जिंदगी प्यठ
वारयाह असर। भगवत भॅख्ती हुंद युस ब्योल यिहंदिस मनस
मंज त्वक्चारुसुय प्योमुत ओस, सु लोग व्वन्य शारन तु
मिस्रक्यन रूपन मंज फवलुनि। तवय ऑसुखना बालुपानुसुय
मंज यि मिस्र लीखिथ पनुनि शॉयरी हुंज शुरुआत कॅरमुच—

“हरि ओम नाव ह्यथ लेखुन ह्यवान छुस,

तसुंधन चरणु कमलन बो नमान छुस।

बु छुस दासा तसुंदुय नाव ‘मोहन’,

मे छम ज़ाथ तुस तु रोज़ान छुस लॅदरुवन॥”

यि ओस 1947, येलि ज़नु वखतन ख्यव वलुगतुन तु
कबॉइलव कौर हमलु। रेड़ आव, लूठ गव, लूख आयि मारनु
तु सोरुय गव तहस नहस। दुदुनियालस तु शारदा जी प्यठ
कौर पाकिस्तानन कब्जु। अम्युक असर प्योव लदरुवनस प्यठ
ति तु इंसांनी बॅस्ती हुंधन मूलादारन प्यव लॅदरुवन त्रावुन।
दुर्गानागु श्रीनगरु लोग कैम्प तु यिमन साधन संतन हुंद ठिकानु
ति लोग अती। यिमन मंज खास कॅरिथ नरसिंह बाबा,
शीतल बाबा, स्वामी नन्दलाल जी, स्वामी शिवजी खर तु

मथुरा दीवी ति ओस्य। समय रूद पकान तु पनुन्य कॉम करान।

खॉर केंचु काल पतय यानि अक्तूबर 1949 ई. मंज गव यिहुंद लकुट बरादर राधाकृष्ण अंतर ध्यान। यिम ज़न तमि वख्तु मैट्रिकस परान ओस्य। येमि सुत्य यिमन कॉफी सदमु वोत तु यिमव कौरु बेयि लॅदरुवन कुन रुख। मगर वख्त ओस स्यठाह दूरयोमुत तु दिलन ओस ग्राय लजमुच। यिहुंदिस पिता जीयस गव नु यि बरदाशत तिक्याजि “शरायि—जैल” ति ओसुख कॉफी युस नु वटथ आवुय। तु ज़मीनस ति ओस काशतकारव कब्जु कोरमुत। अँथ्य द्वखस मंज वचख यिमव 1951 ई. मंज अँछ। गरेलू हालात गॅयि बद ख्वतु बदतर, राजसी म्वकुलेयि तु गुरबतन वोल् नाल। रुखुमालि तु अमि सुँघन शुर्यन प्यठ प्यव गुरु। कोफूर सॉबस ति प्यव हालातन हुंद मुकाबल करुन तु यिमनय हालातन मंज आव यिमन 1958 ई. मंज विलगाम क्वपवारि, पंडित गौपाल भट्टनि ल्वकुचि कोरि रूपादेवी सुत्य खांदर करनु। स्वामी आनन्द जी विलगाम, गयेयि रूपादेवी जिठ्य मॉल्य। चूंकि सियाँसी हालात रूद्य नु ठीक तु यिमव कोर 1959 ई. मंज सोपोर कुन रुख। अति मीज यिमन फुलड़ कंटरोल डिपार्टमेंटस मंज नौकरी। केंचु काल पतय वॉत्य यिम नौकरी हुंदिस सिलसिलस मंज वरमुल। य्वस ज़न यिहुंज कर्म भूमि बनेयि।

वरमुल — कोफूर सॉबुन्य कर्म भूमी :—

वरमुल छु अख पवित्र देवस्थान। यिमन मंज माता शैलपुत्री हुंद अस्थापन दीवीबलुक स्यठा महिमा छु। अमि अलावु ग्वसॉन्य टेंग येति ज़न रामकुण्ड, सीताकुण्ड तु

लक्ष्मणकुण्ड छि। कूटी तीर्थ तु गंगनोर छिनु कुनि ति तौरीफुक्य मोहताज। येति जनु अस्तर्क ति बावनु छि यिवान। वरुमुल छे स्व जाय येति भगवान विष्णो सुदि अवतार, वराह अवतार प्रकट गॅयि तु यिहुंदिस नावस प्यठय अथ वराहमूल नाव प्यव। अम्युक जिक्र छु 'वितस्ता महात्मस' मंजु ति करनु आमुत। अति नीरिथ ब्वन पाहन छु कनि माजि हुंद पल यथ प्यठ कामधीन तु वॅछ्य सुंदन सुमन यानि पादन हुंद निशान छि। अति छु येंद्र बॉश दोह द्वद्ध यिवान भावनु तु पैत्रन छु श्राद्ध यिवान हावनु। यि छे स्व जाय येति किन्स् सतीसरुक पोन्स् न्यबर द्राव। कोफूर सॉबस ओस अमि दीवीबलचि माता शैलपुत्री हुंद कॉफी लोल गन्योमुत। येमिच बावथ अँकिस भजनस मंजु कॅरमुच छे :—

“ओम श्रीमद्ध शैलपुत्री आदि शक्ति साकार,

अँस्स् आमुत्स् व्यनथ करने आशि हँत्य चोन दरबार॥”

कोफूर सॉबन्स् ज़िदय बरादर अँस्स् श्री जानकी नाथ जी ठुसू (जानु काक)। तिम ति छि जान संत अँस्स्यमुत्स्। तिहुंद गुरु महाराज, अँस्स् योगीराज स्वामी नन्दलाल जी महाराज। कोफूर सॉब अँस्स् विज़ि विज़ि तिमन सुत्य आद्यात्मिक मसलन प्यठ ति कथ बाथ करान तु तिम ति अँसिख रुच वथ हावान।

कोफूर सॉब अँस्स् त्वक्चारा प्यठय महान साधन तु संतन सुत्य रूद्धमुत्स्। मसलन स्वामी रामजी गॅययि यिमन पिताजियस गोरू माहराज, स्वामी आफताब जी यानि भास्कर सॉब ति गयेयि यिमन गरिक्यव मंजुय, स्वामी नन्दलाल जी अँस्स् अती आसान, स्वामी राघवानन्द जी, स्वामी आनन्द जी विलगाम तु बैयि तु वारयाह साध संत अँस्स् अती यानि

लॅदरुवनय आसान। वरमुलिस मज्ज ति लॅज कोफूर सॉबस साधु संगत। यिमन गॅयि कॅचन महापुरुषन सुत्य ति ज्ञान, यिमन मंज भगवत स्वरूप स्वामी महादेव भान सॉब तु श्री जियालाल जी पंडिता शॉमिल ऑस्य्। अमि अलाव यिमन परुषन सुत्य् कोफूर सूबस व्वथुन बिहुन रूद तु येति अख भजन मण्डली बनेयि, तिमव मंज छि कॅह नाव यिथु कॅन्यथः— श्री कन्हयालाल कौल, श्री काशीनाथ पंडिता करगॉमी, श्री लसुकाक चत्ता, श्री दामोधर कौल (मास्टर जी) श्री दीनानाथ पठवारी, पंडित जगननाथ जी, श्री काशीनाथ जी सोपोरी (भॉयसॉब), श्री शिबनजी ठुसू, मास्टर शम्भू नाथ पंडिता, श्री भूषणलाल (दुर), श्री भूषणलाल जी हरकार, श्री मदकाक जी, श्री एम.एल. कौल गुलाबी, श्री ब्रिजनाथ कौल, श्री वैद्यलाल चत्ता, श्री पृथ्वी नाथ पंडिता 'हकीम' ख्वाजाबाग, श्री सुरेन्द्र कौल, श्री निरन्जन नाथ रैणा श्रीनगर, श्री काशीनाथ पंडिता 'टंगवार', श्री पृथ्वी नाथ क्वकरू, श्री त्रेलोकी नाथ टिक्कू, श्री भूषणलाल पंडिता ख्वजबाग, श्री मोती लाल जी (खंदा) तु श्री भूषणलाल भट्ट चन्द्रहामा वगॉरु वगॉरु जान जान इंसान यिहुंदि नाव व्वन्य् याद छिनु प्यवान। अमि अलावु ऑस्य् समयि समयि अथ महफिलि वारयाह साध संत तु स्कॉलर ति ग्वड बरॉय करान तु सगुवान। मसलन स्वामी शब्दानन्द जी, स्वामी टिकुलाल जी मास्टर याने सोपोरक्य टिकु भगवान जी, स्वामी महेश्वरनाथ भट्ट (भगवान जी खनुमुंह), स्वामी सिद्धबब, स्वामी श्यामलाल जी 'हजीन' यिम ज्ञान ज़्यादु पाहन भान सॉबस निश ऑस्य् आसान, स्वामी वैद्यलाल जी गुशी तु स्वामी सूरदास महाराज गॅयि ऑसिथय। यिमव अलावु ऑस्य् स्वामी पुष्करनाथ जी कौल

पोशि मौत, महात्मा पी.एन. सपरू पोशि बब (गुलाब बाग श्रीनगर), श्री रूप कृष्ण जी मस्ताना, स्वामी स्वयम्भानन्द जी तु स्वामी मस्त बब हिव्य वारयाह संत महात्मा ओर यिवान। अमि अलाव ऑस्य विज़ि विज़ि डॉ. अमरनाथ मालमोही सॉब ति पनुनिस फलसफी अंदाज़स मंज़ अथ महफिलि सगुनावान तु विज्ञान क्वंगु सुत्य मुश्कावान। वाह! क्याह माहोल ओस, ज़न ति ओस मॅत्य् आब वौथमुत। सोरुय ओस अकुय परिवार बासान। चोन तु म्योन ओस नु कुने। यि ओसना अॅमिसुय माजि हुंद चमत्कार य्वसु अति रास लीला ऑस करान।

यि ओस लगभग 1970 येलि ज़न कोफूर सॉबस प्यठ माजि शैलायि हुंज़ दया द्रायि तु यिमन सपद्योव माजि दीवी हुंदिस आंगनस मंज़य पनुनिस ग्वरू महाराज योगीराज स्वामी बालकदास जी महाराजस सुत्य म्युल (यिमन ऑस्य् प्रभु जी तु लुख स्वामी सीताराम जी ती वनान छि) तु बदल्योव यिहुंद तकदीर। प्रभु जी ति ज़न ऑस्य कोफूर सॉबस प्रारान। तमि पतु लॅज नु पतहय जि कोफूर सॉब कोत वॉत्य्। यिम ति ज़न ऑस्य् यिहुंदिसुय दर्शनस तु स्पर्शस प्रारान येम्युक ज़िक्र कोफूर सॉबन यिथु कॅन्य् कोर :—

“यूगी राज़न ओंम वखनोवनम, रुमु रुमु पारुद चाम।

फवकु रोस शंखुक शब्दाह द्युतनम, सारंगि रोस सोज़ आम॥

कल्पवृक्ष बीज़स मंज़ वारु होवनम, ओंमुय मूलाधार।

सूहम शब्दय मन वुज़नोवुम, ललनोवुम ओंमकार॥”

कोफूर सॉबनिस विज्ञानु नागस युस ज़न फटनस ओस आमुत, लॅज वुज़िन्य् तु बुबरायि वॅछ ‘ज्ञानु गंग’ तमि अमर्यतु

क्वण्डु मंजु, यवसु ज़न लोल हँत्यन, त्रेशि हँत्यन तु जिज्ञासन
वथ हावान तु सगनावान छि। कोफूर सॉबस ऑस्य ग्वरोमहराज
'नारायण दास' ति वनान। कोफूर सॉबन कोर पनुनिस ग्वरो
महाराजस खॉतरु कुटियायि हुंद संज तु अमि खॉतरु थोव श्री
पृथ्वीनाथ जी हकीम सॉबन ख्वजबाग केंह मरलु ज़मीन
पेशकश। सीताराम जी ऑस्य वैरॉगी संत तु ऑस्य नु ज़्याद
बीड बाड पसंद करान। यिम ऑस्य प्रथ वक्तु धूनि ज़ॉलिथ
रोज़ान, श्री सीताराम नाव ह्यवान तु रामायण बोज़नावान।
अँथ्य लोल बरान तु अमिकुय प्रचार करान। मगर यिम रुद नु
अति ज़्यादस कालस तु ऑस्य वनान ज़ि अँकिस संतस पज़ि
नु अँकिसुय जायि रोज़ुन, तिक्याज़ि यि छु अति बेयि गुरु
बनावान तु संसॉरी माया ज़ालस मंज फसान। अमि पतु रूद्य
यिम वँहर्य द्वयि वँहर्य यिवान गछान। मगर ठिकानु द्युतुख नु
कुने। यिहुंज़ि कुटियायि हुंज़ि जायि आव पतु कांची कामा
कोटि पीठुकिस महात्मा मोनी बाबा सुंद आश्रम बनावनु। गरजे
तमाम महात्माहव ज़न ओस अथि वरमुलिस नाल वोलमुत।
यिति छु अँमिसुय माजि शैलायि हुंद थज़र तु बजर।

कोफूर सॉबुन्यु शखसियत :-

कोफूर सॉबुन्यु शखसियँच प्यठ योदवय नज़र त्रावव,
तिमु ऑस्य सादु लिबासस मंज अख महान आत्मा। तिहुंद
ख्युन चोन, व्वथुन बिहुन ओस स्योद सादु। तिहुंद असुवुन
म्वख ओस फवलुवुनिस पम्पोशस ह्यू प्रज़लवुन। यिम ऑस्य
हॉज़िर जवाब। टेछि ख्वतु टछि कथि ति ऑस्य असान
असान जवाब दिवान। तिम ऑस्य मज़ाही अंदाज़स मंज
महफिलि नोवुय रंग बखशान। तिहुंज़ु कँथु आसु आसान

सरल मगर तम्युक अर्थ ओस आसान स्यठाह गूढ। तिमन ऑस्य् सॉरी पानसुय हिंव्य बासान, व्वपर नु कांह। यिम ऑस्य् साधुसीवायि तु पॅछ्य पूजायि सुत्यी प्रसन्न रोजान। हालांकि मांशी हालाथ ऑस्य् नु तीत्याह ठीक तु अथ मंज ओस यिहुंजि धर्मपत्नी हुंद स्यठाह योगदान। युस यिमन प्रथ कथि साथ रूज दिवान तु पनुन धर्म निभावान। कोफूर सॉब ऑस्य् रातस दोहस साधनायि मंज लीन आसान। यिम ऑस्य् नु शॉयरी करान बॅल्कि ऑस्य् यिहुंघ भाव पॉन्य पानय प्रकट गछान, यिमन यिम कलमबन्द कॅरिथ रॉछ ऑस्य् करान। कोफूर सॉब ऑस्य् नु पानस ज़ांह ति बजर दिवान तु नु ऑस्य् पानस कॉफ्य खारान। लुकन निश पान खटुन ऑस्य् असल पॉट्य ज़ानान। बजन बजन शाउ महफिलन तु मजलिसन मंज ऑस्य् नु गछान, ज़्यादु पाहन समय ऑस्य् गरे गुज़ारान, तु पानस सुत्य पानसुय मंज लीन रोजान।

भजन कीर्तन या सतसंगु विजि ओस यिहुंघन भावन हुंद सु आलौकिक प्रवाह सपदान, येमि सुत्य स्व मॅहफिल वॅनितोस या साधना स्थल, भाव विभोर सपदान तु आनन्द रस सुत्य ऑस यि पॅजिपॉट्य सगवनु यिवान। अति ऑस अख अँजीब क़समुच कौफियत पॉदु गछान, येमिच भावथ करुन्य छे स्यठा मुशिकल, यि ज़ानन तिमय यिम अति आसान ऑस्य्।

दपान साधन संतन निश छनु कांह ति कथ खॅटिथ रोजान। 1990 ई. मंज युस बटन महारेड आव, यि ओस कोफूर सॉबन ग्वड प्यठय च्यूनमुत तु यि जॉनिथ जि व्वन्य छुनु बटन हुंद कॅशीरि मंज रोजुन जान, कोर यिमव ब्रोंदुय, 1987-88 मंज जैमिस कुन पलायन। जैमिस मंज वॉत्य यिम

पनुनि बेनि श्रीमती दुर्गा देवी निश, य्वसु केंचव वॅरियव प्यठ सारी घौमनासा रोडस प्यठ रोज़ान आँस। केंचि कालु पतय यानि 1989-90 ई. मंज़ वॉति यिहंघ सॉरी नज़दीकी यार दोसत, बाँय तु बंध ति यिमनुय निश जोम। मगर कांह काँसि लोग नु अथि। अख लोग लार तु अख दार। चूँकि येत्युक आबु हवा तु माहोल आव नु यिमन रास, येमि किन्यु यिमन द्वख वोत तु शरीर ति रूदुख नु ठीक। कोफूर सॉब आँस्यु पनुनि झुण्ड निशि छ्यनु गॉमुत्यु तु येम्युक इज़हार यिमव यिथु कॅन्य छु कोरमुत :-

“चाहे शिबन जगन हो मदुकाक शम्भूनाथ,
काफूर हुई महफिल सजी थी शामो सहर प्रभात।

जीकाक थे या भान साहब करगाम काशीनाथ,
मिलकर चले थे इक दिन मदहोश अन्धेरी रात॥

न जाने किस ज़ालिम की नज़र टक्कर गई,
मैं भी बड़ा तू भी बड़ा तो हम सब उजड़ गए।

कोई न छोटा था हम में तो सरसब्ज़ था जहां,
रोशन ज़मीर सभी बने उजड़ा यह कारवां॥”

यि ओस 25 जून 1992 ई. हारु गटु पछ दॅहम प्रभात समय येलि ज़न कोफूर सॉबन यि कॉल्यबि अन्सरी त्रौव तु गॅयि दयस मील्लिथ। तिमव द्युत पनुनि नेरनुकि समयुक लगभग आँठ दॅह दोह ब्रोंदुय इशारु तु व्यछ्णनाव्यख वारयाह कथु। यिमन मंज़ कॅह जॉती कथ तु भविष्यवाणी ति आसु, यिम ज़न बिल्कुल पज़ द्रायि तु नेरान ति छि। आँखरस प्यठ कॅर तिमव अक्य यछा जॉहिर जि तिहंघ वॅन्यमुत्यु अनमोल भजन तु ल्यखमुत कलामु गोछ युन आम लूकन ताम ति वातुनावनु तु बेयि ति ओसुख क्याहताम संशय मनस मंज़,

शायद मा करहन तिम पनुनि समाजिच बेयि ति खँदमत मगर
आयुर्धाहन तु कलमन द्युतखन साथ तु रूद्य यी वनान :—

“म्योन मिशन रूद अडुल्योकुय, शायद मा पेयि मे
बेयि जन्म ह्योन तु पनुन मिशन पूर करुन...।”

योदवय तिहुंज तखलीक छे कवितायि रूपस मंजुय,
मगर पतु हच्योख तिमव नसर किस सूरतस मंज ति लेखुन,
मसलन “ग्वरो महाराज क्युथ गछि आसुन, ब्रह्मण जात पात,
अष्टांग यूग, शब्दु ब्रह्म, गायत्री महातम्य” वगौरु वगौरु बेयि
ति वारयाह केँह। मगर शरीर ठीक नु आसनु किन्यु ह्योक नु
यिमव ब्रोंठ कुन लीखिथ।

मे छु बासान जि तिम छि असि सुत्य सुत्य पकान,
अथस थफ कॅरिथ वथ हावान तु सानि वतु शेरान। दय
बूजिन जि युथ ह्युव ग्वरुमोल तु मार्गदर्शक ओसिन प्रथ काँसि
तु असि रूजिन यिहुंद सायि तु शेहजार जन्मु जन्मांतरन।
असि दियिन भगवान त्युथ होसलु तु आत्मबल जि अँस्य
रोजव यिहुंद मिशन ब्रोंठ कुन पकुनावान तु असि रूजिन यिथु
पौँद्य तुहुँदि प्रेयमुक तु भावुक सहयोग मेलान।

तुहँद्य कृपापात्र तु सीवक

‘पूर्ण’ कोफूर परिवार।



“इयकु टिकु क्याह गव आत्म ज्ञानय,
हौसिल तस येम्य विजि—विजि गोर।
‘कोफूर’ गछ शरण सतग्वरु पादन,
युस येमि भवसर तारी अपोर॥”

ग्वडु कथ



डॉ. अमरनाथ मालमोही

“सोदरु खेच रोदरु माल, गँजरिमस फॅलिये,
लैलिये बु करस ल्वलुमत लाय।”

कौशर्यन बटन हुंद प्रथ कॅह मॉदी तु गौर मॉदी,
आदि तु अंत, सोरुय कॅह छु अँम्यूसुय रोदरु मालि हुंद
गुलिम्यूठ तु यँहय रोदरु माल ओस फकत सतथ वॅरी
ब्रौठ रोदरु वनस मंज यथ ‘लैदरुवन’ ति वनान छि,
पनुन्यन भँक्त्यन हुंधन दिलन मंज गतुरेनि हुंद्य पौठ्य
गथ करान। यिह्वय लैदरुवनुय ओस मोहन लाल
‘काफूर’ सौबुन गरु, यिमन प्यठ शारदा पीठुचि
राजुरेनि माता शारदा भगवती हुंद खास अनुग्रह ओस।
लैदरुवनुक यि साध, मोहनलाल ओस अँम्यूसुय शारदा
मातायि हुंद भक्त तु बालुपानय ओसुस माजि हुंद लोल
रगन रगन मंज जाय कॅरिथ फ्रकवान, अवय मूजुब
रुदुख साधन तु संतन सुत्य व्वथुन बिहुन। योदवय
‘कोफुर’ सौबुन्य गुरु स्वामी सीता राम जी ओस्य, मगर
यिमव कोर स्वामी राम जी, स्वामी आफताब जी, स्वामी
आनन्द जी, स्वामी राघवानंद जी तु खास कॅरिथ स्वामी
नन्द लाल जियस निश ति मनकिस सोदरस बैरचर।
तस हैचुन हनि हनि हाँकलु छ्यनुनि, लोल लोग बारव
दिनि तु शारदा मातायि हुंज दया द्रायि ‘कोफूर’ सौबनि

म्वखु गुंगुराय बॅनिथ तु यि गुंगुराय बनेयि तमि विजि
ग्रज, येलि 'कोफूर' सॉब वरमुलि ख्वजिबाग रोज़ान
ऑस्त्रु तु येति अख मकबूल भजन मंडली ति ऑस।

'कोफूर' सॉब रूद ऑखरुस ताम ग्रहस्थी, मगर
ऑकिस कर्मयोगी सुंद्य पॉट्य। तिहंद्य भजन छिनु हावु
भाव, बॅल्कि तिहंद सोन रूहोनी तजरुबु हावान। अहंद्य
भजन छिनु अख सतही तफरी, बॅल्कि तमि सोदरुच
भावथ करान येम्युक वोंत 'कोफूर' सॉबन सॉरिसुय
वॉसि सरु करनुच कूशिश कॅर। अथ सोदरस मंज कोत
वॉत्तु तिम, यि वनुन छुनु सानि खोंतरु मुमकिन, मगर
यि केंछा तिमव वोन, तमि सुत्य छु तिहंद्यन तजरुबन
हुंद हना पय मेलान।

कोफूर सॉबुन्यू शॉयरी छे रूहोनी तजरुबन हुंज
बावथ, यिम ति बास अथ सिलसिलस मंज सपुद्य तिमन
कॅर तिमव ज्यव दिनुच कूशिश। यिति छु पज़र जि कुनि
ति अध्यात्मिक अनुभवस पूरु पॉट्य ज़बान दिन्यु छु नु
सहल आसान तिक्याज़ि युस तजरुबु भॅक्तिस पानस
साधनायि मंज छु सपदान तम्युक छु तस फकत क्याहताम
बास ह्युव रोज़ान तु पतु छुनु यि बास वयखुरी हंदिस
सॅथरिस प्यठ पूरु पॉट्य लफज़न मंज यिवान, तिक्याज़ि
युस आनन्द या यूवस सरशोरी शॉयरन प्रॉवमुच आसान
छे तथ पूरु पॉट्य ज़बान दिन्य छे नामुमकिन।

कोफूर सॉबुन शॉयरान कमाल छु यि जि सु छु
पनुनि शॉयरी मंज अख आहंग (Rhythm) पॉदु करनुच
कूशिश करान तु अमि खोंतरु छिनु तैम्यु सुंद्य लफज़ छरा

लफ़्ज़ रोज़ान बैल्यूकि तमसीली (Allegorical) तु अलमैती (Symbolic) रंग प्रौविथ वुसजार लबान। सु छु परन वॉलिस पनुनि तजरुबुक वातनाव्यूर (Communication) सुत्य सरशार करुन यछान तु अमि खैतरु छु सु पनुनिस ख्यालस मुनॉसिब वोलुत करान।

तमसीली बयान छु कोफूर सॉबनि शॉयरी हंज़ अख अँहम खसूसियत, जज़बुक वुतशाव छु लफ़्ज़न हंडिस रासस ल्य दिवान तु मे छु बासान जि कृष्ण जुव राज़दानस पतु छु 'मोहन लाल कोफूर' सॉब लीला सिनफि (Form) संजीदगी, गँहरॉई तु जमालियोती (Aesthetic) आहंगु सुत्य सजावनुच कूशिश करान। तैम्य सुंद कलाम छु सलीस ति, रवां ति तु गूढ़ ति।

मे छु यकीन जि यि कलाम परन वॉल्य सपदन अँमिस रूयवॉयती अनपर शॉयर संज़ वुज़िन्य महसूस करिथ सरशार तु आनन्द मगन।

असि छे व्वमेद जि यिहिंद लख्यमुत्य यिम भजन करन नु सिर्फ सान्यन दिलन मंज़ अख आत्मिक प्रकाश पौदु, बैल्कि दिन यथ व्वलहँरिशि मंज़ असि बैयि जिन्दु रोज़नुक अख नोव होसलु तु युथ कशीरि, पनुनि कशीरि, बैयि रोदरुमाल गथ करि तु प्रथ तरफ़ व्वथि अकृय ग्रज़:-

शिवाय नमः ओम नमः शिवाय।

शिवाय नमः ओम नमः शिवाय॥

डॉ. अमर मालमोही



‘कोफूर’ साँब अख गाशि तारुख



स्वामी श्याम लाल जी वांचू ‘हजीन’

प्राचीन काल प्यठ छु चलान आमुत येलि कांह प्वसतक मन्जरे—आमस प्यठ यिवान छि अनुनु तम्युक वजह तु पोत मन्जर छु ग्वडु किताबि हँदिस आगाजस सुत्य यिवान अनुनु बेयि तम्युक मूल कारण क्या छु तु ति छु यिवान वननु।

स्व श्री मोहन लाल ‘कोफूर’ साँबुन्य बुजरग छि लँदिर वन कँशीरि मंज बसान आँस्यमुत्य। यि गाम छु शारदा मातायि गछुवुनि प्वखतु वति जंगलस मंज ओसमुत। ‘कोफूर’ साँबुन्य बुजरग श्री टिकु लाल जी, श्री नंदु लाल जी छि अँथ्य गामस मंज बसान आँस्यमुत्य। अमी खानदानक्य च्यशमु चराग आँस्य ‘कोफूर’ साँब।

ल्वकुचारु प्यठ छु यिमन रगन रगन मंज दँयि लोल फ्रकुवान ओसमुत। शारदा मातायि हुंजि दयायि सुत्य छे यिमन बँखती हुँदिस नागुरादस वुजिन्य जारी

गॉमुच। यिमव छि शॉयरानु अंदाजस मंज आत्माहस तु परमात्माहस बदि कडनुच कूशिश कॅरमुच। यिहुंज शॉयरी छे सनि बॅखती हुंद पय दिवान, खास कर ग्वरु असतुती हुंज वखनय। यिहुंद प्रथ कांह बजन छु मनुष्यस वतु हावुक बनान। सू हम वखनिथ शब्द ओमस सुत्य मिलुविथ परमात्मा सुंद प्रकाश नॅनिरावान येमि सुत्य सिरयिक्क्य पॉट्य गाश हावान छु। यिहुंद ग्वर देव स्वामी बालक दास जी, यिमव 'कोफूर' सॉबस ज्ञानुच वथ हॉवमुच छि। 'कोफूर' सॉबुन छु ग्वरु ऑज्ञन्यायि लोल बॅरिथ सु गाश लोबुमुत, येमि सुत्य मंजिलस वॉत्यमुत्य छि।

'कोफूर' सॉबुन वॅन्यमुत्य बजन छि बॅखती हुंदन त्रेशि हैत्यन लोल वुजुनावान तु वतु हावुक्य बनान। यिहुंद बजन छि तेमि ज्ञानुच वथ हावान येमि सुत्य लोल वाल्यन विज्ञान नागस वुजिन्य लगान छि तु अथ गाशस तल छि तिम मंजियलस कुन कदम त्रावान।

'कोफूर' सॉब ओस अख गाशि तारुख, युस 25 जून 1992 ईसवी मंज लूस।

'हजीन' कशमीरी



ॐ नमः शिवाय

ॐ गुरुवे नमः

भाव गुल तु शिहिल्य् कुल



आनन्द स्वामी प्राणनाथ भट्ट गरीब (भाईजी)

‘कोफूर’ सॉबुन्य् भाव व्यदाख तु शहुल नागराद
छु शायद सान्यन सूफी शॉयरन तु सन्त—कॅवियन सुत्य
प्रयाग बोनि हुंद अनुहार बदि कडान। कर्म यूगुक तु
धर्म ब्रान्दुक म्युल छु यिहंदान भजनन मंज गर्भ कौन्जि
हुंद पाँठय् वॅटिथ तु शीरिथ। युहुंद इष्ट छु शामु रंग
शिव तु इष्ट देवी छि जगुतुच राज्यरेन्य। ज्ञानु व्वलुरस
पाज क्या करव येलि धारणायि हुंद शिव सनिरु तु गनिरु
मंजु नीरिथ अबदी हकीकतस सुत्य हिकट आसि करान।
यि छि टाकारु हकीकत जि सतग्वर छि यिहिंजि लोलु
ख्वनि मंज मस गर्भ निद्रायि मंज यूगु खबख मारान तु
सुशप्ती चॅक्करस प्राण—शक्ती दिथ जाग्रतस मुशकावान।

‘कोफुर’ सॉब छि लॅदरुवन क्वपुवॉरिस मंज थनु
प्येमुत्य् तु ल्वकृचार प्यठु वखति ऑखरस ताम तापु
चंजव मँज्य् द्रामुत्य अबदी स्वखुक तलाश ओस शदु—मदु

सान जॉरी थॅविथ। यिम ऑस्य दुहस मंज ति गाशि ज़ुचु
वुछान। शायद मुहच वुनल ऑसुख रसु रसु व्यगुलान।

ग्वरुदेव ऑस्य अँम्य् सुंजि जिन्दुगी हुंद प्रकाश तु
प्राण—ग्वर्य ओस युहुंद पारब्रह्म परमेश्वर “ब्रह्मा, विष्णु
तु महेश”। जगत माता दुर्गा स्वरूप ऑस यिहिन्दि
हयातुक आगुर तु द्वखन तु संतापन मंज सायिबानु। ग्वर
छु ‘कोफूर’ सॉबुन्यून प्राणन मंज प्राणात्मक शक्ती तु
बोज़ मंज प्रयाणु बुद्धी हँद्य संगर गाशुरावान। यिह्यन्दिनुय
शब्दन मंजः

यिम पाँछ प्राण चुय छुख,

अजपा जपुक मै व्यस्तार।

आनन्द—मय कुशस मंज,

कारण चु कारणाये ॥०॥

यिहन्दन भजनन तु लीलायन मंज छि लोलु फिराक। कल
नोमरिथ स्योद सादु बासुवुन भक्ती मंज अलमस्त उफ़कस
तु शफ़ुकस म्युल करुनुक सोजि जिगर वजुनावान। योद
जिन्दुगी आसिह्यनस साथ द्युतमुत तेलि मा आसुहन
भखतीय तु म्वखतीय अँम्यिसन्जि ख्वनि मंज गाशिपम्पोश
तु भावु ही बुबुरायि खँत्य्मुत्य जहार छटान तु कुल सृष्टी
तु ब्रह्मांडस म्वअतर करान। यिम छि मँर्यादायि मंज रूजिथ
व्यतु वौतुरस अबदी तु असली शखती हुंद मुकट लागान।

शिव प्राकश छु यिहिन्दन भजनन मंज अलग
अलग रूपन मंज समभावुक्य बेशुमार रंगन हुंद मुशकि

जाविदौनी छटान। सरस्वती हुंद आभास छु गाहे अभ्यासुक्य
 प्रकरम दिवान। हलम दौरिथ तु मुर वँहरिथ छु सत्ग्वर
 कृपायि हुंज बिक्षा मंगान। श्री राम तु राधाकृष्ण छि
 यिहन्दन भजनन मंज शॉन्ती तु स्वखुक साधन यिम छि
 'कोफूर' सॉबुन्यन अन्तःकरणन मंज मर्यादायि हुंद कल्पु
 वृक्षुक सदा बहारुक श्रंपिथ आनन्द तु कर्म भूमिकायि
 हुंद साक्षात योगु म्युल। यिम छि यिहिन्दस सोन्तस
 तरावत बख्खान। सोजो गुदाज तु साजि इन्द्राज छु
 यिहिंजि शॉयरानु सलाहयतुक्य शाह कलन्दर तु रँसिज्यु
 वॉनी हुंद ख्वद म्वख्तार शहनशाह। ग्रहस्तुचि कोन्दि
 मंज ओस अँम्य महा प्वरषण मुक्कमल पॉट्य पान
 पोयमुत। रागु बलस मंज ओसुन त्यागुबलुक आसन
 दोरमुत। नफसि कुलस ओसुन कलय चोटमुत तवय
 ओस सोदामुन्य पॉट्य भार व्यतुरावान मगर उफ ति नु
 करान। कॉम करान ख्यवान, चवान फकत दयस तु
 सत्ग्वरस लोलुवसि हुंद खॉस्यु बरान। प्राणायामस मंजुय
 शाहस तु शिवस हमसु दारि प्यठ बदि कडुनुच कूशिशि
 इलॉही बारसस अनान।

वादिये गुल पोशस मंज छु कौपुवोर तु अम्युक
 ओन्द पोख सान्युन अन्तःकरणन शैहजार तु आध्यात्मिक
 सुगन्धी बख्खान। अम्युचि मैचि मंज छि कम पायि बडि
 ऋष, साधक स्यद्ध प्वरुष सूफी तु यूगीश्वर द्रामुत्य।
 अँथ्यु श्रोचि मैचि मंज छि 'कोफूर' सॉब हिंव्य गोणुमात

ति बारसस आमुत्य ।

यिहुंजि धर्मपत्नी मंज ति बास्योम शोद लोल
छालु मारात्र । भँख्ती तु पत्तिवर्त्ता धर्म छुस मर्यादायि
हुंदिस क्वंगु जारस मंज श्रँपिथ गोमुत । यिम्ब आसि
'कोफूर' सॉबस बेलूस सेवा कॅरमुच सु छु यिहिन्दि
डय्कु प्यठय ननान ।

दयन ऑस्य् यिम सन्तानव रँग्य् माला माल
कॅर्यमुत्य् । यिमव यिहुंज मर्यादायि हुन्द नागराद आत्म
आभासस मंज शीरिथ तु पॅरिथ छि थँव्य्मुत्य् तु यिहुंद
म्वलुल सरमायि छि जगतस बॉगरवुनु बापथ कोशान ।
यिहिंद्य अवलाद 'पूर्ण जी ठुसू', 'संत जी ठुसू' तु
'कुल्दीप ठुसू' 'पम्पोश' सँज ग्वरु भख्ती तु पितृ भँख्ती
वुछिथ छुम बासान जि यिमन त्रेशवुन्य बायन मंज छु
कुसताम संत रोजान तु जुवान ।

दय बूजिन 'कोफूर' सॉबुन मिशन (Mission) लॅबिन
आकाशुक व्यस्तार, सागरन हुंद सन्यूर तु कायनातुक
गन्यूर रुजिन अथ मीठ्य दिवान !

ऊँ गुरुवे नमः ।

असली बसकीन

मुरन, पुलवाँमा

आनन्द स्वामी

प्राणनाथ भट्ट गरीब

(भाईजी)

सूर्य विहार, बोर्डी, जम्मू ।

बागनय

- ७६ कोफूर सॉबुन्य म्वख्तुसर ज़ान पूर्ण कोफूर परिवार
 ७७ ग्वडु कथ डॉ. अमरनाथ मालमोही
 ७८ कोफूर सॉब अख गाशि तारुख 'हज़ीन' कशमीरी
 ७९ भावु गुल तु शिहिल्य कुल आनन्द स्वामी प्राणनाथ भट्ट

गुप्तार	ग्वडु शौर	सफ़
---------	-----------	-----

- | | | |
|-----|---------------------------------------|----|
| 1. | ही महा सागर सर्व आदि कारो | 1 |
| 2. | सन्तय समागम सतग्वरु मै प्रोवुम | 4 |
| 3. | ग्वरु पादन हुंज़ कृपा यस | 7 |
| 4. | श्री ग्वरने मै रोज़ तु सनम्वख | 9 |
| 5. | विश्व व्योपी व्यान व्यापक हरो | 13 |
| 6. | प्रभू मै परनवतु भावनाये | 16 |
| 7. | गौरी शंकर अज़ यितु गरु सोन प्रज़लावतम | 19 |
| 8. | मै वुछमय रोज़ि रोशन जानि जानान | 21 |
| 9. | सुरमोत नूरानु वुछुम | 24 |
| 10. | रवा छा दूरि—दूरे जलवु हावन | 27 |
| 11. | मूरि—मूरि फोलहमो परिपूर्ण मूलाधारो | 29 |
| 12. | मै दिखना चेशमु वुछहा बु हरशाय... | 32 |
| 13. | छख हय नूरबॅरिथ परिपूर्ण परमेश्वरी | 34 |
| 14. | रोशि—रोशि पौशमाल होश रावुरावान | 35 |
| 15. | वनुवान द्रायि स्वरगुचि पॅरिये लो | 37 |
| 16. | मॉज दुर्गाय करि सोन चारु लोलो | 41 |

17.	जगत माता छि ललवान नाव चोनुय...	44
18.	पादि कमलन तल बु आसय पान...	46
19.	ताजदारन मंज छखय ताबान चुय	49
20.	ही जगत अम्बाय बोज तय मे फॅर्याद	51
21.	ओम श्रीमद्ध शैल पुत्री आदि शकती...	54
22.	परि पूर्ण निर्मल रामो	59
23.	मुख में सीता राम रत्न मेरे	61
24.	भक्ती भावनायि स्वरि श्री राम	63
25.	श्री कृष्ण कृष्णाय कृष्ण राधा कृष्णो यितम	66
26.	क्याह दुबारु कृष्ण अवतार यीना	69
27.	भावु पम्पोश ह्यथ लारुनसुय	72
28.	प्रभू—वर प्रभूवर कर्ता	77
29.	कस रोज़ि सक्रय रूगु रौस रोज़िहे	78
30.	सँमितवी सँखियो आदि प्रभातस...	81
31.	तगियेय मनुविथ अनतन रिन्दय...	84
32.	चान्यून खयालनुय मंज...	86
33.	आया हूँ दर पै तेरे पाओं तमाम साकी	87
34.	दय छुम बिहित रूशिथ खँटिथ	89
35.	यनु कोरथम श्र्वन्य् र्वनि जामन	91
36.	लागुहा यारानु चैय सुत्य	93
37.	दौन थरि फुल्या आयि बरजसतौय	96
38.	यिमन चॉनी लय आसि रूमन...	99
39.	पाद रटुहॉय साधुनायि साधय	102

40.	शॉन्ती शमय कल्यान बनि...	104
41.	सूहम शब्दय मन वुजुनोवुम	106
42.	श्रमतो पानो दम द्यू दहानस	110
43.	हाव दर्शुन नाद ब्यंदु नादु लोलो	113
44.	करबा करुखय पनुनुय गरु तय	115
45.	नार लोग हमस सू हय नट्योम	117
46.	अख नॅर तुल तो ब्याख नॅर त्राव	120
47.	रास्ती अपनाले राही हक परस्ती राज़ है	122
48.	मैं खुद भी अपनी तलाश में हूँ	124
49.	मॅत्य वर्णु मसतानु मुच़राव...	127
50.	लालु अनहन सालु मनुविथ...	128
51.	नाद लायेय नादु ब्यंदु यिखना वने	129
52.	आदि अनादि पथ वथ ओम	132
53.	च्यथ दियि चेतना मन रटि प्राण खटि	135
54.	“वाख”	137
55.	ऐ जगजननी मोरी मैया	139
56.	“श्रुकय”	141
57.	“वाख”	142
58.	श्री महा गायत्री स्तुती	144-158
59.	प्रणव अक्षर चु ओमकार रूपु साकार	159
60.	शब्दु ब्रह्म	161
61.	कोफूर सॉब — म्यानि नज़रि	169
62.	यि पोस्तक किशु आयि बारसस	172

भजन 1



“ॐ गलूम गं गणपतिये नमः”

ही महा सागर सर्व आदि कारो,
पूर्ण ब्रह्म अवतारो यो ।
सिद्धि दाता छुख विघ्न हरतारो,
महा गणपत ध्यान दारो यो ॥ 0 ॥

सिन्दूर वर्ण शान्त सु स्वरूप कारो,
बालु चन्द्र मूला दारो यो ।
सनम्वख मै बासतम संकट निवारो,
महा गणपत ध्यान दारो यो ॥ 1 ॥

पदम आसन म्यानि परमेश्वरो,
रिद्धि बुधि अष्ट सिद्धि ओदीन छय ।
नववुन्य निदाणन हंदि शूभिदारो,
महा गणपत ध्यान दारो यो ॥ 2 ॥

गजमुख चतुरबुज नौगिन्द्रहारो,
रुदरय गणुनय हुन्द च सरदार ।
पन्युचम्वख शिव सुंदि सीवाकरो,
महा गणपत ध्यान दारो यो ॥ 3 ॥

धूम्र नेत्र वक्र तुण्ड विघनन निवारो,
 एकदन्त कृष्ण पिंगला बैविनय जय ।
 तार दिम भवसरु सर्व्व व्यपकारो,
 महा गणपत ध्यान दारोयो ॥ 4 ॥

वासुक हटि छुय मूशक सवारो,
 मुहु गटु कासतम तु दिह अभिमान ।
 म्वकलावतम छुख बखशनहारो,
 महा गणपत ध्यान दारोयो ॥ 5 ॥

वलभा सुत्य छय सूर्य्य आकारो,
 आदि शक्ती छय डखि शूबान ।
 बृह्मसर बासतम साक्षात कारो,
 महा गणपत ध्यान दारोयो ॥ 6 ॥

चोरम च्वदुश रोज़हय व्रथ दारान,
 सतसंग गंगज़लु छलुहा पान ।
 सत्युदीवु पूज़हथ सत सुय स्वरानो,
 महा गणपत ध्यान दारोयो ॥ 7 ॥

पाद चोन्न्य पूज़हय वीद व्यसतारो,
 कल्पवृक्ष त्रिभवन सारोयो ।
 हरम्वख परुहय जय-जय कारो,
 महा गणपत ध्यान दारोयो ॥ 8 ॥

गवरी पुत्रो ही लम्बूदरो,
 कॅम्पू हैछनोवनय प्रक्रम धुन ।
 बिह्यथुय वुफनोवनख दिफतिमानो,
 महा गणपत ध्यान दारोयो ॥ 9 ॥

त्रिकूटी दीव तु ऋष सौक्षी दिवानो,
 श्री गणेश दर्शुन सारिवुय प्रोव ।
 चुत्र डल ब्रोंठ ब्रोंठ पतु कुमारो,
 महा गणपत ध्यान दारोयो ॥ 10 ॥

‘कोफूर’ मन मँजलिस वथुरावुयो,
 हनि-हनि गॅनिराव पनुनुय ध्यान ।
 क्षणु क्षणु स्वरहथ न्यथ ओंमकारो
 महा गणपत ध्यान दारोयो ॥ 11 ॥



छु पानय विष्णु, ब्रह्मा तय सदाशिव ।
 छु गणपत लोक लूकांतर महादीव ॥



यूवहय शक्ती तु म्वक्ती सिरियि चन्द्रम ।
 छु युक्ती सुत्य भॅक्त्यन ध्यान अँद्रिम ॥

‘कोफूर’

भजन 2

ॐ

“श्री ग्वरो महिमा”

सन्तय समागम सतग्वरु मै प्रोवुम,
 ॐ श्रीमद्ध नारायण नारायण ॐ ।
 आत्म व्यचारुक आगुर मै यिथ प्योम,
 ॐ श्रीमद्ध नारायण नारायण ॐ ॥ 0 ॥

येति येति सत संग सन्तन तु साधन,
 वथ कथ छि ग्वरुदीवु संज प्रशंसा ।
 पादि कमलन मैति पान पुशरोवुम,
 ॐ श्रीमद्ध नारायण नारायण ॐ ॥ 1 ॥

चन्दन कुल छुम सन्त समागम,
 ग्वरु अनुग्रह गव म्वक्ती फल ।
 फल प्रावि सुय येम्य् ग्वरुम्वख दोरुम,
 ॐ श्रीमद्ध नारायण नारायण ॐ ॥ 2 ॥

सन्ताप पाप शाप दजवुन यि दिह म्योन,
 छलि छलि प्योमुत व्यसरिथ ओस ।
 न्यररूग कोरनस वसलुक मै मस चोम,
 ॐ श्रीमद्ध नारायण नारायण ॐ ॥ 3 ॥

ग्वरु यूवक्ती गछि ब्रह्म वेचारुन,
 सथ धाम वौतिथ त्रावुन थख ।
 हरम्बख पर्वत ख्वनि ललनोवुम,
 ऊँ श्रीमद्ध नारायण नारायण ऊँ ॥ 4 ॥

ग्वर छुम दुर्गा त्रिजगत माता,
 अन्तःकर्णन ज्ञानु प्रकाश ।
 शम दम सूहम शब्दा मै व्वतुल्योम,
 ऊँ श्रीमद्ध नारायण नारायण ऊँ ॥ 5 ॥

ग्वर छुम अष्टु भैरव ह्यथ शंकर,
 इष्ट यिम होवनम कृष्ण भगवान ।
 रुम रुम रैमिथुय राम रमुनोवुम,
 ऊँ श्रीमद्ध नारायण नारायण ऊँ ॥ 6 ॥

ग्वर छुम अजपा जप महा गायत्री,
 पन्यच्चुम्बख परमेश्वरु सुंद रूप ।
 ऊँभूर भवः स्वः अँम्यू मै वुजुनोवुम,
 ऊँ श्रीमद्ध नारायण नारायण ऊँ ॥ 7 ॥

सनि खोतु सौन सनिराह छु मनु सरसय,
 ख्यलवैथरस प्यठ सालेग्राम ।
 गाह त्रावान परि पूर्ण मैय बास्योम,
 ऊँ श्रीमत नारायण नारायण ऊँ ॥ 8 ॥

नय तति हैरि ब्वन पूरब पश्चमा,
 तति छुम करिशमा व्योखतुय ज़न ।
 आदि अन्त रोस्तुय नादा मै बूजुम,
 ऊँ श्रीमद्ध नारायण नारायण ऊँ ॥ 9 ॥

ब्रह्म छुम आकाश न्यरमल निश्चल,
 सुय छुम निराकार निर्विकारय ।
 सुय छुम निर्लीप निर्गुण अखण्ड ब्रह्म,
 ऊँ श्रीमद्ध नारायण नारायण ऊँ ॥ 10 ॥

सुय आदि शक्ति सुय मूल माया,
 बीज़ रूप तीज़ मायायि हुंद विकार ।
 सुय शिव शक्ति ती आम शब्द ब्रह्म,
 ऊँ श्रीमद्ध नारायण नारायण ऊँ ॥ 11 ॥

ती गव अनाहद लामकान वहदत,
 तति छा ज्योन मरुन तु दोगन्यारय ।
 तति कुस गुरु कस शिष्य सुय छु सरखम,
 ऊँ श्रीमद्ध नारायण नारायण ऊँ ॥ 12 ॥

स्वकलि 'कोफूर' ग्वरु दीवु संजि कलि,
 गोड दिस पादिकायि भावु अशि सुती
 मान सय पूजि पोश वर्शुन तु प्रक्रम,
 ऊँ श्रीमद्ध नारायण नारायण ऊँ ॥ 13 ॥



भजन 3

ॐ

“ग्वरु पादन हंज कृपा”

ग्वरु पादन हंज कृपा यस, तस छु भवुसर तार होंय ।
स्वरि क्षणु क्षणु दय सु निर्भय, कर्मुक व्यस्तार होंय । 0 ।

दिहि चाँगिस प्रारब्दु ग्यव, जन्मु जन्मुक लौरिथुय,
बर वुदयूगचि बति चें अथ मंज द्ययि प्राण वरु खौरिथुय ।
सथ शब्दन यछ तु पछ कर शोलि लोलुक नार होंय । 1 ।

मरनि छुख नुं योर आमतुय चैय मनशि दिह दुर्लब स्यठाह,
पैश भावस लौरिथुय छुख रागु दुवेशस सार छा ।
ज्ञान पानस अविनोशी सौपनु व्यथ संसार होंय । 2 ।

धैर्य श्रद्धायि ध्यान दौरिथ पान पनुनुय प्रजनाव,
क्याजि छेय मोहु कायि, कायायि नेत्य नेमय छलनाव ।
ललनावतन आत्म वैचार मन थ्यर करतु कार होंय । 3 ।

शीर ख्वार ओसमुत वु अकि दोह पतु मुह मदकुय जवान,
बुजरस व्वन्यू दजि लोंग्यू लोंग्यू यथ शरीरस छुख वदान ।
क्याजि छय अज्ञानतोंयी ओसिथ निर्विकार होंय । 4 ।


यिम चै बदलौविथ शरीरस ब्योन ब्योन च्वनवय निशान,
नय च्च बुड् ओसुख जवाना नय च्च शीर ख्वार बे-जबान ।
वुज्जनावतन च्चथ पनुनुय याद पावी सार हौय । 5 ।

ज्ञान रौस भेक्ती छि तीज्ज हीन, सतसंगुकुय पय च्च दिस,
भेक्ती रौस ज्ञान रसु हीन रामु नावस लय करुस ।
सन्तन सुत्य रौच रथि खार नतु छु व्रथ बेकार हौय । 6 ।

य्वगु पतु य्वगु कल्पांतव प्यट्ट च्च ओसहम च्चय छुहम,
ब्रौठ कुन बैयि च्चय आसुहम निर्विकारुक प्रतिबिम्भ ।
कथि हना छै नु ब्रह्म जन्मस यिथ गछि लूउपार हौय । 7 ।

तीक्षण मेदावी बुद्धी यस प्राण म्वछि मन थ्यर बैनिथ,
दृष्टी गाशस दैरिथ तय मान अवमान सम कैरिथ ।
सुय छु पारस नाथ ब्रह्मन छारि म्वक्ती द्वार हौय । 8 ।

सनि खोतु सैन्य् व्वठ चै दावी श्री गुरु पानस अन्दर,
शान्त निर्मल शुन्य च्च हावी परजलावी मनु मन्दर ।
‘कोफूट’ रंगु म्वख चै हावी बीज्ज अक्षर ओमकार हौय । 9 ।



भजन 4

ॐ

“श्री ग्वरुस व्यन्थ”

श्री ग्वरो मै रोज़ तु सनम्बख,
 प्रथ सातु जायि जाये ।
 परहय करान चै पूजा,
 हरि ओम नमः शिवाये ॥ 0 ॥

कौत्याह शुमारु रोस्तुय,
 पथ कुन जन्म मै दोरिम ।
 येलि तैलि फस्योस पानय,
 अनजान क्ववासुनाये ॥ 1 ॥

आमुत बु चूरि छयफ दिथ,
 वनतम बिहिथ चु कति छुख ।
 ल्वति पौट्य मै वनतु कर यिख,
 दर्शुन मै दिख कृपाये ॥ 2 ॥

नतु छिम पतय मै सौरी,
 अकि-अकि चटान ध्यानस ।
 हैरि ब्वनु कोरुख मै पानस,
 लुउपार धारनाये ॥ 3 ॥

सौम्बरिथ मै वेरि चानैय,
 आशायि ह्यथ बु आसय ।
 रंगु-रंगु गुलाब तु मादल,
 व्यनु पोश भावनाये ॥ 4 ॥

च्युय मोल मौज सुहद,
 सन्तान बन्ध तु बान्धव ।
 ह्यकु क्याह वैनिथ च्छुक क्या,
 भगवान ह्यथ उमाये ॥ 5 ॥

च्युय म्योन सौपुन तु जागरत,
 तुरिया च्छु म्योन्स् सुषफ्ती ।
 भक्ती वरुम करुम लीन,
 दीनस मै दीनताये ॥ 6 ॥

कुस ध्यान गच्छ्यम चै रोस थ्यर,
 अन्तः करण मै चंचल ।
 त्रावुम प्रकाश शीतल,
 निर्मल हृदय गुफाये ॥ 7 ॥

जौव्यजार क्या वनय चोन,
 या दिम तिष्ठय मै सुमरथ ।
 पथ छुम ह्यवांन पनुन च्यथ,
 वोलनस बु ममुताये ॥ 8 ॥

गँछूय रोम येमि शरीरूक्य,
 वृच ह्यथ करुन्य त्वता चॉन्य् ।
 यी छुम मनस मै अबिलाश,
 कासतम मै ज़न्म न्याये ॥ 9 ॥

आदि दीवु म्यॉन्य उपासन,
 गज़ुम्वख यितम च़ु ध्यानस ।
 प्रानस तु बैयि अपानस,
 एकदन्तुः धारनाये ॥ 10 ॥

यिम पान्छ प्राण च़ुय छुख,
 अज़पा ज़पुक मै व्यस्तार ।
 आनन्द मय कुशस मंज़,
 कारन च़ु कारनाये ॥ 11 ॥

पथ छय खबर च़ै पानस,
 निर्वानकुय सु मन्थुर ।
 तथ छुस बु अख अवेज़ान,
 म्वकलय तमी बहानाये ॥ 12 ॥

तमि पतु मै क्या खबर छम,
 भगवानु वारु बोज़ुम ।
 बाक़ुय मेथ्या छु सौरुय,
 सतगुरु! अमर च़ु पानय ॥ 13 ॥

ब्रह्मा विष्णु महेश्वर,
 सतगुरु प्रत्यक्ष छु दर्शुन ।
 दुर्गा खसिथ सहस प्यठ,
 शरनागतन रक्षाये ॥ 14 ॥

यिच्चय करान बु व्यन्ती,
 तथ छय सुदामनी द्रुय ।
 राधा कृष्ण बैनिथ चय,
 रोजतम सदा सहाये ॥ 15 ॥

शिवरी त्रित्यायुगस मंज,
 सोदाम दुवापरस मंज ।
 'कोफूर' छु कलयुगस मंज,
 आमुत चै निश बिख्याये ॥ 16 ॥



कोफूरस' रंग पानु बेरंग रंगुर्य खोरुस,
 यिनु दाग लगुनस त्राग गछनस पम्पोश डलस ।
 बनि मुशकि अम्बर चावि बोम्बरस प्रेमचिधारो,
 गूड-गूड करयो नारायण नौगिंद्रु हारो ॥

भजन 5

“श्री ग्वरो बु वन्दय जुव तय जान”

विश्व व्योपी व्यान व्यापक हरो,
 श्री ग्वरो बु वन्दय जुव तय जान ।
 सतचित आनन्द दिगम्बरो,
 श्री ग्वरो बु वन्दय जुव तय जान ॥ 0 ॥

तीजु सोस आसवुनि चराचरो,
 चेतनायि ब्रह्माण्ड व्वलुसनु आय ।
 ओम शब्द शक्तिमान शिव शंकरो,
 श्री ग्वरो बु वन्दय जुव तय जान ॥ 1 ॥

आशावान आस जगत ईश्वरो,
 पूजायि चानि पोशि वरशनुसय ।
 रोशमति ललुवथ ख्वनि अन्दरो,
 श्री ग्वरो बु वन्दय जुव तय जान ॥ 2 ॥

अर्दनारीश्वर ह्यथ डाबरो,
 निर्गुण नोन द्राव गुणातीत ।
 डेकि चन्द्रम जटि गंगाधरो,
 श्री ग्वरो बु वन्दय जुव तय जान ॥ 3 ॥

अजपा ओंम जपनावतम हरो,
 क्षण क्षण उमाधर सुन्द ध्यान ।
 ननि खोतु नोन छुख यूगीश्वरो,
 श्री ग्वरो बु वन्दय जुव तय जान ॥ 4 ॥

श्री कृष्ण शूबुवुनि श्यामु सुन्दरो,
 श्री राम रामय नाम उद्धार ।
 परि पूर्ण म्यानि परममश्वरो,
 श्री ग्वरो बु वन्दय जुव तय जान ॥ 5 ॥

पान म्योन जीरु बम सेतार स्वरो,
 अन्तःकरण छी ग्वण वखनान ।
 अन्तर आत्मा साजन्दरो,
 श्री ग्वरो बु वन्दय जुव तय जान ॥ 6 ॥

भेत्तयन छु हृदयस भक्ति वतसलो,
 नाव चोन मनु वाजि खनुनय आख ।
 ब्रह्म त्वथ बासान ब्रह्म हेंन्दरो,
 श्री ग्वरो बु वन्दय जुव तय जान ॥ 7 ॥

आशायि तृषनायि हुन्दि वालुबरो,
 वासनायि वालुवाशि वलुनय आस ।
 दिह धारनायि छम कालुनि थरो,
 श्री ग्वरो बु वन्दय जुव तय जान ॥ 8 ॥

च्युय म्योन गरु बार आडम्बरो,
 शुर्य बॉच धनु द्वार सरवय सो ।
 होश पोश फोलराव यूगेन्दरो,
 श्री ग्वरो बु वन्दय जुव तय जान ॥ 9 ॥

दोह लोग दरि व्वन्य् छम बाम्बरो,
 हरशीश्वरो दर्शुन हाव ।
 ओम नमः शिवाय षड़ अक्षरो,
 श्री ग्वरो बु वन्दय जुव तय जान ॥ 10 ॥

‘कोफूर’ वर्ण स्वर्ण शिव शंकरों,
 कौलास करतन हृदय म्योन ।
 अथुवास वोलास रास भसमाधरो,
 श्री ग्वरो बु वन्दय जुव तय जान ॥ 11 ॥



‘कोफूर’ जालस आलुवस,
 मन प्राण पूजे लाग तस ।
 त्रौविथ र्शम क्रख बो दिमस,
 नैन्य् पौठ्य दर्शुन हाविना ॥

भजन 6



“शिवाय नमः ॐ नमः शिवाय”

प्रभू मे परनावतु भावनाये,
शिवाय नमः ॐ नमः शिवाये ।

बु ह्यथ चै प्रारान छुसय बरस तल,
स्वंदर-स्वंदर ब्यल, गुलाब तु मादल ।
परान लागय बु ही तु मसवल,
शिवाय नमः ॐ नमः शिवाये ॥ 0 ॥

चु यूत स्वंदर तु त्यूत शीतल,
चु भक्ति वतसल तु कूत निर्मल ।
पवन, अगन चुय गगन तु जलथल,
शिवाय नमः ॐ नमः शिवाये ॥ 1 ॥

उमा महेश्वर, सैती तु शंकर,
थिती तु शुन्या बिहिथ मनोहर ।
ग्रजान छि गंगा परान यि मन्त्र,
शिवाय नमः ॐ नमः शिवाये ॥ 2 ॥

छु मूल मन्त्र मे आदनुक ऊँ,
 सु आदि अन्तस च्यतस मे थावुम।
 यि नाद सूहम मे याद पावुम,
 शिवाय नमः ऊँ नमः शिवाये ॥ 3 ॥

मे चानि बापथ गुफा छि स्वंदर,
 जगत अम्बा ह्यथ अचुस च अंदर।
 नेबुर्य मे प्रजल्यम अँदुर्य यि मन्दर,
 शिवाय नमः ऊँ नमः शिवाये ॥ 4 ॥

च छुख नन्दी गण नवन निदानन,
 च कालहन छुख कृपालु भगवन।
 मे जालु कासुम ज्यनस तु मरनन,
 शिवाय नमः ऊँ नमः शिवाये ॥ 5 ॥

च छुख च ना चय बु कुस ति वन्तम,
 बु पासि दुर्गा रछा मे सनतम।
 बु पौर्य लगयो च्वपौर्य मे गन्तम,
 शिवाय नमः ऊँ नमः शिवाये ॥ 6 ॥

प्रत्यक्ष रवि छुख रविन्द्र ज्योती,
 अलख अगोचर मेलिथ बबूती।
 मगन छि बम बम जपान त्रिकूटी,
 शिवाय नमः ऊँ नमः शिवाये ॥ 7 ॥

अजर अमर छुख अन्नत ईश्वर,
 स्यजर पजर दिम वजर जितेन्द्र ।
 अदय मे पोर्यम नु कांह सितमगर,
 शिवाय नमः ऊँ नमः शिवाये ॥ 8 ॥

दयायि सागर च्च कायनातन,
 सकूनि अब्दी छु चोन आसन ।
 प्रपंच अवेज्ञान गॅमुत्प च्च जुल्फन,
 शिवाय नमः ऊँ नमः शिवाये ॥ 9 ॥

बु ह्यथ च्च आसय पनुन्य् निशौनी,
 पनुन्य् मे काया सता मे चौनी ।
 च्च रठ तु द्दनवय बनाव मु फौनी,
 शिवाय नमः ऊँ नमः शिवाये ॥ 10 ॥

नमः शिवाये फकत मे परनुय,
 शुन्यस बु अर्पन शिवुय मे स्वरनुय ।
 च्च दूर मो ह्यम ति छुम नु जरनुय,
 शिवाय नमः ऊँ नमः शिवाये ॥ 11 ॥

सरुर च्च ध्यानुक निशान म्योनुय,
 ग्यवान छु **‘कोफूट’** तरानु चोनुय ।
 रछुम तु करतम मु माजि तोनुय,
 शिवाय नमः ऊँ नमः शिवाये ॥ 12 ॥



भजन 7

“गौरी शंकर परि पूर्ण परमेश्वर”

गौरी शंकर अज यितु गरु सोन प्रजलावतम।
परि पूर्ण छुख परमेश्वर मतु मेशरावतम॥

मूरि-मूरि फुलुया फवलिहेम हेरि ब्वनु त्रन पोरन,
चूरिम ख्वनि क्यथ ललुवथ करुहय पोशि वरुन।
रोशिमति ल्वति ल्वति मनुविथ अनुहथ वथ हावतम,
परि पूर्ण छुख परमेश्वर मतु मेशरावतम॥ 0॥

नूउ बैरिति सूउमति शीरिथ थोवमय आसन चोन,
हरमुख बसवुनि डेकि छुय चेंन्द्रमुं जेटि गंगुवोन्यु
लटि अकि म्वख हाव कठिने संकटु म्वकलावतम,
परि पूर्ण छुख परमेश्वर मतु मेशरावतम॥ 1॥

नजराह मे त्रावतम पापन शापन गछि समहार,
काम क्रूद लूभ गलि सूउ फोलि कासतम मोहु अन्धकार।
थलि-थलि वुछहथ यूगीश्वर ती वुछनावतम,
परि पूर्ण छुख परमेश्वर मतु मेशरावतम॥ 2॥

ब्रह्मसर खौरथन असुवुन्यू गंगा आकशस,
 रस-रस दोरथस ब्रह्माण्ड वौजिथन ज़गि पालनस ।
 मूक्ष दावुनस कृत्य कारण तु ब्रह्म ऋषि हरशौवथम,
 परि पूर्ण छुख परमेश्वर मतु मेशरावतम ॥ 3 ॥

ब्रशबासन म्यानि बाहरव गाहसय खेलव रास,
 खोवुर्य चै गौरी ख्वनि तस गणपत सनुम्वख मै बास ।
 आशचर्य हावतम सतचित आनन्द प्रावनावतम,
 परि पूर्ण छुख परमेश्वर मतु मेशरावतम ॥ 4 ॥

‘कोफूर’ वर्णायि करुना करुनायि कर ठेहराव,
 हरमुख दर्शुन हावतम हरशीश्वर छुय नाव ।
 कर्पूर गौरम ऊँ नमः शिवाये परनावतम,
 परि पूर्ण छुख परमेश्वर मतु मेशरावतम ॥ 5 ॥



शिवरी त्रित्यायुगस मंज,
 सोदाम दुवापरस मंज ।
‘कोफूर’ छु कलयुगस मंज,
 आमृत चै निश बिख्याये ॥

भजन 8

“जानि जानान”

मे वुछमय रोज़ि रेशन जानि जानान।

छु परि पूर्ण सु पानय नूरि नूरान॥

प्रछाम अबरक खंगारन सीम क्याह गव,
मे वनतो राज़ हमसो म्वख्तु कैम्पू ख्यव।
रैटिथ त्रठ नालुमति याकूत प्रज़लान,
छु परि पूर्ण सु पानय नूरि नूरान॥ 0॥

छु शामस नूर सुबहुक वलनु आमुत,
जटे तस गंग हँटिस कुलमार वोलमुत।
अथस मंज़ रव ड्यके छुस माहताबान,
छु परि पूर्ण सु पानय नूरि नूरान॥ 1॥

नन्दी छुस वाव सोंतुन कुलबये नर,
खँसिथ अँमिसुय शुन्यस फेरान हरि हर।
चराचर छुय वुछान सरकारि शाहान,
छु परि पूर्ण सु पानय नूरि नूरान॥ 2॥

रख्त क्याह तख्त अँमिसुन्द सायि आकाश,
 बिहिथ हम सीनु उमा गाश मंज गाश ।
 कमण्डल नेज़ु नाकूस तस अवेज़ान,
 छु परि पूर्ण सु पानय नूरि नूरान ॥ 3 ॥

दुशालस बेपनाह बुतरॉच खौरिथ,
 नगारो साज़ु मदहम तारु चौरिथ ।
 शिवा ऊँ दम बु दम आवाज़ गूज़ान,
 छु परि पूर्ण सु पानय नूरि नूरान ॥ 4 ॥

दपान छुस कुकिलि हंघ पॉट्य होल बु गण्डुहा,
 मेलिथ सूर त्यागु कसतूरे बु पृच्छुहा ।
 प्रभू चय छुख विबूती रोज़ वनवान,
 छु परि पूर्ण सु पानय नूरि नूरान ॥ 5 ॥

छुनो कुनि दूरि थदि सरमायि छान्डन,
 बैसिथ छुम शाह रगन कमि आयि प्रावन ।
 यिमस सँजदस कपॉर्य ती छुस व्यचारान,
 छु परि पूर्ण सु पानय नूरि नूरान ॥ 6 ॥

कोरुन गिन्दुनाह अनासर तारु त्राव्यन
 दरिथ लायन शुन्यस बुतरॉच खाजन ।
 अजॉयिब बॉज़िगाराह बॉज़्य हावान,
 छु परि पूर्ण सु पानय नूरि नूरान ॥ 7 ॥

महीते कुल छु अनफासक सु पानय,
 कदीमे ला जवाल तय ला मकानय ।
 छु कायम बालजात सौकिन सु शूबान,
 छु परि पूर्ण सु पानय नूरि नूरान ॥ ८ ॥

छु प्रथ विजि प्रथ जबॉन्य इकरार चोनुय,
 अकल कुल यी छु ती सरकार म्योनुय ।
 वुछान **‘कोफूर’** वतन छस च्यशमु डोलान,
 छु परि पूर्ण सु पानय नूरि नूरान ॥ ९ ॥



वैन्य च्च धू **‘कोफूर’** पानस,
 कथ दहानस ग्राव छय ।
 सीरु सान रठ जीर पानस,
 नूर तैमिसुन्द हावुनय ॥
 अद खसी ग्रख लोलु बानस,
 ठान ह्यस सरकॉरिये ॥

भजन 9**“सूरमोत मसतानु”**

सूरमोत नूरानु वुछुम,
 मस्त हॉय मसतानु मत्यो ।
 ओमिसुय अवेज्ञान वुछुम,
 जुलफन जहान मत्यो ॥ 0 ॥

पान शीरिथ छु मंज शुन्यस,
 पानु शुन्या पानु रस ।
 पयहम पौरावनस,
 शयस तु रव मयखानु मत्यो ॥ 1 ॥

द्रायी बुतरौच लामकान,
 कैह छि ब्वन कैह ह्योर दवान ।
 कैह मे वुछमस गथ दिवान,
 कतिसा चोनुय थानु मत्यो ॥ 2 ॥

क्याह बु चेनु छुम सु तमि न्यबर,
 प्रावु क्याह छुस तैथ्य अन्दर ।
 सौर्य-सौर्य सरु गोव नु ज़र,
 क्याह छि चोन्य पहचान मत्यो ॥ 3 ॥

यी हा छु ब्वन सनि सौन नु वोन्त,
 अबदु बॅद्य पाताल कृत्य् ।
 हेरि ह्योर नूरानु त्यूत,
 नय छु च़ोक नय ठान मत्यो ॥ 4 ॥

हालि दिल चेशमव पोरुम,
 तालि ज्यव लॅज सौतु सोगुम ।
 ज़ूनि मॉजि मनथुर खोनुम,
 वसलके पयमानु मत्यो ॥ 5 ॥

वैन्य् मे दितिमस हनि हने,
 ललुनोवुम ख्वनि ख्वने ।
 नार विरुहुक मंज़ मने,
 धारनयि धारान मत्यो ॥ 6 ॥

त्रे कारण नेज़ु आम,
 तेज़ु जिगरस मंज़ गन्याम ।
 ईकरस पयवस सन्याम,
 ती बन्याम आबदानु मत्यो ॥ 7 ॥

मन कलि फंवार वैथिम,
 याम जिगरस धार खँचुम ।
 ज़न मे ओस ल्वकचार वुछुम,
 छालि आम लारान मत्यो ॥ 8 ॥

सन्तु चैशमव पजि वुछुन,
 अन्तु रोस आकाश नोन ।
 वोन छु तस यस हावि नोन,
 जलवु सुय जानान मत्यो ॥ 9 ॥

प्रावि 'कोफूर' सादु ख्वय,
 हर शये मंज चेनि दय ।
 हमसुदार कारवानसय,
 दय छु तय बादबानु मत्यो ॥ 10 ॥

सूरमोत नूरानु वुछुम ।
 मस्त हॉय मसतानु मत्यो ॥



छुनो कुनि दूरि थदि सरमायि छान्डन,
 बैसिथ छुम शाह रगन कमि आयि प्रावन ।
 यिमस सँजदस कपोर्य ती छुस व्यचारान,
 छु परि पूर्ण सु पानय नूरि नूरान ॥

'कोफूर'

भजन 10

“रवा छा दूरि—दूरे जलवु हावुन”

रवा छा दूरि—दूरे जलवु हावुन।
खँटिथ म्वख चूरि चूरे तम्बुलावुन॥

चै नो छुय छ्यन मै निश हनि हनि रुमन छुख,
बहे अन्तर रगन रफतार मै वनि छुख।
तने शोहजार मने व्यखचार ललवुन,
रवा छा दूरि—दूरे जलवु हावुन॥ 0॥

चै क्याह गोय गोसु म्योनुय दूर ह्योतथम,
मै कोरथम सूर जिगरस चूरि चोलहम।
कदम ठँहराव मै हो छुम सीर बावुन,
रवा छा दूरि—दूरे जलवु हावुन॥ 1॥

मै र्वनि दामानु चान्युक श्र्वन्य् कनन गोम,
फोजिस बरजस्तु ही थँर जोश व्वतुल्योम।
मै दार्योम वछ चै थोवथम मूरि ललवुन,
रवा छा दूरि—दूरे जलवु हावुन॥ 2॥

अँदुर वोधमुत मे सीनस शोरि गवगाह,
 पृष्ठामख वारु वैन्यतोम यूर्य यियिना ।
 तिमव वोनहम तोगुय नो पान पुशरुन,
 रवा छा दूरि-दूरे जलवु हावुन ॥ 3 ॥

मे गॅछ तिछ कल गनुन्यु लगि धार चेशमन,
 सुमन लय गॅछ बुमन मज वारु डेशन ।
 ति बनि तेलि येलि बु गछ लय ती छु प्रावुन,
 रवा छा दूरि-दूरे जलवु हावुन ॥ 4 ॥

हँकीकत क्याह ति ज़ानुन छुम स्यठाह क्रूठ,
 बु क्याह ज़ानय मे हो पानस गोमुत लूठ ।
 पयुम पयहम मे खामस प्वख्तु गछि नोन,
 रवा छा दूरि-दूरे जलवु हावुन ॥ 5 ॥

बु मन बूजुम सुमन युस छांडि यकसू,
 दियस मुरशिद कलन्दर प्रावि हमसू ।
 सु हा तय हू बु हरसू बोज़ु वनवुन,
 रवा छा दूरि-दूरे जलवु हावुन ॥ 6 ॥

बैनिथ कॉफिर कुफुर तय कैलिमु त्रावुन,
 अदय **‘कोफूटसय’** तगि पान ज़ालुन ।
 दैज्यस श्रेह यख कलम रेह खसि रवस कुन,
 रवा छा दूरि-दूरे जलवु हावुन ॥ 7 ॥



भजन 11

“गूर-गूर करयो नॉगिंद्र हारो”

मूरि-मूरि फोलहमो परिपूर्ण मूलाधारो,
 गूर-गूर करयो नारायण नॉगिंद्र हारो ।
 भैविनय जय जय पादि कमलन नन्दी सवारो,
 गूर-गूर करयो नारायण नॉगिंद्र हारो ॥ 0 ॥

जटि छय गंगा डेकि चेंद्रम त्रे नेथुर धौरी,
 नीलकण्ठ वासुक तनि भस्मा त्रिशूल धौरी ।
 त्रेयन लूकन मंज पूजनी छुख शान्त आकारो,
 गूर-गूर करयो नारायण नॉगिंद्र हारो ॥ 1 ॥

अमृत अथि छुय नॉल्य् कलु मालु डाबुर वायान,
 वीनायि स्वरुँ सैल्य् ध्यानस मंज भैक्तियन थावान ।
 अष्ट भैरव ह्यथ दुशटन छुख कालु समहारो,
 गूर-गूर करयो नारायण नॉगिंद्र हारो ॥ 2 ॥

वैलिथ सह चम नंगु भंगिमोत फेरान च्वपौरी,
 दीवी तु दीवता विष्ण ब्रह्मा पूजान सौरी ।
 त्रि जगत अम्बा सैल्य् सैल्य् छय त्रिभवन सारो,
 गूर-गूर करयो नारायण नॉगिंद्र हारो ॥ 3 ॥

अष्टा दश बुज़ा अम्बा अति सिंहमा सर्वोरी,
 इसतादु शरण्य विष्ण ब्रह्मा शंकर सौरी ।
 हुकमस प्रारान अष्ट सिद्धि गणपत कुमारो,
 गूरु-गूरु करयो नारायण नौगिंद्र हारो ॥ 4 ॥

श्री शारिका अति व्यसतारनस भेक्ती तु म्वक्ती,
 अन धन तु सनातन बोंगरावुनस ब्रोंटु कनि छि लैक्ष्मी ।
 अदु न्याय अँज़रान सरस्वती छम बुद्धिमान धारो,
 गूरु-गूरु करयो नारायण नौगिंद्र हारो ॥ 5 ॥

सरस्वती तु शारदा व्यास गणपत वीदन वखनान,
 शिवमयी लल अति गीतायि हुन्द अमृत चावान ।
 शीश शायि बोज़ान नारायण गरुडा सवारो,
 गूरु-गूरु करयो नारायण नौगिंद्र हारो ॥ 6 ॥

जड तय चेतन जलमय या पवन आहोरी,
 निर्दिह ओस्यतन या ओसन शरीर धारी ।
 शिव शक्ति शब्दय सारिवुन्य हुंदि जीवाधारो,
 गूरु-गूरु करयो नारायण नौगिंद्र हारो ॥ 7 ॥

यूगी ध्योनी प्रोनी कांह योदवय सु ज्ञोनी,
 ह्योर-ह्योर खैसिथ अन्द लोबुख नु क्युथ आसि फोनी ।
 येति फान प्रावान निर्वान तति सर्वाधारो,
 गूरु-गूरु करयो नारायण नौगिंद्र हारो ॥ 8 ॥

अथ दरबारस शूबरिथ छुख शूबान पानय,
 जौनी ज्ञानान ज्ञानु-नावतम ही भगवानय ।
 छुख श्वद्ध तु निर्मल कासतम मल गंगाधारो,
 गूउ-गूउ करयो नारायण नौगिंद्र हारो ॥ 9 ॥

‘कोफूरस’ रंग पानु बेरंग रंगूर्य खोरुस,
 यिनु दाग लगुनस त्राग गछनस पम्पोश डलस ।
 बनि मुशकि अम्बर चावि बोम्बरस प्रेमुचिधारो ॥
 गूउ-गूउ करयो नारायण नौगिंद्र हारो ॥ 10 ॥

मूरि-मूरि फोलहमो परिपूर्ण मूलाधारो ।
 गूउ-गूउ करयो नारायण नौगिंद्र हारो ॥



क्याह बु चेनु छुम सु तमि न्यबर,
 प्रावु क्याह छुस तैथ्य अन्दर ।
 सौर्य-सौर्य सरु गोव नु ज़र,
 क्याह छि चौन्य पहचान मत्यो ॥

‘कोफूर’

भजन 12

“मै दिखना चैशमु वुछहा”

मै दिखना चैशमु वुछहा बु हरशाय जलवु चोनुय।
 वु छयूखना पायि बैड मौज कायनातन इयकूलोनुय॥

तमना छुम बु वुछहन येते दरबान डेड्यन।
 बु दिमहस बोसु पादन चलिहेम गोसु प्रोनुय,
 वु छयूखना पायि बैड मौज कायनातन इयकूलोनुय ॥ १० ॥

बु प्रछहस क्याह तैमिस नाव येते द्राव सोर आलम।
 निआलम यस वनान नाव रह आलम रछिवोनुय,
 वु छयूखना पायि बैड मौज कायनातन इयकूलोनुय ॥ ११ ॥

अमर ज्योती कथा द्रायी प्रथा यिय आयि पथ वथ।
 थिती समहार वोथ पथ जगत व्यसतार चोनुय,
 वु छयूखना पायि बैड मौज कायनातन इयकूलोनुय ॥ १२ ॥

शब्द ओमुक चै निश द्राव यछाये चानि गुंजेयाव।
 अखण्ड ब्रह्माण्ड वोतलूयाव सु वोत परवानु चोनुय,
 वु छयूखना पायि बैड मौज कायनातन इयकूलोनुय ॥ १३ ॥

छि त्रयनवय ग्वण ग्यवान गीत मल्लोयिक सजदये सर ।
 तु लरज़ान सथ समन्द्र महरो माहताब वोनुय,
 च्छु छयूखना पायि बैड मौज कायनातन ड्यकूलोनुय 14 ।

शिवन गंजिनय चै मालय सहस्रनामन करान पूज़ ।
 विष्णु ब्रह्मा छि वखनन गुणातीत नाव चोनुय,
 च्छु छयूखना पायि बैड मौज कायनातन ड्यकूलोनुय 15 ।

च्छु विष्णुपार्पन करखना मै कुन अख ज्ञानु दृष्टी ।
 बु वुछिह्य पादि कमलन तु र्वनि दामानु चोनुय,
 च्छु छयूखना पायि बैड मौज कायनातन ड्यकूलोनुय 16 ।

छि मसंकन फैज़ अज़ल भवौनी चॉन्यू दरगाह ।
 तु मखज़न ऐशो अबद कराबत थान चोनुय,
 च्छु छयूखना पायि बैड मौज कायनातन ड्यकूलोनुय 17 ।

छु येति-येति ग्वणु कीर्तन दज़ान 'कोफूर' चाँग्यन ।
 सु महफिल मुशकि अम्बर वैकुण्ठ धाम सोनुय,
 च्छु छयूखना पायि बैड मौज कायनातन ड्यकूलोनुय 18 ।

मे दिखना चेशमु वुछिहा बु हरशेये जलवु चोनुय ।
 च्छु छयूखना पायि बैड मौज कायनातन ड्यकूलोनुय 11 ।



भजन 13

“परिपूर्ण परमेश्वरी”

छख हय नूरबैरिथ परिपूर्ण परमेश्वरी।

हेकि कुस वखनिथ चॉन्य् त्वता श्री सुन्दरी॥

यछायि चाने अँस्य् छि गँमुत्य चैय निश छ्यनय,
यँच कालु प्यठय ह्यनु आमुत्य दिह अभिमानय।
क्याह छख वुछान यम ज़ालस लँग्यमुत्य छि सॉरी,
हेकि कुस वखनिथ चॉन्य् त्वता ही श्री सुन्दरी॥१॥

छेनिथ तु थँकिथ अँस्य् छि पेमुत्य् कूठ प्यव मँज़िल,
पनुन्यव कर्मव असि बनोव पनुनुय अनज़ल।
प्वन्यस तु पापस वलनु आमुत्य् सर्वेश्वरी,
हेकि कुस वखनिथ चॉन्य् त्वता ही श्री सुन्दरी॥१॥

मुह मद लूभन कामन अँस्य् व्यसरोव्यमुती,
विशय भूगन वासनायन फसेमुती।
कूदन काँपुनॉव्य् संसारुक्य् समन्देरी,
हेकि कुस वखनिथ चॉन्य् त्वता ही श्री सुन्दरी॥२॥

काँत्याह पौर्यथम जामु नैव्य् - नैव्य् ज़ड या चेतन,
ममतायि वोल्नस प्रथ जामुक्य प्रथ कुनि रंगन।
अंगन कुसंग प्योम ‘कोफूटस’ येमि संसॉरी॥
हेकि कुस वखनिथ चॉन्य् त्वता ही श्री सुन्दरी॥३॥

भजन 14**“होश रावुरावान”**

रोशि-रोशि पोशमाल होश रावुरावान,
 कछुकरनुय नचुनावान छख ।
 अछुरचुनुय मस दिथ गश ख्यावान,
 कछुकरनुय नचुनावान छख ॥ 0 ॥

कुल्य् कायनातन दूरु कन ज्ञानान,
 ललुनावान अँलुरावान छख ।
 गाटुल्यून गाटुजारस व्यसरावान,
 कछुकरनुय नचुनावान छख ॥ 1 ॥

सास रव ड्यक् चोन म्वख्तु जालेरिये,
 कुल्य् आलमन प्रजलावान छख ।
 हर शेय पयहम पय पकुनावान,
 कछुकरनुय नचुनावान छख ॥ 2 ॥

नाजनीन पानस साज करुनावान,
 नाजेल सोज बोजनावान छख ।
 गाह गटि गाह गाशि बाशि करुनावान,
 कछुकरनुय नचुनावान छख ॥ 3 ॥

चुनुन पोश थॅर खॅचखय पमसॅरिये,
 असवुनि म्वखु शयामु स्वंदरिये ।
 वसलुक मस नटि-नटि बोंगरावान,
 कछुकरनुय नचुनावान छख ॥ 4 ॥

मायायि पनुने पान छखय ज्ञानान,
 ति वुछिथ त्रे कराण हॉरान ।
 क्या ज्ञानि **‘कोफूर’** रावि वेच्चारान,
 कछुकरनुय नचुनावान छख ॥ 5 ॥



जगत माता फकत यी छम मे कांक्षा ।
 गरय मनुकुय मंदर अँथ्यू मंज बेहकना ॥



नैवी नैव्यू नाव स्वर जनु शीश शायन ।
 सतुक्क्य पम्पोश फवलुनम जायि जायन ॥

‘कोफूर’

भजन 15

“वनुवान द्रायि स्वरगुचि पेरिये लो”

वनुवान द्रायि स्वरगुचि पेरिये लो ।
मोंज दुर्गीय शयामु स्वंदरिये लो ॥

मायि चाने दूरि प्यठ आय लारान,
बोज़ विनती आशावान प्रारान ।
चारु कर सोन जगत ईश्वरिये लो,
मोंज दुर्गीय शयामु स्वंदरिये लो ॥ 1 ॥

ही भवौनी दुखियन लादन थाव,
दक्क ज़दनुय सतकुय अमरूयथ चाव ।
च्यथ ठेहराव असि भासकरिये लो,
मोंज दुर्गीय शयामु स्वंदरिये लो ॥ 2 ॥

अँस्य हय शरमदुं पनुन्यव कर्मव कँरूय,
बोर गोबुरोव पानस पानय फँरूय ।
छ्वक्कलद पेय दारि तँय बैरिये लो,
मोंज दुर्गीय शयामु स्वंदरिये लो ॥ 3 ॥

ब्रह्म जन्मस वोंतिथ चेट्टय विषयव,
 क्रीडजाल प्योव जगतुक्य रेट्टय रूगव ।
 भूगव मौर्य ही विशम्बरिये लो,
 मोंज दुर्गीय शयामु स्वंदरिये लो ॥ 4 ॥

सन्तन हुंज द्रय छय बोज विन्ती,
 करि अनुग्रह क्षनु क्षनु पूजुहथ चय ।
 थावि लादन ही दिगम्बरिये लो,
 मोंज दुर्गीय शयामु स्वंदरिये लो ॥ 5 ॥

चराचर जगतन प्राणु शक्ती,
 लसुनावान असुवुनि म्बखु छख चय ।
 खसुवुन रव बालादरिये लो,
 मोंज दुर्गीय शयामु स्वंदरिये लो ॥ 6 ॥

भू भुवः स्वः थान चोन मानु रेनियो,
 सूहम सू ओंकार राजरेनियो ।
 श्री राजन्योय रोंजीश्वरिये लो,
 मोंज दुर्गीय शयामु स्वंदरिये लो ॥ 7 ॥

त्रेन कारणन पौरिथ च निवासन,
 शठचैक्रस मंज छुम चोन आसन ।
 बासन छिहम शान्त सागोरिये लो,
 मोंज दुर्गीय शयामु स्वंदरिये लो ॥ 8 ॥

कल गेनिराव गनि युथ चोनुय नाव,
 हर शेय मंज पनुनुय दर्शुन हाव ।
 अद कुसुय मरि ही जितनेंदरिये लो,
 मौज दुर्गोय शयामु स्वंदरिये लो ॥ 9 ॥

श्री गणपत सनम्वख खनि ब्यूठुय,
 सर्व आधार शिव शंकर टूठुय ।
 भवनन हन्ज भूतीश्वरिये लो,
 मौज दुर्गोय शयामु स्वंदरिये लो ॥ 10 ॥

कस छु ताकथ चोनी गवण वखनी,
 घणश्यामस राधायि हुंज भेक्ती ।
 श्री रामस रामेश्वरिये लो,
 मौज दुर्गोय शयामु स्वंदरिये लो ॥ 11 ॥

बबराजो शून्य चोन बेकार छुय,
 ब्रह्माण्डन थ्यच कमि व्यसतोरिय ।
 जगत अम्बायि हुन्दि आश्चये लो,
 मौज दुर्गोय शयामु स्वंदरिये लो ॥ 12 ॥

शुनीय छांडान शंकरआचार्य योत आव,
 नैन्यु कॅरथस दृष्टी अद आस छाव ।
 पाय कोरथस चक्रीश्वरिये लो,
 मौज दुर्गोय शयामु स्वंदरिये लो ॥ 13 ॥

दारिद्रस सौनिस करतय नाश,
 आशिरैस्यत्यून अनिगटि मंज अन गाश ।
‘कोफूरस’ यिनय कांह फरिये लो,
 मौज दुर्गीय शयामु स्वंदरिये लो ॥ 14 ॥

वनवान द्रायि स्वरगुचि पेरिये लो ।
 मौज दुर्गीय शयामु स्वंदरिये लो ॥



चु तखतस प्यठ बेहख श्वद गछि मे वौनी ।
 बनय पूजोर्य पूजा वखनु चौनी ॥



वनय यिय छख चु माता श्री गणेशस ।
 लम्बूदर सुय छु गणपत टोठ जगतस ॥



दिवान आनन्द करान युस शान्त वैगनन ।
 परम बुदिमान हावान थ्यर करुन मन ॥

‘कोफूर’

भजन 16

“मॉज करि सोन चारय”

मॉज दुर्गौय करि सोन चारु लोलो।
आर यियतनय बोज़ि ज़ारु पारु लोलो॥

चानि डेडि प्यठ कलपवृक्ष क्याह छु शूबिदार,
श्री गणेशस भैविनय जय जय कार।
भक्ति रक्षक छु सुय लम्बूदरु लो लो,
आर यियतनय बोज़ि ज़ारु पारु लोलो॥ 0॥

आशावान आदि दीवु अँस्य छि आमुत्य,
माजि राजरेनि हुन्द दरबार चामुत्य।
मुचराव बर आज्ञा कारु लोलो,
आर यियतनय बोज़ि ज़ारु पारु लोलो॥ 1॥

असि छु तमना मॉज चानि प्रदिक्षनु कुय,
पूज़ि लागहोय भावपम्पोश मनु कुय।
थान चुनुय छु ज्ञानुक गरु लोलो,
आर यियतनय बोज़ि ज़ारु पारु लोलो॥ 2॥

वनतय आसन चॉन्य् कति-कति आसन,
 शीश शायन छखय किनु निर्वासन ।
 बीजु रूप छख च़य च़रा-च़रु लो लो,
 आर यियतनय बोज़ि ज़ारु पारु लोलो ॥ 3 ॥

शेरि बबरस प्यठ छखय सॉलॉनी,
 तारि गॉमुत्य् छि चारु कर ही भवॉनी ।
 तारि तार असि येमि भवुसरु लोलो,
 आर यियतनय बोज़ि ज़ारु पारु लोलो ॥ 4 ॥

ज्ञान, विज्ञान, शक्तिमान मानुरेनिये,
 तपुबल छखय नादु ब्यंद तपु ऋषनुय ।
 ज़प येगन्यून मंज़ आशच़रु लोलो,
 आर यियतनय बोज़ि ज़ारु पारु लोलो ॥ 5 ॥

साम वीद छखय वीदन मंज़ च़ु शूबान,
 कामदीव रूप कारुणन व्वलसावान ।
 माया चॉन्य् अपरम पारु लोलो,
 आर यियतनय बोज़ि ज़ारु पारु लोलो ॥ 6 ॥

येगन्यून मंज़ स्वाहा नाद च़य छख,
 वैघनन मंज़ हा हा कार च़य छख ।
 अछरन मंज़ च़य ओंमकार लोलो,
 आर यियतनय बोज़ि ज़ारु पारु लोलो ॥ 7 ॥

प्रथ शाये छख पानय चेतन मय,
 अंगनन मंज ज्योती पृथ्वी पय ।
 सूर्ययस मंज तीज आकारु लोलो,
 आर यियतनय बोजि जारु पारु लोलो ॥ 8 ॥

आदि अन्त मध्य चोनुय कुसुय ज्ञानी,
 म्खतार छखय म्खती ब्रह्म ज्ञानी ।
 बैक्ती चोन्य नांना कारु लोलो,
 आर यियतनय बोजि जारु पारु लोलो ॥ 9 ॥

सर्व व्यापक पवन चय आकौशी,
 आकाश चय ओंमकार अविनौशी ।
 साकार छख सर्व आधारु लोलो,
 आर यियतनय बोजि जारु पारु लोलो ॥ 10 ॥

लोलु चांग्यन 'कोफूर' बरुनय आव,
 ज्ञानु दीपक होंविथ परनाव नाव ।
 स्वरुनावहन येलि तेलि सारि लोलो,
 आर यियतनय बोजि जारु पारु लोलो ॥ 11 ॥



भजन 17

“जगत माता भविनय जय”

जगत माता छि ललवान नाव चोनुय भक्ति ज़न क्षण क्षण।
दया दृष्टी च युस यच्छह्न तैमिस तीच कल गनान सुमरन॥

अमर आत्मा चे वोनमुत छुथ छि प्रथ कुनि मंज सता चैनी,
प्रथा यी आयि पथवथ मोज च छख म्योन प्रण बु छुस प्रैणी।
मतय रोज़तम खैटिथ थार्योस पखव रोस राज़हमसा ज़न,
दया दृष्टी च युस यच्छह्न तैमिस तीच कल गनान सुमरन॥

अगम अपार छख आशचर्य वथ सथ छु चोनुय नाव,
असत सौरुय अन्त माया यछाये चोन् चैय निश द्राव।
व्वलंगित छख महा माया ति वोनूनय विष्णु भगवानन,
दया दृष्टी च युस यच्छह्न तैमिस तीच कल गनान सुमरन॥

अव्यखत शक्तती तु म्वखती छ्यख अच्यनती छख अनर्वचनी,
च्यतस पावतम पुनरज़न्मन गन्यम वैराग्य तथ क्षनुसय।
दितम ज्ञानुक्य नेथुर वुछहथ बु सनम्वख न्यथ सिरिथि ह्युव ज़न,
दया दृष्टी च युस यच्छह्न तैमिस तीच कल गनान सुमरन॥

रेशन दीवन तु पैत्रन हृंघ मे छिम रूयन कर्जकी अम्बार,
कखख पानय म्वक्तु सौरी लबन सरकारु कुय दरबार।
जरुम हंगु मंगु पनुन्य भेक्ती करुम श्वच्छ सर्व संकलपन,
दया दृष्टी च युस यक्खन तैमिस तीच कल गनान सुमरन॥

मे वुछमख ज़रज़रातस तारकन शुन्यहस अन्दर फेरान,
रटिथ जुलफन अन्दर कुलि कायनातुक बार ह्यथ प्रज़लान।
चै अष्टादश बोज़य श्री शरिकार्योय जुव वन्दय पादन,
दया दृष्टी च युस यक्खन तैमिस तीच कल गनान सुमरन॥

मे माता वनतु तुलमुलि या बु अँन्ध अँन्ध परबतस फेरय,
अँछर वालव तु लालव कोहसारन चानि वतु शेरय।
संगरमालन मे फवलतम पान वोल्हय रूवनि दामानन,
दया दृष्टी च युस यक्खन तैमिस तीच कल गनान सुमरन॥

करान चोन धयान परान अस्तुत तु लायान नाद ज़गतमाता,
मे बेहतय अष्टडल हृदयस वंदय 'कोफूर' यितय साथ।
करुम मन थ्यर दरेयम वपदीश पुनिम चँदम मे फवलिहेम मन,
दया दृष्टी च युस यक्खन तैमिस तीच कल गनान सुमरन॥



भजन 18**“हे ज्ञान दाता सरस्वती”**

पादि कमलन तल बु आसय पान पुशरिथ भगवती ।
ज्ञान बनिहेम चानि अनुग्रह ज्ञानु दाता सरस्वती ।।

हृदयि कमलन लागि फुलय खसि धार चेशमन प्रेयमु जल,
पाद छलहय गंग अशुवाने गनेयम मौज चॉन्यू कल ।
इयकु मे प्रजलावख सियाह रोयस करख आज़ाद येती,
ज्ञान बनिहेम चानि अनुग्रह ज्ञानु दाता सरस्वती ।।

छख दया सागर च़ु माता सेंजिदस च़े छी अज़ो समा,
प्रक्रमस कायनॉच़ सारेय आरहच़ु च़े कुन वुछान ।
इयकु टिकस कृत्य सिरियि च़न्द्रमु म्वख़्तु जालर हैकमती,
ज्ञान बनिहेम चानि अनुग्रह ज्ञानु दाता सरस्वती ।।

चानि दृष्टी ईकरस ब्योन-ब्योन ब्रह्मान्डन हुन्द बहार,
चॉन्यू पुष्टी आसि यस च़टि कालु फांसे प्वख़्तुकार ।
भक्ति रस दिथ हृदय कमल फोलरॉवुहस पदमावती,
ज्ञान बनिहेम चानि अनुग्रह ज्ञानु दाता सरस्वती ।।

माहे पेयकरि करलु कमलस छुय कलुश आबेहयात,
 अन तु धन दौयमिस अथस त्रैयमिस छु ज्ञानुक आफताब ।
 तीजु गोंद चूरिमिस अथस हटि बीजु मन्थर जैर्यमुती,
 ज्ञान बनिहेम चानि अनुग्रह ज्ञानु दाता सरस्वती ॥

चानि असुनय वलसनस आय नव-निदान तय परमधाम,
 पंचमुखी ओम भूर भवः स्वः गायत्री चय मूक्ष धाम ।
 नील वरनय चरनु कमलन दर्शनस प्रारान येती,
 ज्ञान बनिहेम चानि अनुग्रह ज्ञानु दाता सरस्वती ॥

वनतय मयोनिस इशटदीवस युस ग्वरो वाक्यव जुरुम,
 द्वादशान्त मण्डलस गिन्दिव तोह्य मैति अनाहद स्यद्ध गछ्यम ।
 ब्वद बन्यम निर्मल तु निश्चल श्वद कर्यम भागीरथी,
 ज्ञान बनिहेम चानि अनुग्रह ज्ञानु दाता सरस्वती ॥

योरु ग्वणु सौस ओरु निर्गुण द्वन संगम म्योनुय हृदय,
 सत संगय संकलप कास्यम रंग रंगय बे-रंग सु दय ।
 पय दियम पयहम कर्यम लय ध्यानसय मंज त्रौविथुय,
 ज्ञान बनिहेम चानि अनुग्रह ज्ञानु दाता सरस्वती ॥

आसि योद कांह कर्महीन तैय धर्मु ब्रष्ट प्योमुत पथर,
 छुय चै वोनमुत वीद व्यछुनिथ म्योन अनुग्रह सर्वपर ।
 युस यी मे कुन गुरुवाक्य पौलिथ प्रावनावन थैज गेंतीं,
 ज्ञान बनिहेम चानि अनुग्रह ज्ञानु दाता सरस्वती ॥

छुस बु यथ बुतरौच प्योमुत कीट कर्मव वोलमुतुय,
 वैन्य दिवान अैन्य पौठ्य सैनिरस तार हावुम सरस्वती ।
 चानि जुचि 'कोफूट' गछ्यम रोशन रतनदीप जौलिथुय,
 ज्ञान बनिहेम चानि अनुग्रह ज्ञानु दाता सरस्वती ॥



“वाख”

बड़ि दिस क्रख युथ येंद्रेय शॅमिथ,
 अन्तःकर्ण शेरन यूग ।

सॅमिथ व्रॅच यिन सारे वनु वुनि,
 मानसुय पूजि दिस भावनायि भूग ॥

ठॅहराव पानस दर द्यू चैशॅमन,
 अछ मंज यूगस बरुस लोल ।
 मस चयथ मस शेर महॅरेनी मसवॅल्यू,
 जूग्यू छुय शवहर, सन्तान तु मोल ॥

इयक् टिक् क्याह गव आत्म ज्ञानुय,
 हौंसिल तॅस्य येम्यू विजि विजि गोर ।
 'कोफूट' गछ शरन सतृग्वरु पादन,
 युस येमि भवुसरु तारी अपोर ॥



भजन 19

“मौज दर्गा पानु भगवान”

ताजदारन मंज छखय ताबान च़य ।
मौज दुर्गोय पानु छखय भगवान च़य ॥

नूर च़य छख नार च़य नारान च़य,
सूरुमेंतिसय सुत्य सुत्य फेरान च़य ।
शारदा छख सर्व सिद्धीयव सान च़य,
मौज दुर्गोय पानु छखय भगवान च़य ॥ 0 ॥

श्री कृष्ण राधा तु रुखमन पानु च़य,
ज्ञानु गीताये हुन्दुय वखनान च़य,
प्रथ रणस मंज अर्जनस रथबान च़य ।
मौज दुर्गोय पानु छख भगवान च़य ॥ 1 ॥

राम च़य छख राम सुन्नुय शान च़य,
सीरु सान छख वीर हनुमान च़य ।
राजु रावनस लंकायि हुन्द फान च़य,
मौज दुर्गोय पानु छख भगवान च़य ॥ 2 ॥

मूक्ष दाता छख विदाता पानु चय ।
 रुमु रुमय राम रमनावान चय,
 लोल भेक्ती हुन्द छखय बखशान चय,
 मौज दुँगोय पानु छख भगवान चय ॥ 3 ॥

अस्य छि न्यरधन पानु छख धनवान चय,
 यारु केछा पनुनि अथु दितु दान चय ।
‘कोफूरस’ नादु ब्यंदु निवान चय,
 मौज दुँगोय पानु छख भगवान चय ॥ 4 ॥



छि अर्श-ने-फर्श जायि मस्कन फकीरी ।
 वुछान छुम दु-आलम सु हर दम फकीरस ॥

तमाम साज-ने-संतूर फकीरस छि बरपूर,
 वजान जीर-ने-बम हर रगन तस छि पुर जोर ।

छु मजबूर सजदस दु-आलम फकीरस,
 वुछान छुम दु-आलम सु हर दम फकीरस ॥

छि हर शय बैरिथ तस अम्भारन जियाफत,
 सजोविथ हर रंग रंगन इबादत ।

तरावत छि चश्मन वुछान यिम फकीरस,
 वुछान छुम दु-आलम सु हर दम फकीरस ॥

‘कोफूर’

भजन 20

फॅर्याद

पॅरि पॅरि कॅर्य गोम पर्युन पानस,
 प्रोन गोम नीरिथ छव्टस जॉल्य् ।
 सूहम थानुचं ज्ञान हो मॅशरुम,
 स्वरुनय सखर्योस कालस डॉल्य् ॥

‘कोफूर’



ही जगत अम्बॉय बोज तय मे फॅर्याद,
 छुस बु गोमुत लाचार ।
 व्यसरुयोस मारु गोस चारु कर तय म्योनुय,
 समयन कौरुस संगसार ॥ ० ॥

कुस बोज्यम चे सिवा चारु करि म्योनुय,
 च्युय छुहम कबीलु तय क्रोन ।
 च्युय मे गाश नेत्रन आश जन्मु जन्मन,
 अन्तर यादाश म्योन ।
 नखि डखि रोजतम च्युय ह्य म्योन ड्यक् लोन,
 ह्यस होश बेयि व्यसतार ॥ १ ॥

मन कल मै नीनम मुह मद लूबन,
यिति ओसुम खँजीनु चोन ।

छलु छलु लूटिथ कल हय मै कँडनम,
अपजुय चोवनस तु चोम ।

चानि अनुग्रह रोस अनुभव क्या छु म्योन,
पकि क्या म्योन गाटुजार ॥ 2 ॥

खाम त्रिशनाय हुन्जि तामसी तलवारि,
जिगरस मै वॉलिनम खाश ।

रसु-रसु पशि प्योस जॉडिस मंज गोस,
सीरस सपनुम फाश ।

राश दिम खारतम ह्यनरस पम्पपोश,
फवलुरावतम यखबार ॥ 3 ॥

माया दीवी फुटुजन थोवनम,
कायायि मोहु अंधकार ।

त्वचरुन यि सम्सार त्रैनवय वर दिथ,
सत रज तमुहूक नार ।

लछु मंज यूग सोस कांह अख छ्यपि चोल,
नतु सारवुन्यु छु लूरुपार ॥ 4 ॥

ओठवय प्रकरेंच थ्यचु द्रायि च निश,
 तिय वोन सांख्य यूगन ।
 जड या च़ेयतन ज़ल मय पवुनय,
 जीवय छु ईश्वरु ग्वण ।
 त्रिपुरा, अपरा, परा च़य छख,
 सुधा तु स्वाहाकार ॥ 5 ॥

श्री दिगम्बरिये पम्पोश पादन,
 वन्दुर्योय जुव तय जान ।
 सु प्रकाश तीज़ दिम तीज़स मंज़ रल,
 जन्मन हंज़ मे गलि हान ।
 आदि दीव मन प्रज़लौविथ प्रान ख्वनि,
 ह्यथ वातु शान्ती द्वार ॥ 6 ॥

युसहय भेक्तिजन चोन्यू ग्वणु माला फिरि,
 गरि-गरि स्वरि चोन ध्यान ।
 मन्त्र थुयर करि ध्यान धारनायि तरि,
 न्यररूगु प्रावि निर्वान ।
 गौरी शंकर रक्षा सौन्यू करि,
 क्वंगु 'कोफूर' मूक्ष दार ॥ 7 ॥



भजन 21

“नव दुर्गा असतुति”

ओंम श्रीमद्ध शैल पुत्री आदि शक्ती साकार ।
 अँस्य छि आमुत्य व्यनथ करने आशि हैंत्य चोन दरबार १।

चौनी नेथुर पदमु पँतुर, बृशबासन दौरी ।
 चतुर भुज चँन्द्र मुखी छख,
 शीतल सोबाव सौरी ।
 जामु ज़रकौर्य लाल मालु नॉल्य,
 शूबान छी म्वखतुहार ।
 अँस्य छि आमुत्य व्यनथ करने आशि हैंत्य चोन दरबार १० ।

सर्व शक्तिमान छख च़ उमा,
 इन्द्ररमा च़ेय वनान ।
 मूल आधार त्रेन कारनन,
 मूल मन्थुर शक्तिमान ।
 ओंम महा माया ज़गत अम्बा,
 च़य छख सारि कुय सार ।
 अँस्य छि आमुत्य व्यनथ करने आशि हैंत्य चोन दरबार ११ ।

यिम करोरु बँद्य दीव अस्थान,
चानि यारुबल प्रारान ।

ज्ञानु यूगुबल सुमरनि लीन,
धारनायि ध्यान दारान ।

वनतु सोन क्याह हाल माता,
अँस्य छि व्यनमथ नाबुकार ।

अँस्य छि आमुत्य व्यनथ करने आशि हँत्य चोन दरबार 12 ।

अनु, धनु, हीन कर्मु, धर्मु हीन,
शक्ति हीन बेयि बोज़ हीन ।

भक्ति बावनायि रोस्त पेमुत्य,
चानि डेडि तल ओदीन ॥

वुनिक्क्यनुकी समयन पथर त्रॉवि,
द्वखुज़द अँस्य लाचार ।

अँस्य छि आमुत्य व्यनथ करने आशि हँत्य चोन दरबार 13 ।

छख च़ु माता **ब्रह्मचारिनी**,
ब्रह्मान्डन फेरान ।

ब्रह्म ओसिथ ब्रह्मसुय लीन,
ब्रह्म हावान सुमरान ।

सत्तूचित आनन्द गण च़ुय छख,
यूगियन म्वखती द्वार ।

अँस्य छि आमुत्य व्यनथ करने आशि हँत्य चोन दरबार 14 ।

चानि गणटायि मंजु छु चेंन्द्रम,
लोलु शब्दस त्रावान ।

वुजनावान जगतन छख,
भेक्तुयन भय हरान ।

चेंन्द्र धन्टा चैय वनान छी,

छख दयालू दातार ।

अँस्य छि आमुत्य व्यनथ करने आशि हँत्य चोन दरबार 15 ।

ब्रह्म युखतु संसार त्रे विद्दी,

तापन तँचरोवमुत ।

यि छु सोरुय चै **कुशमोंडी**,

वुदरस मंजु बसोवमुत ।

अष्टैश्वरी अमृत ह्यथ,

राजु हम्सस प्यठ सवार ।

अँस्य छि आमुत्य व्यनथ करने आशि हँत्य चोन दरबार 16 ।

ही **सिकन्द माता** छि सन्तान,

सन्त कुमार चोनी ।

कान्त ऋेश वुछनख च सन्मुख,

तपुबल **कात्यायनी** ।

दीव लूक प्यव पोशि वर्शुन,

स्यद कोरथख दरबार ।

अँस्य छि आमुत्य व्यनथ करने आशि हँत्य चोन दरबार 17 ।

कलुमालु नौल्य् कालु शहमार,

कौली रूप दारान ।

खरु वाहन रमनी छख,

मूल दुशटन गालान ।

कालुरात्री क्रूदस मंज,

जगतन करान आहार ॥

अस्य छि आमुत्य व्यनथ करने आशि हँत्य चोन दरबार ॥८॥

शान्त निर्मल छख च **गौरी**,

घोर तपस्यायि मंज लीन ।

छे नु चौन्य् हिश कौंसि सामरथ,

अति सौरी औधीन ।

सौद्धिदात्री छख च कर्ता,

म्वखती हंज म्वखतार ॥

अस्य छि आमुत्य व्यनथ करने आशि हँत्य चोन दरबार ॥९॥

ही जगतमाता च **दुर्गा**,

वर्दा छख च जगतन ।

नवुनिदान चय सीवकन,

भय कासान भवनन ।

त्रेन ग्वणुनुय व्यसतौरिथ,

पानु निर्गुन निराकार ॥

अस्य छि आमुत्य व्यनथ करने आशि हँत्य चोन दरबार ॥१०॥

चुय अनादि चुय अनामय,
चुय सनातन स्वखुमय ।

आवागवन संसौर्य,
द्वख, दौद्य असि कासतय ।

न्युथ भासतय सूहम सू,
‘कोफूरस’ ओंकार ॥

अँस्य छि आमुत्य व्यनथ करने आशि हँत्य चोन दरबार ॥१॥



कुस बोज्यम चै सिवा चारु करि म्योनुय,

चुय छुहम कबीलु तय क्रोन ।

चुय मै गाश नेत्रन आश जन्मु जन्मन,

अन्तर यादाश म्योन ।

नखि डखि रोज़तम चुय हय म्योन ड्यक लोन,

ह्यस होश बेयि व्यसतार ॥

‘कोफूर’

भजन 22

“राम जियो भविनय जय”

परि पूर्ण निर्मल रामो,
 जूग्य जामय पोरिथ द्राख ।
 त्राव शुर्यगी मो-ह्यम बहानो,
 सनियास दोरिथ द्राख ॥ 0 ॥

क्याह मे लीखिथ ओसुम कपालस,
 पराख जन्मन हुंघ कर्मफल ।
 तिम पॅपित आम छस बु सोम्बरानो,
 जूग्य जामय पोरिथ द्राख ॥ 1 ॥

चानि अनुग्रॅह गाश आव जगतस,
 वोन मे जयोतिष्व छख चु भाग्यवान ।
 ख्वनि ब्यूठहम चोथ दाम-दामो,
 जूग्य जामय पोरिथ द्राख ॥ 2 ॥

गोख कैक्की माजि हुन्जि राये,
 राजु शर्मन्दु ह्यथ नदामथ ।
 क्रूठ मायायि होवुस पानो,
 जूग्य जामय पोरिथ द्राख ॥ 3 ॥

क्या खबर छम क्या मलाल गोय म्योन,
 ललनावनस तु चावनस मंज ।
 नतु पानुसय गोम अभिमानो,
 जूग्य जामय पौरिथ द्राख ॥ 4 ॥

कति कूता समया बीत्योव,
 जन्मु जन्मान्तर मेति गॅय ।
 येति वन्योथम सपदि यकसानो,
 जूग्य जामय पौरिथ द्राख ॥ 5 ॥

भ्रमुरौविथ भ्रम दिथ द्राहम,
 ब्रह्म तोथ छुख पानु शूबान ।
 दम-दम छस ब्रह्म सुम्रानो,
 जूग्य जामय पौरिथ द्राख ॥ 6 ॥

बोजुखय म्योन 'कोफूर' ह्यन सुत्य,
 वति-वति परि रामु लीला ।
 यिति बरु गछि आकॉल्य पानो,
 जूग्य जामय पौरिथ द्राख ॥ 7 ॥



भजन 23

“रुम-रुम में राम है”

मुख में सीता राम रत्न मेरे,
मन में सीता राम है।
रोम रोम में राम बसा मेरे,
तन में सीता राम है॥

सारा जग है भव संसारा, सर्व व्यापक राम है।
जीव चराचर विविद्ध प्रकारा पालनहारा राम है॥

लाखों असंख्य हैं चन्द्र तारे, सूर्य इस आकाश में।
सबकी रचना राम रचाये सब में दर्शन राम है॥

जो सन्तों की संगत बैठे, मैल कपट को धोता है।
साधू संगत किसमत वाला सतगुरु सेवक राम है॥

सुची सुशील सुमति जो सेवक, धर्म पे अपने चलता है।
कर्म उसीके निर्बन्ध पून्जी जीवन मुक्ति धाम है॥

अण्डज, जीर्ज, सिवद्वज, उत्तभज, जड चेतन में राम है।
निर्गुण होकर माया वादी, अखण्ड अनादि राम है॥

जन्म जन्म का प्यासा हूँ प्रभु, भक्ति का रस दान करो।
नाम निरन्तर काम हो मेरा सन्त समागम राम है ॥

राम नाम **‘काफूर’** जगावे सुर्गुण, निर्गुण ज्योत जगे।
राम का सालेग्राम सजाकर अलख अगोचर राम है ॥



कोफूर’ अँन्दरिम लोलु रेह प्रज़लाव पानस प्रज़नाव,
आख तन्हा बेखबर पोंट्य बाखबर पकनाव नाव।
नेर तनहा तारि पानय तन्हा रटुन अख राम छुम ॥



यि छु खूनि जिगर पनुनुय छान्डुन,
पानस च्यफ दिथ अथ द्युन दाम।
‘कोफूर’ दयस दामन छु रटुन,
पानस अन्दर गारुन राम ॥

भजन 24

“भक्ती भावनायि स्वरि श्री राम”

दिह छु पंचि भूतिक राग द्वेश कति त्रावि,
 कर्म सम्बन्ध जन्म जन्मुक आम ।
 गुरु युक्ती सथ शब्दा प्रावुनावि,
 भक्ती भावनायि स्वरि श्री राम ॥ 0 ॥

कायायि मेचिमोर केशान ममतायि,
 मुह मायायि ह्यसु व्यसुरोवनस ।
 जगतुचि वालुवाशि चोटनस ईर्शायि,
 भक्ति भावनायि स्वरि श्री राम ॥ 1 ॥

दयि अनुग्रेह रोस छुमनु म्वकलन पाय,
 संग दूश समंसारन वोलनस ।
 वेष्णार्पन आत्म ज्ञानुय मे करुनावि,
 भक्ति भावनायि स्वरि श्री राम ॥ 2 ॥

कर्म भूमिकायि त्याग वैराग्य सगनावि,
 धर्म दानु फोलरावि पम्पोश डल ।
 ईकान्त शान्त पौठ्य बेहनावि पूजायि,
 भक्ति भावनायि स्वरि श्री राम ॥ 3 ॥

अष्टांग यूगस व्यवहारु करनावि,
 यम नेम, आसन तु प्राणायाम ।
 प्रत्याहारस ध्यानस तु दारनायि,
 भक्ति भावनायि स्वरि श्री राम ॥ 4 ॥

बाहे विशियव निशि मन म्योन फिरुनावि,
 यूग शास्त्र द्वारु हाव्यम समाद्ध ।
 कुम्बक, पूर्वक, रीचक व्यछनावि,
 भक्ति भावनायि स्वरि श्री राम ॥ 5 ॥

सूहम शब्दस हेरि ब्वन फिरुनावि,
 अन्त्र आत्मा रटि मन प्राण ।
 ईकाग्रतायि च्यतुकुय प्रकाश छावि,
 भक्ति भावनायि स्वरि श्री राम ॥ 6 ॥

आनन्द स्वरूपुक अनुभव करुनावि,
 ईकरस हाव्यम तत्त्वुच ज्ञान ।
 पनुन्यव नेत्रव आनन्द ओश त्रावि,
 भक्ति भावनायि स्वरि श्री राम ॥ 7 ॥

गूरय बालकन तु राधिकायि रास गिन्दुनावि,
 व्वन्दुसुय मंज हावि गूकल धाम ।
 मुरली मनोहर शब्दा बोझुनावि,
 भक्ति भावनायि स्वरि श्री राम ॥ 8 ॥

चरण कमलन तस नेत्र जरुनावि,
 नव दुर्गायि यव्सु छि सिंहमासन ।
 म्वकृलावि यितुगछ रूनि दामानु त्रावि,
 भक्ति भावनायि स्वरि श्री राम ॥ 9 ॥

रटि आशतोशस सुत्य ह्यथ उमाये,
 अदु प्रावि निर्गुन अमृत सरुर ।
 ब्रह्मसर थानस **‘कोफूर’** रेह खारि,
 भक्ति भावनायि स्वरि श्री राम ॥ 10 ॥



छुस दपान दिमु चाक सीनस,
 हावुहय लोलुक्य जखुम ।
 खोफ यी **‘कोफूरसुय’** बस,
 जाय अँथ्यू मंज चॉन्यू छम ।
 क्याह खबर लागि ग्राय आरामस,
 तु पय गछि वॉरिये ।

भजन 25

“बाल कृष्णो दर्शुन दितम”

श्री कृष्ण कृष्णय कृष्ण राधा कृष्णो यितम ।
सन्मुख यितम बाल कृष्णो दर्शुन दितम ॥

चय विष्णु, ब्रह्मा, चय गणेश दुर्गा तु धनेश,
शम्भू तु सुरेश मधु माधव कमलेश महेश ।
त्रेन ग्वनुनय पर सत स्वरूप ओमकार त्वत्म,
सनम्बख यितम बाल कृष्णो दर्शुन दितम ॥ 0 ॥

बडि शक्तिमानय भक्ति वतसल गिरिवरधौरी,
रुधरन मंज छुख शिव शंकर संकट हौरी ।
पारस लगयो आत्म बूद्धुक ग्वरुम्बख दितम,
सनम्बख यितम बाल कृष्णो दर्शुन दितम ॥ 1 ॥

ब्रह्म हँत्य यिमय आय वेरि चाने वते-वते,
जेरे-जेरे जीरु बम आख ल्वते ल्वते ।
मे ति अनतु अथे सूहम सू सुमरान यितम,
सनम्बख यितम बाल कृष्णो दर्शुन दितम ॥ 2 ॥

पारिजात ललुवथ पार्थीश्वर नारायणय,
 ही निर्गुणय श्री निवास निरंजनय ।
 पद्मु आसनय बास प्रत्यक्ष भगवान यितम,
 सनम्बख यितम बालु कृष्णो दर्शुन दितम ॥ 3 ॥

मुरली मनोहर यूगीश्वर नन्द नन्दनय,
 अन्दु वन्द बासतम श्वास-वशास आनन्द गणय ।
 छुख हेरि ब्वनय नादु ब्यंडुके नूरानु यितम,
 सनम्बख यितम बालु कृष्णो दर्शुन दितम ॥ 4 ॥

छुख इष्ट कर्ता भक्ति वतसल रुमन रुमन,
 बु मनु हृदयस ईकादश रधुर चै रमन ।
 शमन तु दमन वर मै सुमन जानानु यितम,
 सनम्बख यितम बालु कृष्णो दर्शुन दितम ॥ 5 ॥

ओर योर अनतन जोरु म्योन मन करतन लये ।
 दये प्रजलाव परमु आनन्द प्रकाशये ।
 कर निर्भये परिपूरन करुणा करम,
 सनम्बख यितम बालु कृष्णो दर्शुन दितम ॥ 6 ॥

आलव द्युतमय दीनु दयालु दोरान आहम,
 यिथु पौठ्य शुर्य संज क्रख बूज माजि जसुदायि जाहम ।
 द्राहम कथ कुन बालु गूपालु गिन्दान यितम,
 सनम्बख यितम बालु कृष्णो दर्शुन दितम ॥ 7 ॥

द्वादशान्त मण्डल चानि यष्टायि प्रजलानत्य,
 अखण्ड ब्रह्माण्ड चैय अन्दर यीरानत्य ।
 च्वशवय वीद छी ग्वण ग्यवान ग्वणुवानु यितम,
 सनम्वख यितम बालु कृष्णो दर्शुन दितम ॥ 8 ॥

प्रष्ठाम सन्तन साधन पय दय छुम कते,
 तिमव वौनहम श्वास वशवास गारतन तते ।
 मे नो तोगुय अजपा जप बुधिमान यितम,
 सनम्वख यितम बालु कृष्णो दर्शुन दितम ॥ 9 ॥

प्रणो प्रप्यंचि संसारुक सृष्टा-दृष्टा,
 चय ईश ईष्टा छुख प्रजागर कासान कष्टा ।
 'कोफूरस' कास कर्म बंधन नन्दन यितम,
 सनम्वख यितम बालु कृष्णो दर्शुन दितम ॥ 10 ॥

युस परि यि लीला तन मन धन अर्पन कैरिथुय,
 येछि पछि श्रद्धायि भावनाये श्री कृष्ण सोरिथुय ।
 सुय छावि भेक्ती प्रावि मुखती निर्वान यितम ॥
 सनम्वख यितम बालु कृष्णो दर्शुन दितम ॥ 11 ॥



भजन 26

“कृष्ण अवतार”

क्याह दुबारु कृष्ण अवतार यीना ।
अन्तु रँस्यृतिस सोनुय आर यीना ॥

वनहोस अन्तरयामी छुखना,
अनुग्रह छु गुण चोन दर्शुन दिखना ।
वालिहे भूमिकायि भार यीना,
क्याह दुबारु कृष्ण अवतार यीना ॥ 0 ॥

सृष्टी छि वुन्य्क्यन भयभीत गौमुच्र,
आकाश पृथ्वी सखती आमुच्र ।
म्वकलावि नरकुन नार यीना,
अन्तु रँस्यृतिस सोनुय आर यीना ॥ 1 ॥

सासु बैद्य रावन श्यनुवुन्य् तरफन,
परमानो शँस्त्रवी अँलरावान ।
जगतस रक्षाकार यीना,
अन्तु रँस्यृतिस सोनुय आर यीना ॥ 2 ॥

त्रैयिम नैथुर वुनि मतु मुचरावतन,
 नरसिंह अवतार पाप म्वकलावतन ।
 भैक्त्यन बखशनहार यीना,
 अन्तु रैस्यृतिस सोनुय आर यीना ॥ 3 ॥

इष्ट छुम जगतस कष्ट कासवोनुय,
 थदि दरबारय स्योद वुछवोनुय ।
 मदलोचन मूक्षिद्वार यीना,
 अन्तु रैस्यृतिस सोनुय आर यीना ॥ 4 ॥

धर्मुक व्यवहार कर्मुक व्यसतार,
 भावुक मिलचार त्यागुक ताजदार ।
 सन्तन हुन्द शैहजार यीना,
 अन्तु रैस्यृतिस सोनुय आर यीना ॥ 5 ॥

मुरली मनोहर अनुग्रह पूर कर,
 गौपाल गिर्धर संकट दूर कर ।
 राधायि हुन्द म्वखतुहार यीना,
 अन्तु रैस्यृतिस सोनुय आर यीना ॥ 6 ॥

जसुदायि नन्दलाल ख्वनि ललनोवुन,
 बालू गूपालु रवनि मंजलिस थोवुन ।
 गूपियन हुन्द लोल नार यीना,
 अन्तु रैस्यृतिस सोनुय आर यीना ॥ 7 ॥

गीता ज्ञान गव अनुभव सपदुन,
 श्वदमन कैरिथुय च्युतु रव गछि नोन ।
 बीदु रोस अबीद आकार यीना,
 अन्तु रँस्युतिस सोनुय आर यीना ॥ 8 ॥

जुव जान वन्दुहस पम्पोश पादन,
 कर वाति 'कोफूरस' थावि लादन ।
 हाविहेस साधनायि सार यीना,
 अन्तु रँस्युतिस सोनुय आर यीना ॥ 9 ॥



प्रणो प्रप्यंछि संसारुक सृष्टा-दृष्टा,
 च्युय ईश ईष्टा छुख प्रजागर कासान कष्टा ।
 'कोफूरस' कास कर्मु बंधन नन्दन यितम,
 सनम्वख यितम बालु कृष्णो दर्शुन दितम ॥

भजन 27

“दर्शनसुय चेर गोम”

भावु पम्पोश ह्यथ लारुनसुय,
दर्शनसुय चेर होंय गोम ।
श्यामु स्वंदरस पूज़ि लागुनसुय,
दर्शनसुय चेर होंय गोम ॥ 0 ॥

बडि दरबारु परि पूर्णसुय,
श्री गणेशस छु जय जय कार ।
आदि दीवस आज्ञा ह्यनसुय,
दर्शनसुय चेर होंय गोम ॥ 1 ॥

ग्वरु वच्चनन कन दारनसुय,
निर्गुणसुय द्युन छुम वोन ।
पादि कमलन पान आलवनसुय,
दर्शनसुय चेर होंय गोम ॥ 2 ॥

राम राधन शामु सुबहनसुय,
शयशकल मन वुज़ुनॉविथ ।
निशकल गछ नारायनसुय,
दर्शनसुय चेर होंय गोम ॥ 3 ॥

कैलासवासु उमादरुसुय,
 येति यूगियन हुन्द छु दरबार ।
 साधनायि हुन्द नाव साधुनसुय,
 दर्शनुसुय चेर होंय गोम ॥ 4 ॥

पृथ्वी हुन्द बार वालनुसुय,
 करुनाकर जन्मस आव ।
 निश कारन आव कारनुसुय,
 दर्शनुसुय चेर होंय गोम ॥ 15 ॥

नन्दु गोरूयुन गूकल निनुसुय,
 वातु नौव्यूज्योम द्युतनख पय ।
 यूग माया छि प्रारान मे यिनुसुय,
 दर्शनुसुय चेर होंय गोम ॥ 6 ॥

पेहरुदारन व्यसरावनुसुय,
 डेडि यलु गेंयि थनु येलि प्यव ।
 इन्द्राजु आव मेघ वर्शनुसुय,
 दर्शनुसुय चेर होंय गोम ॥ 7 ॥

शूबि शाबाश शीश नाग गुनुसुय,
 पान शोमरिथ बन्याव पात्र ।
 तथ मंज ह्यथ छु नारायणसुय,
 दर्शनुसुय चेर होंय गोम ॥ 8 ॥

पादि कमलुक न्यठं लोग चयनुसय,
 तुल राजन कलसय प्यठ ।
 दीव लूक आव पोश वरुनुसय,
 दर्शनुसय चेर होंय गोम ॥ 9 ॥

राजु ह्यथ द्राव श्वद्ध च्यथ मनुसय,
 मंज जमनायि धुन छुस तार ।
 पादि कमलन खँच स्व सपर्शनुसय,
 दर्शनुसय चेर होंय गोम ॥ 10 ॥

गूकल ह्यथ नन्द नन्दनुसय,
 जसुदाये क्वछि थोवुन लाल ।
 लोग परमधाम दामु दामु चनुसय,
 दर्शनुसय चेर होंय गोम ॥ 11 ॥

अष्टांग लोग डण्डवत दिनुसय,
 माजि जसुदायि दियिव ओंझा ।
 यूग माया ह्यथ मे नेरनुसय,
 दर्शनुसय चेर होंय गोम ॥ 12 ॥

कन्या ह्यथ मथरायि यिनुसय,
 दीवकी ओंस गरि गेन्जरान ।
 राजु ख्वनि ह्यथ वोत तथ क्षणुसय,
 दर्शनुसय चेर होंय गोम ॥ 13 ॥

मायायि छँट बाख तथ क्षणुसय,
 कनसस शैछ सोज्जुनु आय ।
 लारि आव सु मारुनि निर्गुणसय,
 दर्शनुसय चेर होंय गोम ॥ 14 ॥

अथसय मंज शूरय पाद ह्यनुसय,
 नच नौविथ हर्षस गव ।
 नारु वुजमलि व्यसरोव कनुसय,
 दर्शनुसय चेर होंय गोम ॥ 15 ॥

शैछ दिचनस मूरख कनससय,
 प्रकृत चॉन्य छि राक्षस जात ।
 काल चोन वोत गूकल वनुसय,
 दर्शनुसय चेर होंय गोम ॥ 16 ॥

गूरय बायव अकि दोह दिनुसय,
 श्वद्ध ब्वद्ध म्योन द्वदु चूरुय ।
 गेरु कौरहस लजि प्रदिक्षनुसय,
 दर्शनुसय चेर होंय गोम ॥ 17 ॥

इन्द्राजिनिस मेघ वर्शनुसय,
 असवुनि म्वखु म्वरलीदर ।
 किसि प्यठ ह्यथ छुम गूर्वधनुसय,
 दर्शनुसय चेर होंय गोम ॥ 18 ॥

पौर्य लगुहोस अथ बालु पनुसय,
 ल्वकटि म्वखु छुख हेछिनावान ।
 सार होवनख विष्णारपनुसय,
 दर्शनुसय चेर होंय गोम ॥ 19 ॥

सास बज़ गूपिकायि सोज़नुसय,
 भावनायि ह्यथ खिर तु पकवान ।
 ब्रह्म सोज़नस ब्रह्मरेश ख्यनुसय,
 दर्शनुसय चेर होंय गोम ॥ 20 ॥

जमुनायि ओर योर वथ ह्यनुसय,
 कथ प्रछु हस सथ क्या गव ।
 दुवैत कति क्याह अदुवैत वादनुसय,
 दर्शनुसय चेर होंय गोम ॥ 21 ॥

तस क्याह छु गम यस आसि मनुसय,
 माजि जसुदायि हुन्द सन्तान ।
 राधिकायि सुत्य रास खेलनुसय,
 दर्शनुसय चेर होंय गोम ॥ 22 ॥

श्यामु स्वंदरस नामु लेखनुसय,
 एक रस चावि लोलुक दाम ।
 ललुनावान 'कोफ़ूर' मनुसय,
 दर्शनुसय चेर होंय गोम ॥ 23 ॥



“प्रभू-वर प्रभूवर कर्ता”

प्रभू-वर प्रभूवर कर्ता ।

गोपाल गिर्वर भरता ॥

भेक्ती ख्वतु कुस युक्ता,
ज्ञानानं पूर्ण शक्ता,

अनमोल मूरत व्यक्ता ॥
सूरत स्वय छम दिखता ।

पानय दात्र शक्ता,
पानय सत्वरु शब्दा,

पानय फेरांन बैक्षुका ॥
पानय जिन्दु तय म्वर्दा ।

पानय गिन्दान रिन्दा,
पुरिथ शूबान वनु क्याह,

दौरिथ कम कम इसलाह ॥
यी वुछिनस चैश्मु कसबा ।

जगुतुच तस्वीर दुर्गा,
पॅय-पॅय जेनुख न परु क्याह,

जगतस युन छुम दरगाह ॥
परुनावि यस तस परु क्याह ।

‘कोफूर’ क्याहताम वक्ता, सर्गुन निर्गुन कर्ता ॥

पर उपकार करबा,

भवसर तौरी तरबा ॥



भजन 29

नूरु मंजु डेशिहे नूरानय

हतय जेव्यलि जौव्यजार छु व्यछनुन,
अति पेयि त्रनुवय वन वनुय ब्वन।
राधायि कॅमि व्यनु पोशे तूलुन,
बावुचि तारुचि परम धाम॥



चै हय हॉल छय रसायनन,
छेठ दिथ राजस ख्यावान छख।
तैम्यु ख्यथ बॉंगरोव सारिन्यु ब्योन-ब्योन,
ऑकिसुय रजि मंजु वुठनय आय॥



कस रोजि सक्रय रूगु रोस रोजिहे,
नूरु मंजु डेशिहे नूरानय।
फलि-फलि हेलि नेरि करतलि दारि फेरि,
शेरि वातुनाविहे ताबानय॥

छुख नो नोन छोन काँसि कॅह मंगुहक,
पानस अथि छुय पनुनुय लाल।
पॅश भावु वैशयव भूगन चोटनख,
कूधन कोरनख चय कंगाल।
हनि-हनि काह मॅन्यु सन दिथ न्यूनख,
नंगु कोरनख अन्द मॉदानय॥ ०॥

सथ कोचि अथ वति जीठिस सफरस,
 सथ डेडि प्रथ डेडि प्यठ डीड्यवोन् ।
 नठ छम कठकोश मुह छटि डाल्य्म,
 कुस वातनाव्यम ब्रह्म सथानुय ।
 कण्ठस कफ तुलि नौबिसथान पवलि,
 हृदयस छु संगम मंगानुय ॥ 1 ॥

श्वद थाव वासना ब्वद यियि ठिकानस,
 मदु वस ह्यसु होशु छान्दुन यार ।
 क्रय कर निश्काम पय तो पानंस,
 येलि मेलि तेल्यस लोलुच धार ।
 थफ कर शब्दस व्वठ द्यू सनिरस,
 गनिरस मंज छुय दुर्दानय ॥ 2 ॥

श्वब येछि सु व्यचार विवेक छु छांडुन,
 तन मनतायि गछि मन यकसू ।
 स्तोपती सपदि हकुलयकीनस,
 बेयि श्वद आत्मा तु सर्वयसू ।
 बुय छुस सृष्टी तु माया छि म्यौनी,
 चेतन ज्ञानी छि बनानुय ॥ 3 ॥

मन कर यक्सू सत्चित प्रावख,
 क्वथ नेरि कथि सुत्य आनन्द मय ।
 कर्म काण्ड, ज्ञान काण्ड उपासनायि सुत्य,

मलदजि तु प्रावख मनोजय ।

सय रठ प्वखतस तु खामस यिक्वट्ट,

सोरुय छु तेलि नखु वसानुय ॥ 4 ॥

पुंच्युम कोचि छुय क्रूठ ज्यूठ तु क्रेछर,

असनस कति हंजि गति मंज गव ।

कांह ति पदारथ कुनि सुत्य नु रवजव,

अनानयितस ज्ञानि अँगनस ग्यव ।

मनि मंज तनकडि तनि मन व्वलसावि,

स्वख द्वख ह्यू ज्ञानि रिन्दानय ॥ 5 ॥

आत्मा छु प्रथ विजि आनंद प्रावान,

बाकी छु क्याताम कर फरामोश ॥

सैत्युम सथुय सथ तुरियाय हंज वथ,

ब्रह्मय छु ब्रह्मस करान ख्वश ।

सथ पद यिमय छिम विज्ञान ज्ञानस,

तुरियाय तीतस सनानय ॥ 6 ॥

सुविचार सत्संग सथ शास्त्र,

सुत्प-शम दम वैराग्य सपनस तय ॥

पानस पानय दया कैर्यतन,

ती गव अनुग्रह तु ग्वरुसंज प्रय ।

‘कोफूट’ वठ समसारुक यि दफतर,

संगरमाल आयि फवलानुय ॥ 7 ॥



भजन 30

रास—लीला

“नादा लायव राधा कृष्णस”

सॅमितवी सॅखियो आदि प्रभातस-आदि प्रभातस ।

नादा लायव राधा कृष्णस - राधा कृष्णस ॥

वैलिवे अचुवय नन्दन बागस - नन्दन बागस,
 यूग निन्द्रा छव स्वंदर श्यामस - स्वंदर श्यामस ।
 वुजुनोव्यू तोन क्वछि ह्यमुहोन सातस - ह्यमुहोन सातस ।
 नादा लायव राधा कृष्णस - राधा कृष्णस ॥ 0 ॥

ललिताय वोननख बुहय छस ज़ानान-बुहय छस ज़ानान,
 असि मंज़ कस प्यठ पछ छस रोज़ान- पछ छस रोज़ान ।
 राधायि ह्युक लोग व्वशलेयि पानस-व्वशलेयि पानस ।
 नादा लायव राधा कृष्णस - राधा कृष्णस ॥ 1 ॥

अख फ़ीर अकि-अकि सारिवन्य अँद्य-अँद्य सारिवन्य अँद्य-अँद्य,
 त्वहि मा वुछवोन नटवर नन्दन - नटवर नन्दन ।
 थोद वछ सारेय मच्च लजि नच्चनस- मच्च लजि नच्चनस ।
 नादा लायव राधा कृष्णस - राधा कृष्णस ॥ 2 ॥

अकि दिच हख कख ड्यक हॉय प्रज़ल्योम-ड्यक हॉय प्रज़ल्योम,
 बेयि वोन कमिताम क्याह ताम डेशोम-क्याह ताम डेशोम।
 बेयि वोन वुज़मलि वलुनॉय आयस - वलुनॉय आयस।
 नादा लायव राधा कृष्णस - राधा कृष्णस ॥ 3 ॥

दीव लूक दीव आय सॉरी सॅमिथय - सॉरी सॅमिथय,
 कैलाश शिव शंकर आव गवरी ह्यथ- आव गवरी ह्यथ।
 हेरि ब्वनु नूरानु पूर्ण पानस - पूर्ण पानस।
 नादा लायव राधा कृष्णस - राधा कृष्णस ॥ 4 ॥

तपु प्यठु तपु रेश यूगी ज़ॉनी - यूगी ज़ॉनी,
 इन्द्राज़ ननुवोर आव दोरॉनी - आव दोरॉनी।
 ब्रह्मा मन्दुछाव भॅक्ती भावस - भॅक्ती भावस।
 नादा लायव राधा कृष्णस - राधा कृष्णस ॥ 5 ॥

सिरियि चन्द्रमु ह्यथ तारा मण्डलस -तारा मण्डलस,
 आकाश पृथवी थामि गयि वुछनस थामि-गयि वुछनस।
 शे रॉच राथ गॅयि सतुकिस स्वरनस-सतुकिस स्वरनस।
 नादा लायव राधा कृष्णस - राधा कृष्णस ॥ 6 ॥

आशर्चयवत आसु सासु बजु गूपी - सासु बजु गूपी,
 अकि-अकि सारिनुय सुत्य बहुरूपी-सुत्य बहुरूपी ।
 मुरली वायान वैकुण्ठ धामस - वैकुण्ठ धामस ।
 नादा लायव राधा कृष्णस - राधा कृष्णस ॥ 7 ॥

‘कोफूर’ मण्डली ह्यथ रासु मण्डलस - ह्यथ रासु मण्डलस,
 येति गूपियन सुत्य गूपाल गिन्दनस-गूपाल गिन्दनस ।
 भावनायि भेंक्ती प्रावि निर्वानस - प्रावि निर्वानस ।
 नादा लायव राधा कृष्णस - राधा कृष्णस ॥ 8 ॥

वुन्य-वुन्य येति ओस अथुवास करिथुय-अथुवास करिथुय,
 असवुनि म्वखु चोल कथुसास कॅरिथुय-कथुसास कॅरिथुय ।
 दरिथुय दिचुनस श्वास विश्वासस-श्वास विश्वासस ।
 नादा लायव राधा कृष्णस - राधा कृष्णस ॥ 9 ॥



जुव जान वन्दुहस पम्पोश पादन,
 कर वाति ‘कोफूरस’ थावि लादन ।
 हाविहेस साधनायि सार यीना,
 अन्तु रॅस्युतिस सोनुय आर यीना ॥

भजन 31

“आसुन गच्छक रिंदानय”

तगियेय मनुविथ अनतन रिन्दय आसुन गच्छक रिंदानय ।
चन्दन हारस गुनस वेलिथ तुलिथ नितन गिंदानय ॥

प्रच्छाम राम-राम बदरुनि पेरिये चे कॅमी गेरिये तु बैरिये रंग,
यथ कालु ओबरस वुजमलि तु त्रटन स्वनु हारि पखन जैरुनय गंग ।
अमि गंगवाने शीरिथ जुलफन बमन बीटुहम कमदजन,
मतय लायतम छुवख यथ पानस ध्यानस अनतन खन्दानय ।
चन्दन हारस गुनस वेलिथ तुलिथ नितन गिंदानय ॥ 0 ॥

शुराह सास अख हथ तु बैयि ओठ विगिने दोपनम अनिथख पानस सुय,
टोठ राधा बैयि रूखमन रूठय पानस कूठय पनुनी खीत्य ।
हरगाह अनुहक मनविथ द्वनुवय सौरी सॅमिथ वनुवुन ह्यन,
यथ जमुनाये मनसरु नागस गौस्युल बाग यियि फवलानुय ॥
चन्दन हारस गुनस वेलिथ तुलिथ नितन गिंदानय ॥ 1 ॥

लोलुच बाल ह्यथ नेरतो सौलस जमुनायि बटे ह्यथ वौराग,
सौरी त्रैविथ व्वठ द्यू सनिरस अब्यास रजि फसि कौली नाग ।
रज्जु कैर नसतेय नौगिनि ति वनुवन सारेय अनुनय सोम्बरिथ पोश,
जीरु बमु नुय बोज़ सहज्ज सनिदानय अदुजान न्याय छुय अन्दानय ।
चन्दन हारस गुनस वेलिथ तुलिथ नितन गिंदानय ॥ 2 ॥

कमन वस्त्र तु कॅहंज्यो तने वुछख कुस तु वुछन कस,
 येलि वछ मुचरुख तॅम्पु संजि ब्वछे खच्चु जमुनाये शीरिथ मस ।
 अॅम्पु मसवालन बोरनख प्यालु लालु त्रॅट्य जोरनख पनुनी पौट्य,
 अकि-अकि वॅरिथ म्यूठा कोरनख ड्यकस ट्योका चन्दोनय ।
 चन्दन हारस गुनस वॅलिथ तुलिथ नितन गिंदानय ॥ 3 ॥

दोरान आयम् स्वय क्वंगुमाला म्वलुवान वोनूनम सोरुय छु ब्रह्म,
 नेह गटि रूदु छटि नारु त्रटि लटि लटि कॅडनस रचोम खम ।
 दमुदमु त्रॉवनस ब्रोमुरिथ, सोरुय सोम्बरिथ कोरनम श्रम,
 अमि रुमाले सातस गेविनम रातस छु 'कोफूट' मनदानय ।
 चन्दन हारस गुनस वॅलिथ तुलिथ नितन गिंदानय ॥ 4 ॥



सुविचार सत्सग सथ शास्त्र,
 सुत्प-शम दम वैराग्य सपनस तय ॥
 पानस पानय दया कॅर्यतन,
 ती गव अनुग्रह तु ग्वरुसंज प्रय ।
 'कोफूट' वठ समसारुक यि दफतर,
 संगरमाल आयि फ्वलानुय ॥

भजन 32

“चान्पून खयालनुय मंज़”

चान्पून खयालनुय मंज़, दम दम बु छुस गुज़ारान।
गम छुम फखत मे यूतुय, युथ ह्युव करार रोज्या॥

दिल या द्यमाग अख छुम, स्वख छुम अकुय मे गारुन।
या दुर्नैयिहच लताफत, नतु दिल करार आस्या॥

दिलु प्यठ द्यमागसय ताम, दागुन मे छुम निशाना।
श्रुवंग दिथ हिलाल छान्डुन, तथ प्यठ सवार आस्या॥

योदवय प्रच्छयम वु छुख कुस, क्याह छुय मंगुन ति वनतम।
सरखम मे आसि गोमुत, रटनस शुमार आस्या॥

कौत्याह छि मैत्य कलंदर, सूफी सन्त रहबर।
ललुवान लोल अकसर, ‘कोफूर’ हुशयार आस्या॥



भजन 33

“नज़रे मेहर अता कर”

आया हूँ दर पै तेरे पाओं तमाम साकी ।
नज़रे मेहर अता कर आली मकाम साकी ॥

माना कि बांटते हो शाहो गदा में यकसान,
तरसे जो कोई क्योंकर रशके अंदाम साकी ।
नज़रे मेहर अता कर आली मुकाम साकी ॥

मुझको तेरे जुलुफ से न हुसन की तमना,
यह तेरी तू ही जाने अरशे मुकाम साकी ।
नज़रे मेहर अता कर आली मुकाम साकी ॥

मुझसे मेरी गरज़ क्या यह आशयां है तेरा,
किस-किस हाल में रखोगे अपना अराम साकी ।
नज़रे मेहर अताकर आली मकाम साकी ॥

कशती रवां है तुझ में ऐ मस्त रोये सागर,
कया पूछते हो मुझसे नामो पयाम साकी ।
नज़रे मेहर अता कर आली मकाम साकी ॥

मर्जी है तेरी इसको गोते में गुम ही करदे,
भंवर हो या कि साहिल वुसते निज़ाम साकी ।
नज़रे मेहर अता कर आली मकाम साकी ॥

मुजरिम पड़ा अगर मैं तेरी भी तो रज़ा है,
अपनाया होता मुझको होता मैं राम साकी ।
नज़रे मेहर अता कर आली मकाम साकी ॥

अब दम सम्भल रहा हूँ कूचे में तेरे आकर,
देखोंगा मैं भी किन को दोगे इन्आम साकी ।
नज़रे मेहर अता कर आली मकाम साकी ॥

तेरे मेरे यह झगडे हैरानगी है इसमें,
देखे सुने जो कोई बदनाम होंगे साकी ।
नज़रे मेहर अता कर आली मकाम साकी ॥

हर सू जो तू बसा है मुझ में भी तू ही तू है,
क्यों छेडते हो फिर भी करदे तमाम साकी ।
नज़रे मेहर अता कर आली मकाम साकी ॥

पीकर पिला रहे हो महफिल सजा के अपनी,
'काफूर' भी मुन्तज़िर है वसले किराम साकी ।
नज़रे मेहर अता कर आली मकाम साकी ॥



भजन 34

“रोशमत्ये मननावथो”

दय छुम बिहित रूशित्थ खँटिथ,
 अरमान छुम रोय हाविना ।
 नेबरय दियम ज्ञान अँन्दरिमुय,
 अँन्यू कूठरुय प्रजलाविना ॥ 0 ॥

केंचन वुछुम अथुरोट करान,
 पानस मंजुय प्रथ विजि रंगान ।
 नार्यव नट्यव फिर्य फिर्य छुनान,
 दामा मे कुन पिलनाविना ॥ 1 ॥

बूजमुत मे छुम युस छारि तस,
 व्यसतार दियस वति लागि तस ।
 प्रथ विजि सु पनुनी लय थाव्यस,
 हाव्यस तु चाव्यस प्राविना ॥ 2 ॥

यस यारि बरि सुय लोलु मस,
 ललुनावि पयहम प्यालनुय ।
 ह्यस थावि चाव्यस छायि निथ,
 पँजि मायि मनजूर थाविना ॥ 3 ॥

सोरुय तैमिस अथि पानुसुय,
 पानय छु पनुनिस वानुसुय ।
 प्वखतस तु खामस दानुसुय,
 तैम्यु संजु नजर अँजराविना ॥ 4 ॥

चन्द्रम कला यन्द्राजु मन,
 व्यछनावि श्वद स्योद खारि पन ।
 परदन चँटिथ जौविजारुचन,
 सौकिन कँरिथ म्वख हाविना ॥ 5 ॥

कर खारु वानस खारुनस,
 कारूयम तु नारस त्रावुनस ।
 रेह नारु वुजुमल चालनस,
 डीशित शेहजार छाविना ॥ 6 ॥

‘कोफूर’ जालस आलुवस,
 मन प्राण पूजे लाग तस ।
 त्रौविथ शर्म क्रख बो दिमस,
 नैन्यु पौट्य दर्शुन हाविना ॥ 7 ॥



भजन 35

“नारायण दर्शुन हाव”

यनु कोरथम श्र्वन्य् र्वनि जामन,
तनु लोलुक नार शोल्याव ।
ख्वनि ह्यमुहथ छम मनि कामन,
नारायण दर्शुन हाव ॥ 0 ॥

बालु यारस मनसर गारन,
छालि छ्यफ दिथ कॅरनम गाव ।
नाल वोलनम कालु शहमारन,
नारायण दर्शुन हाव ॥ 1 ॥

जीव भाव प्योम मंज वासनायन,
दिह अभिमान गण्डनय आव ।
ह्यस डोलनस मूह मद कामन,
नारायण दर्शुन हाव ॥ 2 ॥

काँपुनोवनस क्रूड चमारन,
गॅन्य् कॅरिनम परिनिक्क गाव ।
व्यसरौव्यनम भावुक्य बामन,
नारायण दर्शुन हाव ॥ 3 ॥

वर खोरनम अँम्य् अहंकारन,
 नारु ज़ालिथ द्राम नो ताव ।
 नीलुवठ पेयम निर्मल नागन,
 नारायणु दर्शुन हाव ॥ 4 ॥

ज़ेरि ज़ेरे ज़ीर मे लँजिमो,
 रायि गँजिमो नँदुर तु नेह ।
 छायि गित्य गँयम धारनायि दारन,
 नारायणु दर्शुन हाव ॥ 5 ॥

यीरु गोस आम ग्यूर ज़न्मु ज़न्मन,
 करुनाव्यो कर ठँहराव ।
 नम रठतम च़ठ बवु बन्दन,
 नारायणु दर्शुन हाव ॥ 6 ॥

प्राण वन्दयो पम्पोश पादन,
 श्यामु स्वंदरो लादन थाव ।
 पौरावतम साधनायि सादन,
 नारायणु दर्शुन हाव ॥ 7 ॥

रगु वन्दयो ही रघुनंदन,
 राज़ु हम्सुन साया त्राव ।
 'कोफ़ूटस' कन थाव नादन,
 नारायणु दर्शुन हाव ॥ 8 ॥



भजन 36

“लागुहा यारानु च़ेय सुत्य”

लागुहा यारानु च़ेय सुत्य,
तथ छे दुशमन दौरिये ।
बागु बबरे लूठ कौरहम,
पौवुहम लाचौरिये ॥ 0 ॥

ग्वडु मे पनुनिस पानसुय सुत्य,
नयाय प्योमुत रोवमुत ।
त्राव क्याह कथ कुन गछुन छुम,
प्रावु क्याह व्यसरयोवमुत ॥
बावु कस क्या पोज़ अपुज़ गव,
कशमकश छम जौरिये ॥ 1 ॥

कर बु गरि द्रायस च़ेय प्रछनय,
तैथ्य प्यठुय रुशिथ छिहम ।
चानि रोस्तुय कस सुन्दिस सँजिदस,
बु आयस ड्यूठथम ॥
छय खबर पानस में कर च़ेर,
चावुनस दिम वौरिये ॥ 2 ॥

सूजथस सालस चैय तोरय,
 पानु बानस शूरथम ।
 यिय चैय द्युतथम शेरि लोगुम,
 लोलुमस मोचरोवथम ॥
 सेंच करान लूसस वतन प्यठ,
 वुछि वुछी तल्य् टोरिये ॥ 3 ॥

अति गैमुत्य कौत्याह छि अडुबुज्य्,
 कैह हॅरिथ वावन निमुत्य ।
 कैह छि मदहोश पानुसय सुत्य,
 लोलु नारन जौल्य्मुत्य् ॥
 कैह छि शर्मन्दु ह्यथ नदामथ,
 छुख च्चु बखशनहौरिये ॥ 4 ॥

लय थावुम पयहम मुकामस,
 गाटुजारस ग्राव छय ।
 खुर तु हम रठ वर्जु वावस,
 यिनु सौ नम डलि लागनय ॥
 दागनय समाद बिखर्यम,
 लूठ गछि अन्दिहौरिये ॥ 5 ॥

लङि फुलय बरजस्तु बागस,
 आगु येलि यियि सालु सोन ।
 रोजि ब्योन कति नार आबस,
 संगि पारस नोन सपुन ॥
 दाम बरि युस जहरि मारस,
 त्राम ननि स्वनु हौरिये ॥ 6 ॥

पय येमिस मयखानु चान्युक,
 वनतु कति आराम तस ।
 लय तैमिस अँशके हकीकी,
 बेकरौरी जाम तस ॥
 क्रेय खँटिथ शब्दस समादान,
 वुफि चलान संसौरिये ॥ 7 ॥

वैन्यु च धू 'कोफूर' पानस,
 कथ दहानस ग्राव छय ।
 सीरु सान रठ जीर पानस,
 नूर तैमिसुन्द हावुनय ॥
 अद खसी ग्रख लोलु बानस,
 ठान ह्यस सरकौरिये ॥ 8 ॥



भजन 37

“असतौय अनतन मनुविथ यार”

दौन थरि फुलूया आयि बरजसतौय,
 असतौय अनतन मनुविथ यार ।
 ह्यस थाव मूलस यिना डलि रस तौय,
 असतौय अनतन मनुविथ यार ॥ 0 ॥

रंगु रंगु जानावार आयी जसतौय,
 फुलुया डीशिथ बे-यख्तियार ।
 यिना द्रस लगियो कुलमारस तौय,
 असतौय अनतन मनुविथ यार ॥ 1 ॥

फेरुस अँद्य अँद्य रोज़ दस्तबसतौय,
 मुह वावस तौय रोज़ होशयार ।
 यिना ज्वलु गछियो श्वदभावसतौय,
 असतौय अनतन मनुविथ यार ॥ 2 ॥

सतसंगु सग दिस ग्वरु कथि पछतौय,
 वारोंग्यु द्राति सुत्य जण्ड ज़ुज मार ।
 यिना रेय लगियो पेय गछि बसतौय,
 असतौय अनतन मनुविथ यार ॥ 3 ॥

ज्ञान छव म्यौनी यम राजसतौय,
 यस निश गरि-गरि हिसाब छुम ।
 मुकलाविह्यम हय तु प्यमु हा मसतौय,
 असतौय अनतन मनुविथ यार ॥ 4 ॥

क्या ज्ञानु करु प्यटु छम यमु द्रसतौय,
 सौरी ब्रह्मैय ब्रह्म असथान ।
 ध्यान हय रोजिह्यम मरनातस तौय,
 असतौय अनतन मनुविथ यार ॥ 5 ॥

अनि वचि गंजिह्यम तिलु दान्दसतौय,
 ज़ांह नो ज़ोनुम पर व्वपुकार ।
 कम कम तम्बु गैयम पनुने दसतौय,
 असतौय अनतन मनुविथ यार ॥ 6 ॥

खसुवस लैजिमुच छम दमन बसतौय,
 ज़ौन्यूकार ज़ौनिथ अवेज्ञान ।
 पानु यस यारि तस छु रस पयवसतौय,
 असतौय अनतन मनुविथ यार ॥ 7 ॥

सुबहदम रटुहन पोश बागसतय,
 रौशमौत रमहन गोम यैचकाल ।
 द्वकज़द प्योमुत छुस वनहसतौय,
 असतौय अनतन मनुविथ यार ॥ 8 ॥

मनविथ अनहन र्वनि मंजलिसतौय,
 वनु वनि अनुहस सास बैद्य सास ।
 तेलि छेनु तौर यिम छ्क्ख बलुनसतौय,
 असतौय अनतन मनुविथ यार ॥ 9 ॥

डर छुम बरु मा गछु बरजस्तौय,
 कस रोजि ह्यसतौय छांडुन यार ।
 यि छु 'कोफूरस' गम पानसतय,
 असतौय अनतन मनुविथ यार ॥ 10 ॥



श्रुक्य

पृश्न :-

अख सतपुत्रा सतचे सँचय,
 यथ बुथराच प्यठय आव ।
 चौरव व्यचौरिथ पांचिमिस प्रछुय,
 आकौल्य आमृत क्या छुस नाव ।

जवाब :-

अँन्यू सारि शारान यथ सुदरसय,
 कर्मनि कलुमय ल्यूखहस नाव ।
 नावस नाव क्याह युस नो आवय,
 यिनुर्ये द्रावुय तु क्याह छुस नाव ॥

'कोफूर'

भजन 38

“स्वमनु यिमव गोर”

यिमन चोनी लय आसि रुमन श्रद्धायि हुन्दुय ज़ोर ।
प्रकाश प्रज़लान अज़लय तिमन स्वमनु यिमव गोर ॥

समसारस यिथ मन छुम भ्रमन,
वेशियन गोमुत लोर ।
गाशदार नटान म्यान्यून क्रमन,
स्वमनु यिमव गोर ॥ 0 ॥

चावुच भेक्ती छि कमन कमन,
भावुनायि मीरायि गोर ।
सु प्रकाश प्रोवुन स्यमंज बुमन,
स्वमनु यिमव गोर ॥ 1 ॥

म्वखती छि प्वखतस कामनायि लमन,
खामस कामुक ज़ोर ।
ब्वछि होत प्रहलाद क्वछि क्यथ रमन,
स्वमनु यिमव गोर ॥ 2 ॥

तस कति रोज़ान कर्मन्य् बन्दन,
 यस गछि वैराग्य् ज़ोर ।
 ग्वरु दीवु कृपायि दिह आख शमन,
 स्वमनु यिमव गोर ॥ 3 ॥

ध्यान धारनायि रोज़ प्रत्या हारन,
 यम नियमु तुलान दोर ।
 आसन तु प्रानायामस रमन,
 स्वमनु यिमव गोर ॥ 4 ॥

ईकाग्रता छि तिमन तिमन,
 यिमव कुनुय छोर ।
 समाद्ध प्रावान च्यथ् येलि चमन,
 स्वमनु यिमव गोर ॥ 5 ॥

रोट युस नु संसार व्यवहार तमन,
 अँकिसुय अछरस लोर ।
 ब्रह्मकायि ओम चारि बाक्य छु विमन,
 स्वमनु यिमव गोर ॥ 6 ॥

दुय त्रावि फिरनावि हेरि ब्वनु रुमन,
 सूहमसुय कर गोर।
 पांचन मेशिरिथ त्वथ नेरि बमन,
 स्वमनु यिमव गोर॥ 7॥

प्रकाश ब्योन-ब्योन आकाश गमन,
 प्रलयव प्यठु दोर दोर।
 आकाश छु क्याहताम ह्यस गैयि हुमन,
 स्वमनु यिमव गोर॥ 8॥

यि छि बौज्यूगरु सुन्ज बौज्या रमन,
 'कोफूट' सु क्यम चोर।
 पानय छु मन तय पानय भ्रमन,
 स्वमनु यिमव गोर॥ 9॥



डर छुम बरु मा गछु बरजस्तौय,
 कस रोजि ह्यसतौय छांडुन यार।
 यि छु 'कोफूटस' गम पानसतय,
 असतौय अनतन मनुविथ यार॥

भजन 39

“लोलु नादय दर्शुन हाव”

पाद रटुहोय साधुनायि साधय,

लोलु नादय दर्शुन हाव ।

आदनुकि यारु अज छुय चै वादय,

लोलु नादय दर्शुन हाव ॥ 0 ॥

दूरि दूरे चूरे छयफ दिथ,

बालु यारन लोयनम कान ।

पान व्यसर्योम अदुहोय प्योम यादय,

लोलु नादय दर्शुन हाव ॥ 1 ॥

श्रेह व्वपद्योम सौतुनि वावय,

सीरि हकनुय लोयनम नाद ।

दकजदसुय दिल हय गोम शादय,

लोलु नादय दर्शुन हाव ॥ 2 ॥

नामु ल्यूखमस बैथि खतु खालस,

लापतुहस नाव क्याह छुय ।

क्रख लौयमस प्योस उफतादय,

लोलु नादय दर्शुन हाव ॥ 3 ॥

नाद होवनम पीरि पीरानन,
 कसरेंच मंज वहदत द्राय ।
 कैह नु मंजय क्याह ताम छे आदय,
 लोल नादय दर्शुन हाव ॥ 4 ॥

‘कोफूरस’ खत लोग चैश्मन,
 तति दोसतानु दुश्मन छा ।
 कुल आलमन छुम अकुय अगादय,
 लोल नादय दर्शुन हाव ॥ 5 ॥



जुव जान वन्दुहस पम्पोश पादन,
 कर वाति ‘कोफूरस’ थावि लादन ।
 हाविहेस साधनायि सार यीना,
 अन्तु रँस्युतिस सोनुय आर यीना ॥



रटि आशतोशस सुत्य ह्यथ उमाये,
 अदु प्रावि निर्गुन अमृत सरुर ।
 ब्रह्मसर थानस ‘कोफूर’ रेह खारि,
 भक्ति भावनायि स्वरि श्री राम ॥

भजन 40

“पानय मे ननि अनुग्रेह”

शौन्ती शमय कल्यान बनि, पानय मे ननि अनुग्रेह ।
भगवत भजन हनि हनि मे सनि, पानय मे ननि अनुग्रेह ॥

बनि आत्म बल येलि करि कृपा गुरुदीव मे परिपूरन,
वरि पादि कमलन तल तु स्वरनावयम सु नारायण ।
मिलनावि सूहम दाव ज़य पिलनावि ज्ञानुच रेह,
भगवत भजन हनि हनि मे सनि, पानय मे ननि अनुग्रेह ॥

करु वारुवारय दारि बर बंद दम रैटिथ द्यू ताव,
अँन्द्री अन्दर पानस अन्दर अछ आह सरद मँशराव ।
अद प्राह चली रठ दरु समानस गलि नैन्दरि हुन्द गृह,
भगवत भजन हनि हनि मे सनि, पानय मे ननि अनुग्रेह ॥

प्राणस अपानस मन च़य लागुन द्यवु बनी थ्यरता,
खार ज़ीट्य ज़ीट्य शाह हैरि प्यटुय ब्वन वँहनु मंज़ द्रव क्याह ।
रठ सीनु मुच़रिथ बेकरौरी खूयन मशी तनि रेह,
भगवत भजन हनि हनि मे सनि, पानय मे ननि अनुग्रेह ॥

ओंमकुय दि दमु दमु खूयन, च अन्तःकरननुय भरपूर,
 अलमासुची कर पेनु नफसस हरमुखस वुछ नूर।
 न्यथ राज़ हम्सुन बोल बोंशा बोज़ बोज़ुनि बेह,
 भगवत भजन हनि हनि मे सनि, पानय मे ननि अनुग्रेह ॥

हुम प्राणवुय सुत्प्राण पनुनी प्राणनुय मंज़ पूर,
 छुय प्राणवुय सुत्प्राण मन बन्यामुत तैथ्य अन्दर वुछ नूर।
 न्यथ यि स्वरुन ती गव यज्ञ ज़ानुन अँन्दरु कनि बेह,
 भगवत भजन हनि हनि मे सनि, पानय मे ननि अनुग्रेह ॥

यमि सुत्प्राण बनेयि यिम प्राण म्योनी सुति छु म्योनुय प्राण,
 ती ज़ानुनुय गव यज्ञ करनुय न्यथ स्वरुन ब्रह्म ज्ञान।
 छुम शब्द ब्रह्म ह्योर पार ब्रह्म सुय ईशवरी अनुग्रेह,
 भगवत भजन हनि हनि मे सनि, पानय मे ननि अनुग्रेह ॥

व्यछनावि मन म्योन प्राणनुय प्राण आत्मा गारान,
 आत्मा छु आतश शोक अनफासक अकूल रावान।
 प्रारान छु कर्मन ज़ालनस 'कोफ़ूर' ज़ानुचि रेह ॥
 भगवत भजन हनि हनि मे सनि, पानय मे ननि अनुग्रेह ॥



भजन 41

“ललनोवुम ओंकार”

सूहम शब्दय मन वुजुनोवुम,
 ललनोवुम ओंकार ।
 शौन्ती शम दम पान शौमरोवुम,
 हरुम्बख छोरुम यार ॥ 0 ॥

अ ऊ म ईक अक्षर शूबुन,
 लूबुन छु ब्रह्माण्डन,
 आदि अन्तु रोसतुय आकौश द्राव नोन,
 सु प्रकाश छुम सु भवनन ॥
 न्यर्गवण सर्वव्यापक मंज जगतन,
 जीवन जीवादार ॥ 1 ॥

छुम अगूर ओंमुय प्रणव मन्थुर,
 यन्त्र तन्त्र ओंम,
 गूविन्द गंगा गीता गायत्री,
 सारयुक सार हरि ओंम ।
 नाम रूप रूस्यतिस नादब्यंद कैम्यजोर,
 शब्द ब्रह्म अपरम पार ॥ 2 ॥

ओम छुम आतश शोक अनफासक,
 ललवुन जलवुन म्वय,
 शब्द नय नोन वोन वीदु रचायो ।
 च्वन वीदन हुन्द पय ।
 सार यिक्वट्ट आम ब्रह्म कुय निर्णय,
 ओमकारुक आकार ॥ 3 ॥

ओमय अमृत न्यरमल सुमर्थ,
 अन्तर आत्मच ज्ञान,
 ला मकान हरि ओम तत सत छु कौयम,
 बालजात पान शूबान ।
 दौयिम छु दानु दानु सुमरन्त् पान गरि,
 कति मरि प्वख्तय कार ॥ 4 ॥

यूगी राजन ओम वखनोवनम,
 रुमु रुमु पारुद चाम,
 प्वक्क रोस शंखुक शब्दा द्युतनम,
 सारंगि रोस सोज आम ।
 कलपवृक्ष बीजस मंज वारु होवनम,
 ओमुय मूलाधार ॥ 5 ॥

कमितामत यछायि ओंमुक शब्दा,
 ईक् रस आकौश्य् द्राव,
 न्यर्गुण ओसिथ गुनातीत सौपुन,
 ब्रह्मान्डन प्रजल्ल्याव ।
 त्रिपरा अपरा परायि प्रदिक्षन,
 हनि हनि मंज ओंकार ॥ 6 ॥

यूगियस पांछ दूश काम, क्रूद, लूब, भय,
 सौपनस तिनो सुय पूश,
 अनमय कूंशकरि श्वद्ध अब्यास दरि,
 मन मैये बनि निर्दूश ।
 आत्मा छु चेतन आनन्द कूश फवलि,
 कांतीमान ओंकार ॥ 7 ॥

ज्ञान इन्द्री दारि बर वारु त्रवपरावि,
 मन थावि हृदयस थान,
 यूगी यूगस द्वन हुन्द म्युल करि,
 मस्तकसुय रटि प्रान ।
 सूक्ष्म नाडी हरि ओंम उश्चारि,
 ब्रह्म बनि साक्षात कार ॥ 8 ॥

न्यरमल आकाश ओंमुक आशचर्य,
 माया छि ओबरुच छाय,
 परमार्थ व्यवहार वरशायि थरु-थरु,
 शब्दस वुजमल द्राय ।
 विज्ञान वुजमलि त्रेटि रटि नालुमति,
 पर आश्चरु ओंकार ॥ 9 ॥

ओं शिव शक्ती रम्बुवुन ब्रह्माण्डन,
 शुन्य् मंज शब्दुक नाद,
 तीजुमय बीजु छुम समव्यथ चेंक्रस,
 च्यथ रवु कुय अँहलाद ।
 च्वनवय पाद 'कोफूर' हृदयस खटि,
 अद छटि लोलुक नार ॥ 10 ॥

सूहम शब्दय मन वुजुनोवुम ।
 ललुनोवुम ओंकार ॥



भजन 42

“अलाह हू”

श्रमतो पानो दम हू दहानस,
 हाःतय हू नेरि अलाह हू।
 वल्लाह बिल्लाह छु नाव नूरि नूरानस,
 परिपूर्ण छुम सूहम सू॥ 0॥

ग्वड्ड छुय स्वख तु द्रख प्यत्रुन चै पानस,
 लूक हुन्द पनुनुय ब्योन मो ज्ञान।
 काँसि मा फाकू लगि श्राख वसि पानस,
 हाःतय हू नेरि अलाह हू॥ 1॥

अदु नेर मक्तबु अछ कुतुब खानस,
 तति कौतिब हावी जेर ज़बर तु पेश।
 तशदीदि वर नेरि दरु रठ दहानस,
 हाःतय हू नेरि अलाह हू॥ 2॥

अरसरवुय सुत्य् सरु कर पानस,
 ज्ञान बनि तस ला मकानस सुत्य्।
 रहबर कौमिल खारी दानस,
 हाःतय हू नेरि अलाह हू॥ 3॥

शू-शू सेन्दि वोन्स् खारु हा दानस,
 हम खोरि नम रठ चठ बुथि वाव ।
 ल्वति बारि पोत वावु वातख थानस,
 हाःतय हू नेरि अलाह हू ॥ 4 ॥

नावि प्यटु वसतो खस खारुवानस,
 कुर कटि कडियो शेशतुर ब्योन ।
 फलि-फलि तसबी गलि शेर पानस,
 हाःतय हू नेरि अलाह हू ॥ 5 ॥

जिक्रि हुंद नोट थाव लोब वाजुवानस,
 नटि किस हेंट्रयसुय र्वनि पौराव ।
 तैमि श्र्वनि श्र्वनि वजि जीरबम बानस,
 हाःतय हू नेरि अलाह हू ॥ 6 ॥

वैन्य दित्य मै शुमशान कबरिसतानस,
 ब्योन ब्योन प्रुछुम्बख नोन क्या द्राव ।
 तोरु वेंछ क्रख यी अछ मंज पानस,
 हाःतय हू नेरि अलाह हू ॥ 7 ॥

दीन तय धर्म छु नु ब्योन यथ वानस,
 कर्मन एमालन हिसाब द्युन।
 कृत्पू गैयि सोखतु कॅह मील्य जानानस,
 हाःतय हू नेरि अलाह हू॥ 8॥

‘कोफूर’ लय कर ग्रन्थस कुरानस,
 गीतायि ति होवनम अनलहक नाव।
 अल्लाह हु अकबर पर हर आनस,
 हाःतय हू नेरि अलाह हू॥ 9॥



ओरु योरु **‘कोफूर’** मो गछ बरुतय,
 पनुनुय ज्यथ दिन पानस ठान।
 लामकान डेशिहन नेरी शरतय,
 परबा परुखय पर ओम सू॥



‘कोफूर’ क्याहताम वक्ता,
 सर्गुन निर्गुन कर्ता॥
 पर उपकार करबा,
 भवसर तौरी तरबा॥

भजन 43

“हाव दर्शुन नाद ब्यंदु नादु लोलो”

हाव दर्शुन नाद ब्यंदु नादु लोलो ।
परम आनन्द श्वदु समवादु लोलो ॥

नय जलुमय पवनय अँगनय आख,
नय जड या चेतन गगनय आख ।
नय छु बैयि कांह चैय ह्युव आदु लोलो,
परम आनन्द श्वदु समवादु लोलो ॥ 0 ॥

ब्रह्मान्डन ज्योती लिंग आकार,
तमि प्यठु छय जटनुय गंगा धार ।
सुति चोनुय छुम अख पाद लोलो,
परम आनन्द श्वदु समवादु लोलो ॥ 1 ॥

यिम ऑठवय प्रक्रेच चोनुय ग्वण,
पूर्ण छुख यिमनय अमि निश ब्योन ।
नय छुख कुनि कम नय ज्यादु लोलो,
परम आनन्द श्वदु समवादु लोलो ॥ 2 ॥

विश्व व्यापी सूक्ष्म रूप किन्तु आख,
 वनतम कस राजिरेनि माजि चुय ज़ाख ।
 ब्रह्म सुमरनि हृन्दि समादु लोलो,
 परम आनन्द श्वदु समवादु लोलो ॥ 3 ॥

सैहजु व्यचार बार-बार गोछ मे आसुन,
 सतसंगकुय दरबार गोछ मे आसुन ।
 तत्व चेनुनाव मनुकि अहलादु लोलो,
 परम आनन्द श्वदु समवादु लोलो ॥ 4 ॥

नाम पोंगाम पनुनुय गोछ मे आसुन,
 मदलोचन हृदयस मंज बासुन ।
 त्याग मेस्ती हाव्यम ज़्यादु लोलो,
 परम आनन्द श्वदु समवादु लोलो ॥ 5 ॥

वुछनुक छुम अबिलाश वुछनावतम,
 आशचरुक आश्चरु गाश हावतम ।
 'कोफूटस' बोज फेर्याद लोलो,
 परम आनन्द श्वदु समवादु लोलो ॥ 6 ॥



भजन 44

“सू हम सू”

करबा करुखय पनुनुय गरु तय,
 पर बा परुखय पर ओम सू।
 पर पान सरुकर कांह नो परु तय,
 पर बा परुखय पर ओम सू॥ 0॥

हा अपजयार्यो सोरुय छु अपजुय,
 पनुनेय गरि छय पजरुच ज्ञान।
 नतु मान मूदुख बरु प्यठ खर तय,
 परबा परुखय पर ओम सू॥ 1॥

ओन तय ज़ोर बन लॉगिथ कोलुय,
 होलुय यथ संसारस रोज़।
 फकीरि फँकीरो जिन्दय मरतय,
 परबा परुखय पर ओम सू॥ 2॥

सोज़स सनतो मोज़ूर बैनिथुय,
 अँन्दरी सोज़ यन्द्राजुन बोज़।
 तोन्दरस तोरुची रेह कर सरुतय,
 परबा परुखय पर ओम सू॥ 3॥

हा मूड क्याज़ि छुख नाहक केशान,
 बुय छुस ब्रह्मन ब्रह्मस लीन।
 अति गैय कम कम ब्रह्म रेश बरुतय,
 परबा परुखय पर ओम सू॥ 4॥

छुखहय ब्रह्मन खस व्वमन हुरिसय,
 पनुनुय दिह हुम पानस मंज।
 ललनाव नाद कर स्वाहा सरतय,
 परबा परुखय पर ओम सू॥ 5॥

ओरु योरु 'कोफूर' मो गछ बरुतय,
 पनुनुय च्यथ दिन पानस ठान।
 लामकान डेशिहन नेरी शरतय,
 परबा परुखय पर ओम सू॥ 6॥



व्यछनावि मन म्योन प्राणुनुय प्राण आत्मा गारान,
 आत्मा छु आतश शोक अनफासक अकृल रावान।
 प्रारान छु कर्मन जालनस 'कोफूर' ज्ञानुचि रेह,
 भगवत भजन हनि हनि मै सनि, पानय मै ननि अनुग्रेह

भजन 45

“गटि मंज गाश”

नार लोग हमस सू हय नट्योम,
 यार हय ब्यूंटुम जूनु डबि गाश।
 यिवान ड्यूंटुम गछान ड्यूंटुम,
 नचान ड्यूंटुम गटि मंज गाश॥ 0॥

यनु योत सूजनस तु वुछान ड्यूंटुम,
 तमि ब्रोंठ कति ओस छुम नु कँह बास।
 होंसिल खासस बास्योम गासय,
 पासस बास्योम सूर नतु सास।
 यस बासि तस क्याह म्वचान ड्यूंटुम,
 नचान ड्यूंटुम गटि मंज गाश॥ 1॥

तुलकतरिक्खू पोंट्य मुहने वावय,
 अँनिसय तमुहन वोलनम पान।
 मंदिन्यन शाम गोम खाम कोंदे,
 बानु द्राम म्योँद तय कालस नु हान।
 काह मन थार्योस थारान ड्यूंटुम,
 नचान ड्यूंटुम गटि मंज गाश॥ 2॥

हा पानु जॉविजार जॉविलि पनय,
 खारतन लोलुसान ललुनॉविथ ।
 तोम्ब दिन त्रयन अथि तैल्य् टारि वुछुस,
 फुठ मा रोज्यस व्यछनॉविथ ।
 राजु दारु येंद्रस रमान ड्यूंटुम,
 नचान ड्यूंटुम गटि मंज गाश ॥ 3 ॥

गम खारन मंज गम छुस छांडान,
 गम छुम गुमान गछ्यम मा ।
 जेरि-जेरि ज़रिबम त्वति त्वति वोयुम,
 नोट गोम शब्दस अवेजान ।
 यस नु गछि तस मा यि मन ब्यूंटुम,
 नचान ड्यूंटुम गटि मंज गाश ॥ 4 ॥

कोरु बानुक्य पॉठ्य करार रोवुम,
 कर खसु वानस दज्यम तील ।
 ओरय दिवान आलव पानस,
 सोदरस निश छा रोजान झील ।
 ग्रख लेंज तोवनस तु वुहान ड्यूंटुम,
 नचान ड्यूंटुम गटि मंज गाश ॥ 5 ॥

गॉसिल बेंसती हॉसिल छु छान्डुन,
 सुय छान्डि यस आसि वॉसिलदार ।
 यथ बान्डु जेशनस थफ नो त्रावस,

हाव्यस तु चाव्यस थाव्यस नु लार ।
 नतु कोचि फिर्यन गछान ड्युंतुम,
 नचान ड्युंतुम गटि मंज गाश ॥ 6 ॥

आकॉल्य् आयोस आकाश थानय,
 आकाश छारान लूसुम दोह ।
 प्रकाश ब्योन ब्योन बानन ठानय,
 नारान पानय पानस ह्यूह ।
 हा सुत्य् त्रास ख्योम असान ड्युंतुम,
 नचान ड्युंतुम गटि मंज गाश ॥ 7 ॥

कथ छुख गँजरावान अथुवैत्रय,
 ज्यव तालस दिथ दिवान दम ।
 रुमु-रुमु रुमिथ अनुन दहानस,
 मेशराव पानस तु नेरी खम ।
 लुयि यस लोसन बसान ड्युंतुम,
 नचान ड्युंतुम गटि मंज गाश ॥ 8 ॥

‘कोफूर’ च्वपॉर्रिय योद दुय गालख,
 त्रैयपोर गछी अपरि ज्ञान ।
 अपारि यपारि च्वपॉर्रिय डेशख,
 बेशक वुछहन सुय नूरान ।
 प्रथ शायि पानय बसान ड्युंतुम,
 नचान ड्युंतुम गटि मंज गाश ॥ 9 ॥



भजन 46**“जीवो ओंमकार द्राव”**

अख नॅर तुल तो ब्याख नॅर त्राव ।
 पानय जीवो ओंमकार द्राव ॥

पानय अछ पनुनिस दारस,
 हेरि ब्वन फेरुस वारु वुछतस ।
 पानुसय छी ना लछि बैद्य नाव,
 पानय जीवो ओंमकार द्राव ॥ ० ॥

बन अर्जुन चय नर शहसवार,
 रास दीवो सतग्वरु नाराण दार ।
 च्यथ फुरनायि चलि वावुजि वाव,
 पानय जीवो ओंमकार द्राव ॥ १ ॥

आनन्द गण छुख ना पानय,
 आत्म दीव छुय रथु बानय ।
 मारुन सुय युस मरने आव,
 पानय जीवो ओंमकार द्राव ॥ २ ॥

सुय कस मरि यस यमु सुंद भय,
 दिह मृत्यख जीव मृत्यन्जय ।
 क्षय कर वासनायन जय प्राव,
 पानय जीवो ओमकार द्राव ॥ 3 ॥

हरगाह करहख पनुनी ज्ञान,
 न्यरुखग बैनिथुय रटहन प्राण ।
 यूग बनि तस युस छान्डुनि द्राव,
 पानय जीवो ओमकार द्राव ॥ 4 ॥

यूगियस तु ओमकारस छुनु ब्यन,
 त्रेन कारणन हुन्द कुन बासन ।
 च्वन कालन तस पोर्यस नु वाव,
 पानय जीवो ओमकार द्राव ॥ 5 ॥

सत चित आनन्द अमर्यथ च्योव,
 शक्ती छि म्वखती सु भक्ती ह्युव ।
 भक्ती छि भावनायि निर्वान प्राव,
 पानय जीवो ओमकार द्राव ॥ 6 ॥

रिदुम द्युत राजदान सौबन,
 बौक्य कविता 'कोफूरन' ।
 पोशिमेंत्य् वोन नस होश ललुनाव,
 पानय जीवो ओमकार द्राव ॥ 7 ॥



भजन 47

“हर ज़रे में हर बसा है”

रास्ती अपना ले राही हक परस्ती राज़ है ।
हर ज़रे में हर बसा है हर में हर का साज़ है ॥

तरस खा अपने पे, ऐ नादान बन्दे छोडदे ।
मकरो फरेबी कतलोगारत, जीव हिंसा छोडदे ।
हिंसो हवस को छोड दे, मिथ्या अयाशी छोड दे ।
ज़ाईके में बेकसों का खून पीना छोडदे ।
बाज़ आ बाज़ी न कर वरना तू भी बाज़ है ॥
हर ज़रे में हर बसा है हर में हर का साज़ है ॥ 0 ॥

जान सबकी एक है क्यों सताओं और को ।
गोर से तुम अपनी सूरत तिल में इसके देखलो ।
वह भी तेरी आंख में पाता है अपने आपको ।
गर नहीं सम्भले तो समझो क्या करो तकदीर को ।
तदबीर से तकदीर को संवार तो ममताज़ है ।
हर ज़रे में हर बसा है, हर में हर का साज़ है ॥ 1 ॥

छेडमत मोती है माला में पिरोया और का।
 जिस की माला है वह खुद ही मालिक कानो मकान।
 उनकी नज़रें अपनी माला पर तो हैं हर दो जहान।
 जागते सोते हैं उसकी गोद में अरज़ो आसमान।
 क्यों खयानत कर रहे हो यह अमानत शाज़ है।
 हर ज़रे में हर बसा है हर में हर का साज़ है ॥ 2 ॥

दानिशवरों की अकल गिरकर चूर होती है यहाँ।
 किस बुते-पंज-अनसरी में कौन पिनहा है कहाँ।
 खाक के पुतले में खाकी नूर में नारी मिला।
 अलिम आलिम और अमल हुक होके जाते हक वहाँ।
 मालूम क्या खुद में रज़ो राज़ी वह कुल का राज़ है।
 हर ज़रे में हर बसा है हर में हर का साज़ है ॥ 3 ॥

खाक क्या वह आब व आतिश आसमान ज़हूर है।
 बहर बर का बेकरां साहिल वही कोहि तूर है।
 है सितारों में वह सूरज रोशनी में नूर है।
 वह अन्धेरे में है आन्धी ज़रों में 'काफ़ूर' है।
 आबिदों को अमल से रूहानियत परवाज़ है।
 हर ज़रे में हर बसा है हर में हर का साज़ है ॥ 4 ॥



भजन 48**“अपनी तलाश”**

मैं खुद भी अपनी तलाश में हूँ,
 मुझे तो मेरा पता नहीं है।
 न पंच भौतिक न थूल कारण,
 न सूक्ष्म साधन कथा यही है ॥ 0 ॥

बहुत दिनों से मैं सुन रहा था,
 सज़ा वह देते हैं हर खता पर।
 मुझे तो इसकी सज़ा मिली है,
 कि मुझको मेरा पता नहीं है ॥ 1 ॥

कहूँ जो सपना तुझे मैं अपना,
 कि रोज़ इक वह मुझे मिला था।
 चखाके शामे गमी के कतरे,
 गया कहां यह पता नहीं है ॥ 2 ॥

मैं मस्सरतों की तलाश में था,
 मगर न माना मुझे गमी ने।
 कहा कि जिसको मिली न ठोकर,
 उसे अकल का पता नहीं है ॥ 3 ॥

जो खाई ठोकर तो देखा मैं ने,
 कलन्दरों का वह आशयाँ है।
 उठा तलातुम रसाकशी में,
 खता है क्या क्या पता नहीं है ॥ 4 ॥

मैं रंगो बू में और गुलशनों में,
 शेरों की छाती भुजंग मुंह में।
 दानी तिजोरी बिखारियों में,
 यहाँ भी मेरा पता नहीं है ॥ 5 ॥

कभी मैं सागर कभी मैं जल चर,
 कभी मैं कोहे हिमालया पर।
 कभी मैं गंगोतरी की धारा,
 यहां भी मेरा पता नहीं है ॥ 6 ॥

मैं राज हंसों और तायरों में,
 अकाब बनकर आकाश घूमा।
 चन्दा सितारे सूर्य से पूछा,
 इन्हें भी अपना पता नहीं है ॥ 7 ॥

अर्श-व-फर्श में, मैं घूम आया,
 सभी से पूछा मेरा पता क्या।
 ज़बान पे उनकी यही था चर्चा,
 हमें भी अपना पता नहीं है ॥ 8 ॥

गर मुझको मेरा पता मिले तो,
 वही तो तेरा पता यकीनन।
 'काफूर' होगा दुई का नगमा,
 बस अब तो मेरा पता यही है ॥ 9 ॥



खाक क्या वह आब व आतिश आसमान ज़हूर है।
 बहर बर का बेकरां साहिल वही कोहि तूर है।
 है सितारों में वह सूरज रोशनी में नूर है।
 वह अन्धेरे में है आन्धी ज़रों में 'काफूर' है।
 आबिदों को अमल से रूहानियत परवाज़ है।
 हर ज़रे में हर बसा है हर में हर का साज़ है ॥

भजन 49

“मैत्य वर्ण”

मैत्य वर्ण मसतानु मुचराव लोल बागस तौरिये ।
या बेहुम क्वछि क्यथ बु ललुवथ गछि मचर मैति जौरिये ।

या मे हाव पोत छाय पंनुनी तैथ्यु वुछिथ गछ तूरुय कुन,
कांह अखा पोरुयम नु दुशमन कल मे गनिह्यम ऊरुय कुन ।
नतु मे कुन कर अख नजर स्योद स्वय मे छम बेंड यौरिये ॥

क्या मे नेरुयम दारि ओश हौरिथ लैगिथ दुरु दारि प्यठ,
क्या मे नेरुयम पान मौरिथ पानु छस ग्रटु खारि प्यठ ।
क्या मे नेरुयम आन हौरिथ चानि येमि बाजौरिये ॥

या मे वनतम कति बु प्रारय कति सनख म्यान्यून गमन,
या मे वनतम कोत बु वातय तथ मकामस येति नु मन ।
नतु वनतु कति बनि तन तु मन यकसांन कति यियि वौरिये ॥

योदवय बेहख कुन जौन पुछि कुस कति विसिथ यिम गतुरेनिये,
श्रेह खसिय चेशमन कमन सीनस हिसाब ह्यख कतरनुय ।
यूत अनफासक मगर कति कूत छुख व्यसतौरिये ॥

छुस दपान दिमु चाक सीनस हावुहय लोलुक्य जखुम,
खोफ यी ‘कोफूरसुय’ बस जाय अँथ्यु मंज चोँन्यु छम ।
क्याह खबर लागि ग्राय आरामस तु पय गछि वौरिये ।

भजन 50**“लालु अनहन सालु”**

लालु अनहन सालु मनुविथ यिय स्यटा अरमान छुम।
प्यालु पयहम लोलु ललुविथ चावुहन मसतानु छुम॥

कूठ वसलुक मस छु छण्डुन कथि हना छे नु कैम्पु यि ज़ोन,
येम्पु यि ज़ोन तस ट्योठ मोदुर क्या चौक तु चाछर छेत क्रुहुन।
तोत् तुरुन तय त्रेश ब्वछि तस ज़्योन मरुन यकसान छुम॥

कैह छि तोरय सुत्य ह्यथ आमुत्य फनौयी मंज गैमुत्य,
प्यालु वसलुक च्यथ चवान बेयि नयायु पनुनी ओज़रिथ।
यूत ओसिथ यारिखय कैह रिन्द कीनावार छुम॥

‘कोफूर’ अँन्दरिम लोलु रेह प्रज़लाव पानस प्रज़नाव,
आख तन्हा बेखबर पौट्य बाखबर पकनाव नाव।
नेर तनहा तारि पानय तन्हा रटुन अख राम छुम॥



भजन 51

“नाद लायोम नादु ब्यंदस”

नाद लायेय नादु ब्यंदु यिखना वने ।
चानि दूरयुउ नार गोंडनम हनि हने ॥

नारु पवनुकि प्राणनुय पुष्ठी छि तीज्,
बीज् अक्षर ओंम हंस दारस मूल बीज् ।
व्रेंच च्वपौरी गथ करान द्रायि वनु वने,
नाद लायेय नादु ब्यंदु यिखना वने ॥ 0 ॥

सहस्र डलु के नील कंवलु म्वख मे हाव,
पायि बडि म्योन आय लेंगिनय स्वख स्वबाव ।
छुख रंगा रंग पानु बेरंग मंज मने,
नाद लायेय नादु ब्यंदु यिखना वने ॥ 1 ॥

वाम गारस चाय जमुना पथ वनस,
गंग देंछिन्यू वेंछ शोलु मारान हरुम्वखस, ।
सरस्वती संगम त्रुवीनी अर्चने,
नाद लायेय नादु ब्यंदु यिखना वने ॥ 2 ॥

आव शब्दुक नाद शुन्य् मंजु ईक् रस,
 राज़ पानय राज़ यूग व्यस्तारुनस ।
 द्राय करोरु बैद्य सिरियि ग्वण चॉन्य् गँज़रुने,
 नाद लायेय नादु ब्यंदु यिखना वने ॥ 3 ॥

बैयि-बैयि फिरुविथ सु आहम हंसदार,
 प्राण अपानस गरु छु येति तति शहमार ।
 छुम गिन्दान ग्वर शब्द शहमार अंदुकने,
 नाद लायेय नादु ब्यंदु यिखना वने ॥ 4 ॥

दिह तु यँद्रेय त्योंगिथुय अनंतःकरण,
 सु अहम् सू-सू अहम् निधिध्यासननु ।
 सुय परातपर सुय अखण्ड ज़फ यस सने,
 नाद लायेय नादु ब्यंदु यिखना वने ॥ 5 ॥

अँमि निरंजन मालि ख्यव आवागवन,
 ज़फ़ तु अज़पा ज़फ़ ति प्यव अनाहद शिठन ।
 ईको अहम् लोग शब्दसुय मंजु प्रज़लुने,
 नाद लायेय नादु ब्यंदु यिखना वने ॥ 6 ॥

नय असथ सथ नय छि सुमरन दारुनी,
 सुय निराकार निर्विकार निर्मल कुनुय ।
 आव शब्दा ओम छुम शब्दस वने,
 नाद लायेय नादु ब्यंदु यिखना वने ॥ 7 ॥

नय अँगुन जल नय पवन पृथ्वी तते,
 नय छि तारख माल चेंन्द्रम आदित्य ।
 अख अलख ग्वरु म्वख निरंजन स्वर वने,
 नाद लायेय नादु ब्यंदु यिखना वने ॥ 8 ॥

तति इडा पिंगला, सुशमना ईक रस,
 तति संगम शनुवुन्य् कुनुय च्यथ ब्वद मनस ।
 आय् दीव असथान द्वार दशामुक प्रावने,
 नाद लायेय नादु ब्यंदु यिखना वने ॥ 9 ॥

सादुकस ईकान्त शान्ती स्वख बने,
 न्यथ व्यचारान तत्व परमारथस कने ।
 वांन आत्मचि दूनि दजुर्वेनि चयतने,
 नाद लायेय नादु ब्यंदु यिखना वने ॥ 10 ॥

शंख मुरली शब्दनुय शूरनंम ब्रह्मांड,
 घन्टा सारंगि हुन्द श्रवन आम लामकान ।
 जीरुबमुची जीर लेंजिमो हनि हने,
 नाद लायेय नादु ब्यंदु यिखना वने ॥ 11 ॥

येलि नु केंह ओस नाद कति आव कोत सु द्राव,
 नामु रूप रेंस्यतिस कवो नादु ब्यंद छु नाव ।
 दजि सु ग्वण निर्गुण बन्यस 'कोफूर' तने,
 नाद लायेय नादु ब्यंदु यिखना वने ॥ 12 ॥



भजन 52

“हरि ऊँ तत्सत”

आदि अनादि पथ वथ ओम,
हरि ओम तत्सत ऊँ ।
शिव शिव शुन्य आकारुक शब्द,
हरि ओम तत्सत ऊँ ॥ 0 ॥

ओमकारुक इन्दु तीजसोस नादु ब्यंद,
इन्दुवुय छु निर्ब्यंद ऊँ ।
विज्ञानु सागरस वथ कथ ऊँ,
हरि ओम तत्सत ऊँ ॥ 1 ॥

अ छुम विशवु व्यापक आसवुन,
ऊ सुत्य बासवुन तीजस ऊँ ।
म छुम बीजु रुप आदत्य गर्बतु,
हरि ओम तत्सत ऊँ ॥ 2 ॥

प्राण अपान व्यान समानय,
पानय उदानय ऊँ ।
जगतुक अपादान कारण तोम ततु,
हरि ओम तत्सत ऊँ ॥ 3 ॥

त्रनुवन्त् अवसुथायन मंज आसुवुन,
 न्यथ छुम बीज रूप बासुवुन ऊँ ।
 सपनय सुशफती जागरत हरि ऊँ,
 हरि ओम तत्सत ऊँ ॥ 4 ॥

व्वथपथ थेंचु तय प्रलयन हरि ऊँ,
 त्रनुवन्त् वृत्तियन ह्यथ छुम ऊँ ।
 स्वर्गय भूमी पातालच वथ त्रन वुन्त्,
 हरि ओम तत्सत ऊँ ॥ 5 ॥

त्रनुवन्त् दीवन नाम रूप हरि ऊँ,
 ब्रह्मा विष्णु महेश्वर ऊँ ।
 सत रज तमोगुण व्यछनिथ,
 हरि ओम तत्सत ऊँ ॥ 6 ॥

त्रनुवन्त् शरीरन दारन ऊँ,
 सूक्ष्म धूलय कारण ऊँ ।
 अनादि अविध्याये रुखसत ऊँ,
 हरि ओम तत्सत ऊँ ॥ 7 ॥

त्रनुवुन्यु शरीरन मंज अभिमानुय,
 विश्व तेजस परागुय ऊँ ।
 आदिदीव अध्यात्म आदि भूत हरि ऊँ,
 हरि ओंम तत्सत ऊँ ॥ 8 ॥

रूपवान अर्थ मान व्रंचायि रचना,
 अखण्ड व्याप्त कथना ऊँ ।
 ओमुय सत चित आनन्द अमृत,
 हरि ओंम तत्सत ऊँ ॥ 9 ॥

सूक्ष्म तु कारण बैयि महाकारण,
 'कोफूर' अति क्या छुख छारन ।
 धारन रोज़ हरि ओमुय छुय सत,
 हरि ओंम तत्सत ऊँ ॥ 10 ॥



ओन तय ज़ोर बन लॉगिथ कोलुय,
 होलुय यथ संसारस रोज़ ।
 फकीरि फँकीरो ज़िन्दय मरतय,
 परबा परुखय पर ओंम सू ॥

'कोफूर'

भजन 53

“सत छु चेतन”

च्यथ दियि चेतना मन रटि प्राण खटि,
 ब्वद करि निश्चय सत छु चेतन ।
 शाह खार गाह त्रावि गाश अनि मंज गटि,
 अदु छटि लालुक म्वखतौय ऊँ ॥ ० ॥

सन्तोशि लेफि मंज यूग नेंद्रायि रटि,
 प्रारब्द फल छुस शांदस तल ।
 मन चे ईकागरतयि मंज फटि,
 अदु छटि लालुक म्वखतौय ऊँ ॥ १ ॥

सहन शक्ती तु वैरागसय क्वम्बि रटि,
 श्रोचि श्रानि रोजि जंन लेम्बि पम्पोश ।
 युथ ह्यव क्षमाकार गंग जंन वसि जटि,
 अदु छटि लालुक म्वखतौय ऊँ ॥ २ ॥

येंन्दरी दमन प्रावि यंम नेम शम गटि,
 सीवाय् शीलतायि आसक्ति भाव ।
 माया विर्वत सम दृष्टि मान रटि,
 अदु छटि लालुक म्वखतौय ऊँ ॥ ३ ॥

ज्ञानवान पंडितस निश गछु लटि-लटि,
 ब्रह्म रूप यस आसि तत्वच ज्ञान ।
 तन मन सीवायि तैमिसुय पाद रटि,
 अदु छटि लालुक म्बखतौय ऊँ ॥ 4 ॥

परम आकाश युस पानस मंज खटि,
 पंडित विद्यादर शब्दु ब्रह्म ह्योर ।
 राग द्वेश त्योंगिथ पार दृष्टि बार गटि,
 अदु छटि लालुक म्बखतौय ऊँ ॥ 5 ॥

बन्दनुक कारण निर्बन्द क्यथु छटि,
 विद्या छि क्याह तय अविध्या छे क्याह ।
 म्बकलन पाया तस प्रछि लटि लटि,
 अदु छटि लालुक म्बखतौय ऊँ ॥ 6 ॥

ख्वश गछि माहात्मा सनुम्बख तस रटि,
 शास्त्रार्थ तु अनुभव करूयस व्वपदीश ।
 ब्रह्म ज्ञान हाव्यस चाव्यस नटि-नटि,
 अदु छटि लालुक म्बखतौय ऊँ ॥ 7 ॥

‘कोफूर’ निर्गुण निर्बन्द नाव रटि,
 भैक्ती भाव जालि कारण दिह ।
 सतचित आनन्द परमुदामस फटि ॥
 अदु छटि लालुक म्बखतौय ऊँ ॥ 8 ॥



“वाख”

जगत छु दूशव वैशयव बैरिथुय,
हनि-हनि सोरुय विशम मय ।
ब्रह्म छुम निर्दूश विशम सोरुय,
ब्रह्म ज्ञोनी छुम आनन्द मय ॥ 0 ॥

जगत दूशुक निर्दूश छु ब्रह्मय,
सु वैश प्रावख तु ब्रह्मस लय ।
समन्तायि प्यठ रुजिथ समुय,
विशम दर्शी जगत जीनिथ गय ॥ 1 ॥

यिमन यीमन समनताये,
त्रनु वुन्य् ग्वणन जीनिथ गय ।
अँकिसुय ओमस कँरुख लये,
प्रये प्रावुख सँहजु क्रय ॥ 2 ॥

व्यसरमुती गफलत प्रमाद छु,
तमोग्वणय रोजि, चंचल, वैक्षीप, इन्तिशार ।
चित शान्ती स्थिरता सतूग्वणय,
निश्चल प्रवाह अखण्ड धार ॥ 3 ॥

पॅर्य पॅर्य प्रानख कुन नो वातख,
 अन्तर म्वख छय अपॅरजान ।
 प्रकरथ जालुन निर्गुण नारुय,
 अप्रूख डेशिहन लामकान ॥ 4 ॥

अप्रूख क्याह गव वदिनो गटि कॅह,
 छवटि नो जेट्यस ला इन्तिहा ।
 ला अबदी हुन्द शब्दा गारुन,
 पानुसुय मंज छुय शहंशाह ॥ 5 ॥

माया नाशवान अनरवचनुय,
 अज्ञानमय तु नापायदार ।
 ब्रह्म छुम सथ विनाश निश शुन्यी,
 विवरत ज्ञानतन सौर संसार ॥ 6 ॥

अज्ञान मायायि आकर्शनुय,
 ज्ञानु रूप ब्रह्म छुम अमि निश ब्योन ।
 सतरज तमातीत पथ कुन त्रावुन,
 अदु ह्य यि ज्ञानन ब्रह्मय छु सार ॥ 7 ॥

सथ संकलपुय सत्यादिशठान,
 सतकुय सरूपा त्रिकाल सथ ।
 सत्य दिशठित सतकुय सथुय,
 'कोफूर' सथ ज्ञान ब्रह्म असथान ॥ 8 ॥



“मया मेरी सदा ही जय”

ऐ जगजननी मोरी मैया,

तू कार्ण सब कार्णा दी।

करदों अर्ज मै तोरे चरनां,

तां नां मैनूं दें दीयाँ।

ब्रज गोकुल दे गोप गवालाँ,

नाम मेरा बदनाम कीता।

कृष्ण कन्हैया माखन चोराँ,

तां नां मैनूं दें दीयाँ।

इक पगली गोपिका राधा गोरी,

अग्नि ज्योत जिसदे बाल बिखरे।

चढ़दा सूरज मुखडा उसदा,

तां नां मैनूं दें दीयाँ।

माया अपनी आप रचाके,

विच माया दे फसांदियां।

तनके योगियां ध्यान धरावै,

तां नां मैनूं दें दीयाँ।

ताना बाना आप ओ जगदा,

मालिक ताने बाने दी।

लेखां जुगाँदा आप लिखांदी,

तां नां मैनूं दें दीयाँ।

योगी जती सती सारे,

ज्ञानी विज्ञानी ध्यान धरन ।

भान करोड़ां चन्द्र तारे,

तां नां मैनुं दें दीयाँ ।

दुर्योधन ते कंस जरासन्द,

पूतना राक्षस प्रकरतियाँ ।

अपने कर्तब ते ओ मिटसन,

तां नां मैनुं दें दीयाँ ।

‘काफूर’ हृदय विच मैनुंफसाके,

पल-पल ऐ हो कहंदेयाँ ।

कृष्ण कन्हैया माखन चोरां,

तां नां मैनुं दें दीयाँ ।



राम नाम ‘काफूर’ जगावे,

सुर्गुण, निर्गुण ज्योत जगे ।

राम का सालेग्राम सजाकर,

अलख अगोचर राम है ॥

“श्रुकय”

अवुल, सवुल, सोंदुर, सोम्बरुम,
 गोरुम चोरुम, बोरुम शिकम।
 अँकिस लॉयिथ बेयिस मॉरिथ,
 त्रैयिस थफ दिथ न्यूम अलकम॥ 0॥

हॉसिल क्याह आम व्वदुर होतुम,
 पनुने बदब्बयि मे प्योम खम।
 अख छुस पनुनेय द्ववकय फ्रकान,
 बेयिस ति हा सुत्य लारयोम ब्रम॥ 1॥

द्वनवय तमलद वुछुम ह्वचान,
 असान ड्यूटुम सोर आलम।
 उचर तु स्यज़र ओसुम नु रोचान,
 पज़र बास्योम द्वह्य गम॥ 2॥

यि केंह रथ माज़ खार्योम पानस,
 तमी तुखमय मे ज़ाव शुर।
 जुर ति नेरि त्युथुय बु चास दानस,
 राह पनुनुय पानस ठोर॥ 3॥

व्वन्यू वैनय कुस दिय रुहँनियतस,
 सेंजदस मंज़ छुम यिवान खुर।
 पनुनी क्वडर गवाह मे पानस,
 रवा छा ती यि केंह मे कोर॥ 4॥

ओसुम रेशुत रेशन हुन्दुय,
 नुन्द ऋष तु ऋषपीर गवाह छुम।
 कस वनु अमि खेल्युक बु सह पूत,
 ‘कोफूट’ मो बन क्वकर मोर॥ 5॥



“वाख”

अँदरिस व्वदरस ओदरुय बोरुम,
 सोरुय होतुम व्वदुर ह्यथ।
 यँन्द्रेय रसायनन वोदुम,
 तवय प्रॉवुम गर्बन्य गथ॥ 0॥

होख्य् आय सासु बँद्य तिम गँय नीरिथ,
 अँकिस ति कौरुम नु नमस्कार।
 ग्रट् वोल च़ल्यम ग्रट् गछि बिहिथ,
 पानस प्यतुरुन्य पेयम खार॥ 1॥

अख व्वश सास्स अ हेय दरिह्यम,
 एकादशिच बनिहेम ज़ान।
 उमा पानय परिहेम सनम्बख,
 संच्यत बनिहेम आत्म ज़ान॥ 2॥

कनवान आयम द्रायम वनुविथ,
 अँमिसुन्द वनुवुन सन्योम नु ज़ाह ।
 रातस वेशयि पिशव चोटहस,
 दोह गोम लूसिथ लोबुम नु शाम ॥ 3 ॥

यि छु खूनि जिगर पनुनुय छान्डुन,
 पानस च्यफ दिथ अथ द्युन दाम ।
 'कोफूर' दयस दामन छु रटुन,
 पानस अन्दर गारुन राम ॥ 4 ॥



यूगी राजन ओँम वखनोवनम,
 रुमु रुमु पारुद च़ाम,
 फ्वक् रोस शंखुक शब्दा द्युतनम,
 सारंगि रोस सोज़ आम ।
 कलपवृक्ष बीज़स मंज़ वारु होवनम,
 ओँमुय मूलाधार ॥

'कोफूर'

“श्री महा गायत्री स्तुती”

1. जगत माता फक्त यी छम मै कांक्षा ।
गरय मनुकुय मंदर अँथ्य मंज बेहकना ॥
2. ग्वडन्यु यि भूमिका गँछ शापु रोस्तुय ।
शुथुर कांह गोछनु अथ मंज जांह ति अचुनुय ॥
3. अदय आचारुकी देवार खारस ।
व्यचारुक्य डीड्यवॉन्यु डेड्यन बु थावस ॥
4. नैवी नैव्यु नाव स्वर जनु शीश शायन ।
सतुक्य पम्पोश फवलुनम जायि जायन ॥
5. च्युतस आकाश ओबरुक जाल कास्यस ।
फवल्युम चेंन्द्रम पुनिम हुन्द सोन्तु वावस ॥
6. बन्युम तैलि ब्रान्त स्वय य्वस आँथु रोसतुय ।
सजौविथ मनु मंदर पूजायि अचु बुय ॥
7. चु तखतस प्यठ बेहख श्वद गछि मे वौनी ।
बनय पूजौर्य पूजा वखनु चौनी ॥
8. वनय यिय छख चु माता श्री गणेशस ।
लम्बूदर सुय छु गणपत टोठ जगतस ॥
9. दिवान आनन्द करान युस शान्त वेगनन ।
परम बुदिमान हावान थ्यर करुन मन ॥
10. परम ईश्वर सिंदूर वरनय मनोहर ।
परम ब्रह्म छुम परम धाम सुय परातपर ॥

11. सु छुम च्वनुवय पदारैच काम म्वक्ती ।
सु छुम आदार जगतुक धर्म अर्थय ॥
12. विशाल कनुवुय सु बोजान आत्मुक ज्ञान ।
महा माया अँमिस छख बोजनावान ॥
13. छि काया अँम्पु संजुय हेरि ब्वन ब्रह्मांडन ।
यछाये क्वछि चे ललनोवथन गजानन ॥
14. छु मंत्र अँमिसुन्दुय गायत्री जपस मंज ।
परान वीदन गुप्त ज्ञानुक करान संज ॥
15. वक्रतुंड दीमहे लम्बूदराये ।
तनो दंती प्रचूदयात स्वाहा ॥
16. छु पानय विष्णु, ब्रह्मा तय सदाशिव ।
छु गणपत लोक लूकांतर महादीव ॥
17. य्वहय शक्ती तु म्वक्ती सिरियि चन्द्रम ।
छु युक्ती सुत्य भेक्क्यन ध्यान अँद्रिम ॥
18. यि पूर्वकाल प्यठु पांचव प्रकारव ।
प्रकट गव चानि येछि ब्योन-ब्योन नजारव ॥
19. दशाये देह य्वहय अकवुह स्वर्ग छुम ।
महान पर्वत तु यूगी साध स्यूद छुम ॥
20. मनु वसु मनु पुत्र संमन्दर ।
तु यक्षश वृक्षश आय यिम केँछाह चराचर ॥
21. मनुष्य राक्षस पक्षीगन पवन सौरी ।
कजन कामदीनु पानस मंज च्वपौरी ॥

22. यि छुम राधा कृष्ण श्री राम पानय ।
यि छुम कौलास शिव शक्ती मनोजय ॥
23. यि छुम दुर्गा महागायत्री तु गवरी ।
यि छुम शारदायि हुंद स्यदुपीठ पदवी ॥
24. स्वरी युस बालु चंद्रस बावुनाये ।
दियस भक्ती तु कास्यस आपदाये ॥
25. छु बैखत्पून लोलु पनुने शोलुनावान ।
तुलान स्वर्गव तु नरकव ह्योर छु खालान ॥
26. निवान बैखत्पून करस प्यठ बेहनावान ।
सदा शिव येति बिहिथ तोत वातुनावान ॥
27. महागणपत गणेशे आदिदीवो ।
बु ह्यथ चरनार ब्यन्द न्यथ चोन्य् सीवो ॥
28. रटथ सनुम्वख वुछथ थलि-थलि वनय नाद ।
लग्यूम धार भावु अशवाने छलय पाद ॥
29. जरय कोसम चे अँद्य अँद्य पोशि वरुन ।
परय हरि ओम तत्सत ती छु प्रावुन ॥
30. परातपर छुख च्च पानय ही नारायण ।
अजन्मा सर्वभूत आत्मा परायण ॥
31. अधर्मस क्षय धर्म वानन रछान छुख ।
दूम्र केतू बैनिथ दूरे वुछान छुख ॥
32. विघननाशक शरीर चोँन द्वयि प्रकारुक ।
विलक्षण रूद्र मन्थुर भक्ती दायक् ॥

33. च्छ छख नाना प्रकार्क्य रूप धारान ।
चेंटिथ हिर्नियाकश्यप, प्रहलाद पालान ॥
34. यछा पुत्रो यछाये चानि ह्यनु आस ।
मे हावतम व्यद गछ्यम स्यद यूग अभ्यास ॥
35. च्छ योदवय अख जलक हावख स्यठाह छुम ।
पेयम जुच च्यथ रवस अदु ज्ञान व्यपद्यम ॥
36. स्व चेंर यूवसु म्वख फिरिथ पखि मंज शौंगिथ छम ।
दितस फुरना चतुरङ्गल म्वखतु खार्यम ॥
37. तुल्य्म फलि-फलि ति ख्याव्यम् हं मिटाविथ ।
तु सु-सु दावि बरि आहरेजु चौरिथ ॥
38. ओडुय सु हय गछ्यम संच्यत स्यठाह छुम ।
बु म्योनुय क्याह छु सोरुय चोन बास्य्म ॥
39. अकुय शाह छुख च्छ पानय श्वास वुशासन ।
दुबरि कोरथस बु हं कथ सुत्य लागन ॥
40. हुंदुर जलवुन अँकिस द्धन हुंद प्योमुत न्याय ।
कडुम ग्राय यथ जन्दस चन्दनुक हुर्य्म आय ॥
41. अहं सा वालु वाशे बन्द गोमुत ।
ह कारुक हकरि बनि जीव गंडनु आमुत ॥
42. सकारुक हसं हसां हसं प्रौविथ ।
तु दमुसय खम मे नेर्यम शम सम्बौलिथ ॥
43. छिहम व्यकुंठ तय निर्वान पानय ।
मे छुख डेकि नादु ब्यंद ओम कुय खजानय ॥

44. मे दिख धारना बेह्यम बोम्बुर ब्रह्मांडस ।
यियी ध्यानस रुद्र, शुन्य बनि पखांडस ॥
45. जन्म किथु चेनु य्वग बास्यस अकुय क्षण ।
तु च्यथ ब्वद ह्यथ बन्यम दर्पन पनुन मन ॥
46. बु छुस प्योमुत गोमुत बंध मुह जालस ।
केंडिथ निम द्यवु वुडिथ फट्ट रामु नावस ॥
47. कलिस बोल-बोश यियम रा-रा पर्यम ज्यव ।
तु माँ अम्बा मे प्यठ दामानु त्राव्यम ॥
48. असौवुनि म्वख मे पिलनाव्यम कलम स्यूद ।
तु नवि-नवि असतुती लेखस गछ्यूम श्वद ॥
49. यिमन आज्ञा ह्यथुय ग्वरु दीव दोरुम ।
तु सर्वय श्रेष्ठ सथ सम्पथ मे प्रोवम ॥
50. शरन पादन ग्वरन प्यमु छुम परात पर ।
गल्यम संताप चलय्म पाप शापु कुय डर ॥
51. ग्वरन हृद्य पाद मेलुन्यू छि संगि पारस ।
बनान कॅन्यू स्वन महेन तमिकिस सुपर्शस ॥
52. ग्वरु वाकय छि कॅन्यू हिश ब्वद बनान मोम ।
ग्वरु अनुग्रह येमिस तैम्यू क्याह नु प्रोवुम ॥
53. करान गिन्दुनाह छि ग्वरु तु भगवान द्वनुवय ।
छिम हावान अख अँकिस कुंन छुय य्वहय दय ॥
54. यिमय दकु लॅग्य लॅग्य साधक सपुन स्वन ।
अहं वैस्यू प्योस तु अनुबव सुत्य प्रोवुन ॥

55. दिमस गोड बावनाये बावु अशिकुय ।
पिता माता तु भ्राता साधना सुय ॥
56. सु छुम भूमी तु आकाशुक तत्त्व ज्ञान ।
सु वायु अँगनु अमर्यथ सिरियि शोलान ॥
57. सु छुम ना मूल मंत्र आत्मच ज्ञान ।
सु छुम सर्व आत्मुक निष्काम भगवान ॥
58. बेह्यम हृदयस संगम हाव्यम सु विश्व रूप ।
बहे अन्तर कर्यम निर्मल पवत्यम दुफ ॥
59. व्यनय कोरमस मे क्या छुम नाव कति आस ।
तिमव वोनहम च्छुख ब्रह्म करतु विश्वास ॥
60. विश्व व्योपी च्छु गारुन यूग अभ्यास ।
दितस यम नीम व्वन्य् शम दम तु जग्यास ॥
61. च्छुक आत्मा परमआत्मा व्यचारुन ।
करुन मन लय तु चन्द्रमु शेरी खारुन ॥
62. धनेश अनतन च्यतस ब्वद चेनुनावुन ।
गणेश आसन कैरिथ पानु बेहनावुन ॥
63. रटुस कर तैथ्य गन्दुन खालुन तु वालुन ।
यि मन युस यूत च्चन्द्र चल शोमुरावुन ॥
64. च्छु हावुस त्याग वैराग्य राजुबल वस ।
करुस अभ्यास प्राणायाम दिस ह्यस ॥
65. यि मन वासनाये वेलिथुय चैन्य बन्योमुत ।
दितस दम दम ओमुक पवख शोली ब्रह्म त्वथ ॥

66. करख युस-युस कर्म मॅशराव स्वार्थ ।
धर्म बडि तेलि करख यलु परमार्थ ॥
67. परान फेरान तु थोरान ब्रह्म च्यतस थाव ।
तु पुशराव पान व्यशनार्पन परस भाव ॥
68. छु प्रथ जीवस अन्दर पानय नारायण ।
चु त्राव दोगन्यार मो ज्ञान काँसि मंजु ब्यन ॥
69. चु त्राव रुश प्रथ अँकिस वुछ लोलु माये ।
चु त्रन भवनन अन्दर छुख जायि जाये ॥
70. छि जागरँच मंजु त्रिपटय आत्मच जाय ।
तु सौपनस मंजु रटी आत्मा मनस ग्राय ॥
71. सुशफती मूक्ष पद हृदयस छु आत्मा ।
कंवल आसन बैह्यस हृदयस सु आत्मा ॥
73. रटान तुरियाय नॉबिसथान सु आत्मा ।
चवान अमरूयथ नटयव नारूयव सु आत्मा ॥
74. अगर समजख तु समजावथ मे निश बेह ।
बु मुचरावय चै गण्ड मय खानु मय चै ॥
75. यि काया ज्ञानतन काठुक मकाना ।
तु मन छुस दुह अँगुन प्रजलान सु आत्मा ॥
76. अँगुन शोली येले दुह नेरि हंन-हंन ।
चली दुह दुई गली दुय स्वर चु क्षण-क्षण ॥
77. दियी च्यथ चेतना अदु सथ व्यचारख ।
तु प्रावख येलि मनन सपदी बिलाशक ॥

78. करी अदु ब्वद चे निश्च्य सथ छु चेतन ।
छु बेशक बेश कृमत ग्वरु वचनन ॥
79. यि छय कथ राजुची राजस अंदर थाव ।
तवय वुनिमय खँटिथ यि वारु ललुनाव ॥
80. ग्वरो दीवन दिचुम आज्ञा व्यचारुन ।
चु छुख आकारु रूप साकार गारुन ॥
81. महा गायत्री चोवुह फॅल्यु म्वख्तु माले ।
यिमन प्यठु ओंम अक्षर समीरु चाले ॥
82. महा गायत्री मनोहर नाव चोनुय ।
करान रक्षा ब्रह्मांडन रम्बवोनुय ॥
83. छु सर्व विग्य सर्व व्यापक सर्व शक्ती ।
अन्नत ब्रह्मांडनय भेक्ती तु म्वखती ॥
84. चु छख गायत्री तु श्री गीता गंगा जल ।
चु छख पण्चस्तवी हुंघ वाख निर्मल ॥
85. निरंजन चुय निराकार तय निराधार ।
चु छख सत्चित स्वरूप आनन्द साकार ॥
86. चु छखना आदिकारण पालन चु पानय ।
करान लय सर्व स्व पानय बहानय ॥
87. चु प्रॉनियन प्रानदाता जीव आधार ।
धर्म वानन व्यचारुक धर्मु व्यवहार ॥
88. बु वनुहय छख सथुय सथ दिम सतुच सथ ।
वनय सत्चित चु छख आनन्द अमरूयत ॥

89. महा मंत्र यि वीदव व्यछुन पतु वथ ।
महा गायत्री च्छ छख हरी ओम तत्सत ॥
90. महा मंत्र छु चोन ओम भू भुवः स्वः ।
छु तत्सवितुर वरेण्यं चोन्य पूजा ॥
91. अदय भर्गो देवस्य दीमहे परि कांह ।
दियो योनः प्रचोदयात् स्वरि कांह ॥
92. बन्यस यंत्र यि मंत्र व्याद कास्यस ।
फखत ओम अख अछुर अमर बनाव्यस ॥
93. च्छ छख आकार रोस्तुय पानु आकाश ।
चैनय कांह आदि अंतुय गाशि मंज गाश ॥
94. वुछुम तारा मण्डल कृत्य सूर्य चन्द्रमु ।
चै कुन नक्षत्र ग्रहद्य बेयि राशि सरखम ॥
95. यिमन ग्रहद्यन शरीरस मंज मे छम जाय ।
दितख शौन्ती तु व्यस्तार मेति हुर्यम आय ॥
96. च्छ पृथ्वी पानु सृष्टी शान्त सागर ।
च्छ छखना जल प्रवाह अँथ्य मंज परातपर ॥
97. जलस प्यठ ख्यलुवँथुर पम्पोश मनोहर ।
अमर ज्योती छु चोन अनुग्रह चराचर ॥
98. यिमन पोशन प्यठुय छुम चोन आसन ।
यूवहय आसन मे रठतम हृदय कमलन ॥
99. नितम मे ति अँथ्य अंदर, पूजायि लागुम ।
अदय मे ति ज्ञान बनि अज्ञान कासुम ॥

100. बु वुछहय चरनु कमलन मेलिहेम ज्ञान ।
अहम गलि मन तु ब्वद प्राण सपुनि यकसान ॥
101. छैन्यम आवागवन कर्मन गछ्यम सूर ।
तु कलपव प्यटु मे संकलपन करख दूर ॥
102. रेशन दीवन तु प्यत्रन हुन्द मे कांह र्यन ।
दिहख म्वक्ती मे सौरी कर्ज म्वकलन ॥
103. मे नय पानस खबर कॅह बे खबर छुस ।
दितम वैराग्यसुय ग्रख बे सबर छुस ॥
104. बु दिमु हय वॅन्य जिग्यासुक्क जामु पौरिथ ।
लबन चिंतामनुक दीप प्राण व्यछुनिथ ॥
105. सु छुम निर्गुन निर्राकार तय निर्राधार ।
सु छुम तेजस तुय लय कारुक सतुक सार ॥
106. सु पूर्ण छुम च्यतस ज़न सूर्य शोलान ।
सु छुम ना मे अथस आकाशकुय ज्ञान ॥
107. सुग्वण रूप सु छुम ना अन्तु रोस्तुय ।
ति सन्तव छुख व्यछुनमुत बस छु सत सुय ॥
108. छु सुय भण्डार शौन्ती हुन्द विदाता ।
सु छुम निर्लीफ असंग तय सुय अकर्ता ॥
109. सु छुम चेतन स्वरूप या छुम सु श्वद ब्रह्म ।
सु छुम अज्ञान नाशक ज्ञान पयहम ॥
110. यिमव नेत्रव वुछिथ कुस हैकि छु क्याह सुय ।
वॅनिथ कुस हैकि तु कुस बोज्यूस ति क्याह छुय ॥

111. वनन वोल क्याह वन्यूस पांचन त्वत्वन मंज ।
तु दृष्टान्त क्याह दियस व्यछनावि कमि ग्रैन्ज ॥
112. वुछान हनि हनि अन्दर ब्रह्म दुवैत्य कति क्या ।
गछान अर्पन ब्रह्मस दोग्यून्यार आस्या ॥
113. अव्यखतस नाव क्याह दियि युस वुछी तत ।
निर्नाकार छुम त्रिगुण आत्मुक सु पतुवथ ॥
114. छु कारण कारुणन हुन्द गाश वन्दहस ।
सगुन रूपस नमस्कार म्योन बैविनस ॥
115. छु ब्रह्म ब्रह्मांडनुय क्षण मात्रस मंज ।
बैनिथ यिमु जड तु चेतन वारु गैन्जरन ॥
116. छु अँन्जरान कर्म काण्डुक न्याय सोरुय ।
गरान काया दिवान मायायि सोरुय ॥
117. मे जन्मन हुंघ कर्म सोम्बरिथ बनॉविख ।
यि काया पांचवय त्वथ मिलुनॉविख ॥
118. समय ओदीन यछाये चानि ह्यनु आस ।
अहंकारन वोलुम दिह गर्भसुय चास ॥
119. यि पृथ्वी जल अँगुन आकाश पावन ।
तु दह व्वन्यु इन्द्रियन ह्यथ छुम पनुन मन ॥
120. विषय पांछ ह्यथ मे छम यिमु पांछ यिन्द्रे ।
शब्द गंध रूप रस स्पर्श मे प्योमय ॥
121. यछा स्वख द्वख तु धीरज चेतनाये ।
शरीरस सुत्य तोरय द्वेशकुय न्याय ॥

122. यिमन पांचन महा भूतन छु कारण ।
अहन्कारुय तमी सुत्य वारु प्रचरन ।
123. बुद्धी छम ना अहंकारस तव ग्वण ।
महेत तत्व बुद्धी छुम सत, रज, तमूग्वन ॥
124. अव्यक्तु रूप आत्मुक त्रनुवुन्यु ग्वणन ज्ञान ।
छु कारण सारिकुय ब्रह्म पानु भगवान ॥
125. मे संकलपन विकलपन हुन्द बन्योमुत ।
यि मन माहराजु बैनिथुय तम्बल्योमुत ॥
126. यि मन जड ऑसिथु यूत क्याह सना जोर ।
चलान वावस तु वुजमलि ब्रॉठ निवान दोर ॥
127. स्वखुक भ्रम दिथ द्वखस मंजु ऑडुरावान ।
मे निरुगस रेंटिथ रूगी बनावान ॥
128. यछा संकल्प संशय जय लजा भय ।
तु व्यसरावान यूवहय बोज हुन्द असल पय ॥
129. हनान गाहे प्रनान गाहे कनान छुम ।
रंगन रागन रसन मंजु मे बरान छुम ॥
130. मे कोरनम लूठ नीनम शादमोनी ।
यि बसनुच जाय सौरुय राजधोनी ॥
131. बन्योस वांगुज करनु गांगल थोवन लार ।
पनुन ऑसिथ परुद गोम प्योस लाचार ॥
132. वनय कोताह मे बैन्यु बैन्यु आव क्याह क्याह ।
पथर प्योमुत बु छुस अथुरोट करखना ॥

133. सतस कुन व्रथ थेंवुम अभ्यास पयहम ।
करुम अनुग्रह दितम वैराग्य शम दम ॥
134. प्रतिशठित ब्वद करुम तिछु यिछु छि सन्तन ।
अदय मन नाश गछि इन्द्रेय मे व्यसरन ॥
135. चटुम कारन शरीर युस छुम अनादी ।
अर्नवचनी अविधयायि हुन्द मे दादी ॥
136. फकथ तीज पवन आकाश थाव शरीर मयौन ।
रटुन सूक्ष्म शरीर निर्मल सु छुम चोन ॥
137. ग्वरोदीवस परन प्योस पादि कमलन ।
व्यनय कोरमस मे वन्तम ही नारायण ॥
138. छि वीदाँती ब्रह्मस त्रन मंज मे हावान ।
छु ब्रह्म योदवय अकुय तथ भेद क्या ब्यन ॥
139. मे वनतम सथ छु क्याह बेयि च्यथं तु आनन्द ।
परम आनन्द वनान कथ क्याह छु निर्बन्द ॥
140. तिमव वॅनिहम मे ल्वति पौट्य सीरु सान कथ ।
खेंचुम तुर यीरु गोस आशचर्य बूजिथ ॥
141. वौनुख ब्रह्म निश छुनो ब्योन ज्ञान या च्यथ ।
ब्रह्मस नय ग्वण न छस कांह शकुल सूरत ॥
142. स्वरूप ब्रह्मकुय छु च्यथ या ज्ञान आसुन ।
तु ज्ञौनियस जात ज्ञानुय ब्रह्म छु बासान ॥
143. छु च्यथ यिय ती छु सथ अद सुय छु आनन्द ।
यिमन त्रयन नो छु ब्यन छुम परम आनन्द ॥

144. ब्रह्मस मूर्ती उपासक पूजि पूजान ।
जरान पम्पोश शिवस ज़न विष्णु भगवान ॥
145. तु छिस कॅह मॉज जॉनित सीर बावान ।
ह्यवान च्वनवय पदारॅच ज्ञान विज्ञान ॥
146. तु सन्त छिस प्राण प्राणायामु डेंशान ।
तु यूगी यूगबलु निर्वान प्रावान ॥
147. बॅखुत्पु छिस ख्वनि रॅटिथ मनि ललनावान ।
श्रुती वेदुचि रचाये बोजनावान ॥
148. वनान छिस क्याह चु ख्यख ती ख्यावुनावथ ।
चु बोजख क्वसु कथा स्वय बोजनावथ ॥
149. चै लॅगिनय आय सोनुय नाव क्याह छुय ।
चै हुर्यनय मान यूत आकाश डेंशय ॥
150. थवान छस चूरि मनि कर काँसि हावन ।
तु चावान छायि निथ अंदु नूर डेंशान ॥
151. रंगव मंजु रंग रॅटिथ बे रंग सु प्रजलान ।
करान तन मन तु धन अर्पन तैमिस पान ॥
152. वुछान धारनायि ध्यानस तस अवयखतस ।
जरान छिस म्वखतु फलि-फलि निर्विकारस ॥
153. करान सत्संग सतुक पानुवॉन्पु छि सथजान ।
कलंदर स्यद तु मॅत्य छिम मस्त रोजान ॥
154. चै हुरिनय लछ त्रोगुन आय युग युगान्तर ।
चै पूशिनय सॉन्पु ऑही ही चराचर ॥

155. बनान मँसती मत्पून बाहोश हँसती ।
फँकीरन निश फनोंयी सरग्वण तु विबबनुन ॥
156. यकीन छुख बस च़ना च़य च़ौन्य़ सथ छख ।
रियाज़त अज़पा ज़प तनहौयी गोशत ॥
157. शरीरस मंज़ छु जीव तस नाव अधयात्म ।
यँज़ युस करि तिमय गय कर्म कोसम ॥
158. नँ कर्तापन न कर्मन छुम बनावान ।
न ब्रह्म छुम कर्म फलसुय सुत्य थँविथ ज़ान ॥
159. छि प्रकृत प्राख जंमन हंज़ बनावान ।
यि बूगुन आसि जीवस बूगनावान ॥
160. कर्म यूगी पुरुष त्यौंगिथ कर्म फल ।
तिमन शौन्ती बनान हौंसिल छु निर्मल ॥
161. सुकाम कर्मय फँसिथ छुम कामनायन ।
कर्म फल किन्य़ फसावान कर्म बंधन ॥
162. महामाया वन्दय प्राण पादि कमलन ।
करय पूज़ा स्वरय ध्यान प्रथ प्रभातन ॥
163. वुरुन त्रावुम मे रूवनि दामानु पननुय ।
तमे श्र्वनि श्र्वनि फ्वल्यम प्रकाश च्यतुकुय ।
164. सुगुण छु निर्गुण बनान परमार्थ पवनय ।
तु 'कोफ़ूटस' गँती छम सन्तु स्वखुनय ॥



ॐ

प्रणव अक्षर च ओंकार रूपु साकार।
गुरु दीवो चै छुय शत—शत नमस्कार॥

प्रप्यंच भोतिक शरीरुक प्राण चय छुख,
करान गतिशील प्राणन पानु चय छुख।
चु येमि नश्वर शरीरुक चेतनाधार,
गुरु दीवो चै छुय शत—शत नमस्कार॥

बु करहो यथ शरीरस धाम चोनुय,
योत्ताम छुस शाह अन्दर जपु नाव चोनुय।
बु करहो प्रथ शयन चोन साक्षात्कार,
गुरु दीवो चै छुय शत—शत नमस्कार॥

चै मंजु सास भास्करन हुंद तीज प्रजलवुन,
शिवस सृत्य लय गँछिथ पानु शिव च आसुवुन।
सकल सृष्टि हुंदुय छुख मूल आधार,
गुरु दीवो चै छुय शत—शत नमस्कार॥

चु छुख पानय सत्ता तय पानु शक्ती,
चु नो छुख ब्योन यिमे भावु करु बु भक्ती।
सत चित्त आनंद स्वरूपुक ध्यानु आधार,
गुरु दीवो चै छुय शत—शत नमस्कार॥

तत्त्व ज्ञानुक चु सूक्ष्म योग माया,
छि गायत्री मूल मन्थुर अमिच काया।

परमु ब्रह्म छुख चु पूर्ण पूर्णाधार,

गुरू दीवो चे छुय शत—शत नमस्कार॥

छु शब्दुक नाद चैय द्युतमुत ब्रह्माण्डन,

छु सूहम बीजु मन्थर चोन आसन।

चु अछरन मंज कुनुय छुख ईक ओमकार,

गुरू दीवो चे छुय शत—शत नमस्कार॥

चु छुख ब्रह्मा वैष्ण महेश पानय,

चु मायाये अन्दर ऑसिथ नेबर पानय।

चु अमिची ज्ञान करनाव जीवआधार,

गुरू दीवो चे छुय शत—शत नमस्कार॥

चु छुख कोफूर बनावुम जूत्य पनुनी,

गल्युम दुय येलि दिहम ज्ञानु रेह चु पनुनी।

बु छुस चुय चुय बु छुस अन्दु प्यठु यि आधार,

गुरू दीवो चे छुय शत—शत नमस्कार॥

त्वता चॉनी बु किथ करु ही ग्वरु दीव,

असामर्यथ प्रथ अंगवुय छुस ही ग्वरु दीव।

मनन सूहम दितम 'सन्तस' चु ओमकार,

गुरू दीवो चे छुय शत—शत नमस्कार॥

नोट :- पिता स्वरूप भ्राता श्री के प्रेरणा स्रोत से अंकुरित अज्ञात शक्ति वश सम्पन्न गुरू भक्ति वन्दना।

संत जी दुसू 'संत'

सुपुत्र

श्री मोहन लाल दुसू 'कोफूर'

शब्दु ब्रह्म (कोफूर साँबनि अनुभवु)

शब्दु ब्रह्म छु द्वयि प्रकाँर्य आसवुन। युस यि ज़ानि सुय गोव प्रब्वद।

1. वान आत्मिक शब्द
2. धुन आत्मिक शब्द

1. वान आत्मिक शब्द:—

यि छु अभ्यासु तु अभ्यासु सृत्य पाँन्य पानय शब्द यिवान। यि छु दहि प्रकाँर्य आसवुन। ज़फ मरि, अज़पा ज़फ मरि, अनाहत गछि रूज़िथ। अकुय ज़फ, अकुय भजन, अकुय ध्यान, यिम छिनु नैब्यरिम सादन! ध्यान छु त्रैयिमि न्यथरु किन्य वुछनु यिवान। बजन छु अंतर आत्मा किन्य करनु यिवान। बजन छुनु बीरूनी सादन, सोरुय यि केंछा सर्वु व्यापक पसार छु, यि छु शब्द। यि केंछा अंत्रक्ष छु, सोरुय छु पानस मंज़। साँरी साधू, स्यंदु यूगी, ध्याँनी, संत या ब्रह्म ज़ानन वॉल्य ब्रह्मन छि यी व्यछुनावान तु रचना करान ज़ि शब्दुय छु सोरुय तु ओम या राम शब्द छु नु शब्दु निशि ब्योन!

दोह तु राथ छि सिर्यु भग्वानस आँदीन। सिर्यु भगवान छु आकाशस आँदीन। आकाश छु शब्दस

आँदीन। शब्द पतु छु नु किहीं।

प्रशुन छु बनान, येलि नु नाद ओस, येलि नु ब्यंद ओस, येलि नु कर्म आँस्य नु आँस काया, तस अव्यखतस येलि नु ज्यव आँस, वनतु शब्द कति आयाव, शब्द आव शुनि मंज।

नाद तु ब्यंद :— नादु सृत्य छु नाव बनान, ब्यंदु सृत्य रुफ, युस निशानस प्यठ लोग, सुय गोव तीर। युस दिलीच गहराँयी मंज वसि सुय गँयि तसवीर, युस बैयि सुंद दिल नियि, सुय गव दिलदार, युस न्यीथर बंद कँरिथ ब्रह्म स्वरि या आत्मव्यचार करि, तँस्यु बनि दीदार!

2. धुन आत्मिक शब्द :—

यि छि पॉन्य पानय पनुनि आत्माह मंजु ध्वनी व्वथान, अथ छि पूर्व ज़नमन हृंदयव स्यंचिथ कर्मव किन्य तु अभ्यास किन्य अख यूगी बैयि मनुष्य ज़नम प्राँविथ यूगस कुनुय जुकान, तिक्याज़ि अमिस छु यूगुक अंकुर आँसथुय। यि यूगी छु मज़ीद यूग अभ्यास कँरिथ शब्द निशि ह्युर खसान। वीदन मंज कर्म कांडुक बयान गोव शब्द ब्रह्म। अमि निशि छुटकार करनस छि शब्द निशि ह्युर खसुन वनान।

यूगी सुंज कुंडलिनी येलि जागरथ सपदान छि, अमि मंज छु सफूट याने शब्द नेरान। अम्युक ग्वड्युक

शब्द छु नाद, यिथुय पौट्य जीव येलि सृष्टि मंज
ग्वडुन्यथ उत्पन स्वपुन, तमि विजि स्वपुन शब्द, युस
गव शब्दु ब्रह्म।

जगथ छु मैथ्या, ब्रह्म या आत्मा छु सथ।
अन—आत्मा छु स्वपुन। स्वपुन छु अपुज तु असथ।
स्वपुन वुछन वोल् आत्मा प्वरुश छु सथ तु पोज। कुल
कायनाथ छि असथ तु कायनातस मंज चेतन शक्ती छि
सथ। पनुन मन थ्यर कॅरिथ सूक्षिम मेधावी बुद्धी सुत्य
व्यचौरिथ पनुनिस ग्वरु महाराजस कुन तनु मनु अंतःकर्णव
सुत्य ईकागर च्यथ सपदिथ, ग्वरु दीवस दृष्टि मंज
अॅनिथ तु ध्यानस मंज अॅनिथ, सथ कथु श्रवन करनि,
पतु ईकांत जायि बिहिथ यिम ग्वरु वचन अंतःकर्णव
सुत्य मनन करुन्य, तिमव क्या वोन ति स्वरुन। ब्रह्म छु
अप्रोक्ष सुवाहम सुवाहम करुन छु निदयासन।

शब्द

पृथिवी	जल	अगुन	वायु	आकाश
गंद	रस	रूप	स्पर्श	तन मात्रा

मन छु करन। बुद्धी छि महत ततवुचि जायि।
महत ततवु छु अंहकारुक कारण। अंहकार छु व्यखती
सुंजि जायि आमुत। यिथु कॅन्य विश मिलुनॉविथ पदारॅच
विश बनान, तिथय कॅन्य छु रस, रूप, गंद, सपर्श,
अंहकारु सोस तु अंहकार सुत्य विश बनान।

साधारण अनुभव सुत्य छु यी दृष्टिमान आसुवुन जि प्रथ काँसि जीवु संज चेतनता याने हरकत तु जिदगी छि अंहकारु सोस आसुवुन्य। सारांश छु यी जि अव्यखतु मंजु द्राव महत तत्त्व, महत तत्त्व मंजु द्राव अंहकार तु अंहकारु मंजु द्रायि रस, रूप तु गंद आदि पदारंघ। यिमवुय सुत्य आव जगथ बनावुन।

याने ईश्वरु संज प्रकृती गॉयि आँठन हिसन मंज तंकसीम, गंद, रस, रूप सपर्श, शब्द, अंहकार, महत तत्त्व तु अव्यखत। यि छु सोरुय जड़ प्रेपंच। अथ छि माया वनान। यिमन आँठन बूतन हुंज माया छि **अपरा प्रकृती**। यि छि साँरुय **“जड़”** माया तस्सवुर यिवान करनु। यिमव आँठव प्रकारक्यव प्रकरुतियव सुत्य आव जगथ बनावुन। माया छि द्वयि प्रकाँर्य आसुवुन्य। **‘जड़ माया’** तु **‘चेतन माया’**। त्री, संतान, बंद, बांदव छि चेतन माया। धनु—दवलथ, मकानु, बागात इत्यादि यि गयि **‘जड़ माया’**। यि छि साँरुय अपरा प्रकृति। माया छि काया, काया छि छाया, छाया छि गट्ट। योदवय अमि मंज नेरनुक व्वपाय सोँचि नु, अपरा प्रकृती छि अनर्थ करुनावान। संसारी बंधनन मंज फसावान। अथ छि जड़ माया ति वनान। अमि अलावु छि भगवानु संज **“जीव रूप परा प्रकृती”** येमि सुत्य जगथ दँरिथ छु, यि छु यिमव आँठव प्रकृतियव निशि ब्योन। परा प्रकृती छु जगथ धारन कोरमुत। यिमु छि द्वयि प्रकाँर्य प्रकृती।

सिमन छि तफावथ यिथु कॅन्य राथ तु दोह अख जड़, अख चेतन। परा प्रकृती छि चेतन शक्ती “जीव रूप”। यिहय छि आत्म स्वरूप। यिहय परा प्रकृती छि **“तत् त्वम असि”**। चु याने जीव, सु याने ब्रह्म। अथ छि महा वाक्य वनान।

ब्रह्म छु ज्ञान नाशवान छुनु। द्वख, स्वख, सरदी, गरमी, स्वपुन जागृती यिम सॉरी वस्तू छि बीरूनी। यिम छि ज्ञानुकिस समंदरस मंज व्वबुर्य व्वबुर्य नाशस गछान। किंतु ज्ञान युथ छु त्युथ छु। योहय छु रोजेवुन तु अवनांशी। अथ चाहे ‘जीव वनोस’, ‘ब्रह्म वनोस’ या कांशसन्यूस (consciousness) वनोस। अति छु प्रश्न बनान कि ज्ञान स्वरूपस छेनु जगथ बनावनुच कॉबलियथ। तिक्याजि ज्ञान छु न्यरलीप, असंग, अकर्ता। यि छु श्वद। यिथ कॅन्य अँकिस मनष्यस स्वपनस मंज जागृती मॅशिथ छि गछान, यिथुय कॅन्य छि मायायि मंज फॅसिथ आत्म स्वरूपस माया मॅशरावान। यि छु पनुनि वहमु सुत्य पनुनिस चेतन स्वरूपस मॅशरावान। यि संसार छु अनिगट, ज्ञानुच रोशनी छि ब्रह्म। अज्ञानुच य्वस य्वस वृती अथ रोशनी मंज यियि मसलन स्वख, द्वख, स्वपुन, बेदॉरी, स्वशुफती, समाधी सोरुय सपदि ज्ञानुचि रोशनी सुत्य रोशन। **“तत् त्वम असि”** चु याने जीव सु याने ब्रह्म मंहा वाक्य या कलामि अँजीम। अथ छि **अक्षय अविनांशी ब्रह्म** वनान। यि छुनु गटावुनु सुत्य

गटान या बडावनु सुत्य बडान, नु छु हरावनु सुत्य हारान। अथ अविनाँशी ब्रह्मस ह्येकि नु परमात्मा युस स्वयम् ब्रह्म छु नाश करिथ या रद—बदल करिथ। मनषि सुंज छिनु कथुय। आत्महय छु ब्रह्म। अथ छि ज्ञान वनान। नाश छु अज्ञानस तु अज्ञानी सुंद, नु कि रोशनी हुंद। अथ ज्ञानुचि रोशनी छि वेदांती **“ज्योती चित”** या ब्रह्म वनान तु सूफी छिस नूर वनान। सिर्ययि चँदरम, बिजली, तारख, अँगनी यिमन छिनु रोशनी वनान। रोशनी छि ज्ञान। यमि रोशनी सुत्य ज्ञनमात्रन हुंद कर्म छि दगद गछान। स्वय गँयि म्वखती तु जीव छु ज्ञानु स्वरूप बैनिथ अथ परम—आनन्द स्वरूपस मंज लय गछान। ब्रह्म छु पुर सोकून आकाश। आदि अंत रोस छु ब्रह्म। इबतिदा ता इतिहा छु ब्रह्म। ब्रह्म या आत्मा यि छु न्यति नु छु पाँदु गछान नु छु मरान नु छु कम गछान नु छु ज़्यादु गछान। शरीरस सुत्य छि शौ विकार कथु, पाँदु गछुन, असत्तव, रोमांतर सपदुन, गठुन तु नाशस सपदुन।

बु ओसुस अकि वखतु शीर ख्वार बालुक, पतु जवान, पतु बुडु पतु गव यि शरीर ति नाशस। यिमु बदलावि मे शरीरुचि हालँच। यिमन सूरतन तु हालचन हुंद ज्ञानन वोल् **बु** युथ ओसुस तिथुय रूदुस। मे गव नु नाश। य्वगव तु कलपव प्यठु आयंदु य्वगन तु कलपन ताम रोज़वुन यि आत्म स्वरूप या ज्ञानु स्वरूप **“बु”** छुस मूजूद। नाश छु शकलि तु सुरतुक, शरीरन

हुंद तु नावन हुंद नाश, तिक्याजि यिम विकार छि
 स्वपनुक्यन नकशन हुंद पॉट्य वहम मायायि मंज
 फंसिथ यि पापु कर्मी या पुण्य कर्मी स्वखस द्वखस
 लिपायिमान सपदान। गाहे सुखी गाहे दुखी। रूत कर्म
 करु तु छिम स्वनु सुंज हथकरि प्यवान। स्वर्ग ऐश्वर्य
 बूगिथ बैयि धरती प्यठ यिवान। नाकारु कर्म करु तु छिम
 शस्त्र तु हथकरि प्यवान तु अदोगती मंज नरुक बूगान।

अख यूगी छु द्वनवय चाहे जान कर्म आसन, या
 नाकारु, समाप्त करान, तु अटु छु ज्ञानस मंज लय
 गछान। फर्ज करव बाजरस मंज छु अँकिस दुकानस
 प्यठ चराग रोशन, बाक्य बाजरस छि अनि गट। युस
 युस वान अथ रोशनी मंज यियि सु सु सपदि रोशन।
 अगर यि रोशनी कुन यियि नु सु रोजि तैलि गटि मंज।
 कांह वनि रोशनी हुंद नाश गव ति छु गलथ तु अपुज।
 रोशनी यिछ छि तिछ छि काँयिम। युस नु रोशनी कुन
 यियि सु रोजि गटि मंज। यिथय कँन्य् छुस बु यथ
 अज्ञानु रूपी अनि गटि किस संसारस या समन्दरस मंज
 यथ मंज मुंह माया अज्ञान त्रै ताफ याने मल, विक्षीप तु
 आवरन, पाप पुण्य, मनचि चंचलता तु शख—शुबा
 बैयि विषय भोग छि, तमि किन्य् छुस बु पानस निशि
 बेखबर। योदव्य बु पानस पनुनिस आत्म दीवस कुन
 ध्यान दिमु। पानस मंज अचु तु ग्वरु कृपायि सुत्य आत्म
 ज्ञान प्रावनुक यत्न करु। तैलि छुस बु पानय ब्रह्म

स्वरूप। येमि ब्रह्म रूपरूपुक बु खोज ओसुस करान ति सपदि तेलि येलि जन्मातरन हुंघ रुत्य कर्म आसन करुयमुत्य।

अवल गौछुस बु पानय पानस दया करुन। अदु सपदिहयम ग्वरु कृपा तैमि पतु बनिहयम भगवत अनुग्रेह। अदु अँस्य् वाँत्य् बैयि परा तु अपरा प्रकृती हुँदिस मसलस मंज। आँठव प्रकारक्यव प्रकरचव सुत्य छु जगथ बन्योमित। यि छु जड़। द्वयिम छि पराप्रकृती, यि छि थदि दरजिच, श्वद तु न्यरमल, यिह्य छि आत्मु स्वरूप् चेतन। अँम्य् छु जड़ जगत धारन कोरमुत, य्वस जड़ तु चेतन सुत्य छि जगतिच रचना। परा प्रकृती सुत्य छि जीवन हुंघन यिंदरियन मंज चेतनता बनान। यथ आत्मा वनव। अपरा प्रकृती छि शररि जड़ माया, तु पराप्रकृती छि अथ जड़ रूप काययि हुँदिस जगतस अंदर जीवु रूप आत्मु शक्ती, गोया भगवान पानय अंतर बाहे। यथ जड़ स्वरूप जगतस मंज।

प्रथ काँसि प्राणी सुंजि कायायि मंज जीव रूप नारायण। स्पष्ट सपुद कि भगवान छु सॉर्यसुय जगतस क्या अखंड ब्रह्मांडस पाँदु कँरिथ धारन कँरिथ लय करान, तवय छि भगवानस **‘सर्व दृशी’** ति वनान।

कोफूर साँब तु म्योन आबास

कँशीर छै पथ कालि प्यठय साधुमाल्युन रूजमुच ।
स्वर्ग भूमि कँशीरि, येमि ऋषिवॉर तु पिरुवॉर आसनुक
मरतबु द्युत, सु छु कश्यप तु गौतम हिव्यन रेशन
हुंजिय बरकँच । यिम रूद्य यथ पवित्र भूमि प्यठ साधना
करान तु फ्वबेयि येति विद्यायि हुंद्य टॉद्य ऑलिम;
साध, संत, सूफी तु दरवेश ।

यथ पिरुवारि माजि कशीरि मंज थनु प्यथ, यिमव
कश्यप ऋषि सुंद्य पॉद्य यथ स्वर्ग भूमि बोश खोर,
तिम छि युगीराज शिव स्वरूप महात्मा **‘कोफूर’**
साँब, यिम ज़न थदि पायिक भक्त तु नित्यनियमी
ऑस्य् । यिम ऑस्य ग्रहस्थी ऑसिथ अख पूर्ण कर्म
यूगी ।

‘कोफूर’ साँबनिस पिता जियस ओस नन्दलाल तु
माजि रुखुमाल नाव । जॉच किन्य् छु ठुसू । युहुंद्य जिद्य
ऑस्य लदरुवुन रोज़ान, तु शारदा जी गछन वाल्यन
साध संतन तु यात्रियन हुंज सीवा करान । दयन ऑस्य
कारुबारु रँग्य् ति स्यठा मालामाल कँर्यमुत्य । भगवत
भँख्ती तु साध सीवा ऑस्ख रुमन मंज बँसिथ ।

माजि शारदायि हुंजि कृपायि किन्य् रूद यिमन
थद्यन थद्यन साधन तु सन्तन सुत्य व्वथुन बिहुन तु

प्रोवुख शास्त्रन हुंद ज्ञान तु साधनायि हुंज वथ। माजि शारदायि कॅरनख स्यजरिच नज़राह तु गॅयख गरि रूज्यथुय यात्रा सफल। यिमन आयि पानु सरस्वती म्वखस तु रूजुख वाँसि सहायतस। यिमव प्रोव भख्ती हुंद सु वरंदान युस पूर वाँसि यिमन काँयिम तु दाँयिम रूद। यिहुंजि भॅख्ती हुंद तीज ओस यिहुंदिस इयकस प्यठ्य प्रजुलान तु ज्ञानुवान बुद्धि हुंद प्रमान ओस यिहुंजव कथव तु तर्कव सुत्य मेलान। यि केंछा यिम वनान ऑस्य, सु ओस बोजनु तल स्यठा सरल बासान मगर तम्युक अर्थ ओस स्यठा गुढ़ आसान। यिमव ओस कम वाँसि मंजुय वारयाह केंह प्रोवमुत।

‘कोफूर’ साँबुन्य ग्रहस्थी जिन्दुगी ऑस स्यठा आनन्दमुय तु स्वखुदायक। तिक्याजि यिम ऑस्य दयि लोलस मंज मस्त। सतसंग तु कीर्तन ओस अति नित्यनेम। साधन तु संतन ओस नु यिनस थख गछान। हालांकि आमदनी ऑस्स बूजिथुय, मगर कांह ओस नु अति फाक्य नेरान। अथ कारस रूद यिमन पनुनि धर्मपत्नी, रूपा देवी हुंद ति पूर सहयोग। येमि पनुनिस भरथाहस प्रथ विजि तु प्रथ जायि साथ द्युत।

‘कोफूर’ साँबन यि केंछा ल्युखमुत छु, तमिच व्याख्या करुन्य गव सिरियस चोंग हावुन। तिहुंघ भजन छिनु हावु भाव बल्कि तिहुंद सु रूहॉनी तजरुबु हावान।

यिहुंघन भजनून मंजु छु सु अमृत कुण्ड तिमन साधकन
 तु त्रेशि हुत्यन बापथ, यिम ज़न दयि भँख्ती तु ग्वरु
 नावस प्यठ प्राण तु जान अर्पण करान छि। यिमन
 लीलायन मंजु छु परिपूर्ण यूगी सुंजु पहचान, प्रार्थना,
 शिव दर्शुन, ज्ञान, भँख्ती, वैराग्य, इन्द्रयन हुंद आभास
 तु महागायत्री हुंद सार इतिआदि। कम कम ज्ञानी तु यूगी
 छि यिहुंघन भजनून हुंद गूढ अर्थ वुछिथ ग्वतन गछान।
 असि मूढ़न तु नाबकारन हुंजु छेनु कथुय। पजि भँख्ती
 मंजु छु सु प्रकाश युस अंधकारस मूल गॉलिथ ओंघ
 पोक गाशुरावान छु। 'कोफूर' सॉबुन आत्मिक प्रकाश तु
 दयि भँख्ती हुंद बजर ओस यिहुंजि हयाँती मंजुय दूर दूर
 ताम फँहल्योमुत। असि छु 'कोफूर' सॉबस प्यठ स्यठा
 गर्व तिक्क्याजि तिम ओस्य थदि पायिक्यु संत तु सॉन्य
 रँहबर।

बु छस अख अदना साधारण नारी पनुनिस टॉदिस
 बबराजस सत्त्वरो महाराजस बेयि समस्त साधन सन्तन
 तु तिहुंघन पादि कमलन शत शत बार नतमस्तक
 प्रणाम करान।

ग्वरु पादन हुंजु गरुद
 जया कार (मनसा)
 पुरखू कैम्प, जम्मू।

(शुक्रान तु आभार)

यि पोस्तक किथु आयि बारसस

येलि ज़न कांह ति तखलीक खा सु अदबी आसि, समॉजी या अद्यात्मिक आसि, यियि बारसस अथ पतुकनि छि कॅह नतु कॅह कारण तु पोत मंज़र आसान। तखलीक कारस छुनु पानस तान्य कॅह ति आसान, मगर क्वसताम गुप्त शक्ति या ओंशिर्वाद छु अमिस वथ हावान तु ब्रोंह पकुनावान।

यि पोस्तक मंज़रि आमस प्यठ अनुनु बापथ पेयि असि ति कॉफी मेहनथ करुन्य तु अथ अंद वातुनावनस मंज़ कौर वक्तु वक्तु असि सारिवुय मेत्रव, जिद्यव, रुत काँछन वालय्व तु खास कॅरिथ भगवत स्वरूप महानुभावव ति मार्गदर्शन तु यिहंदी स्हयोग सुत्य वौत यि “ज्ञानु यज्ञ” अंद। येमि सुत्य असि बासान छु जि सॉनिस पिता श्री सुंद याने ‘कोफूर’ सॉबुन स्वप्न ति सपुद साकार तु आशा छे यिहंदिस आत्माहस ति आसि शांती तु संतोष म्यूलमुत।

यि काव्य संग्रह बनावनस मंज़ दिचु खास कॅरिथ श्री शिबन जी ठुसू (भाईसाहब), श्री जगन नाथ जी पंडिता (बाराहमुल्ला), रत्नलाला जी ठुसू

(बोबन), श्री राजनाथ मानतू (सोपोरी) तु खास कॅरिथ श्री काशी नाथ जी डुसू (बॉयटॉट्य) ति असि वक्तु वक्तु चेनुवन। बाईसाहबस पेयि वारयाह मेहनथ करुन्य, याने यिमव लीछ पूर पोस्तक हिंदी लिपी मंज कॅचनताम दोहनुय अंदर। मे छु बासान जि यिमु आसुहन नु रातस ति श्वंगान तु अँती छु यिहुंदि प्रेमुक तु भावुक पय मेलान। अमि अलावु लोग सॉन्य बेमु सॉबन श्री भूषण लाल जियन, (यिम ज़न स्यठाह रुत्य पुरुष, समाज सेवक तु लुकन हुंघ द्वख दौंघ दिलस मंज थावन वॉल्य शख्स छि), तु असि छि विजि विजि डॅख्युदर।

अँस्य छि पनुनिस ग्वरु दीवस बब राज महाराजस नतमस्तक तु बेयि आनन्द स्वरूप तु शिव स्वरूप श्री पी.एन.भट्ट 'गरीब' भाईजियिन आभारी यिमव वक्तु वक्तु असि मठि मठि दित्यु, सोन हौसलु कोरुख बुलंद तु सोन स्वप्न बनोवुख साकार। असि सॉरिनिय रूजिन यिहुंज आश तु सायि हर हमेशु!

व्वन्यक्यनिक थदि पायिक स्कालर तु म्याँनिस पिता श्री संघ परम मित्र श्री भगवत स्वरूप डॉ. अमर नाथ 'मालमोही' सॉबन ति लोग असि पँज्यु पॉट्य वॉरिसदर तु यिमन किथु ह्यकव हूरिथ।

यथ पोस्तक खोर श्री पी.एन. कौल 'सॉयिल' सॉबन ति रंग। यिम ज़न कुनि ति तॉरिफि हुंघ म्वहताज छिनु। यिमव अँन्य यि पोस्तक तथ देवनागरी लिपी मंज य्वसु ज़न वुन्यक्क्यन छे सॉन्य सँही लिपी। यि छेनु वनुनिच कथ, ज़ानि सुय यस करुन पेयि तु यिहुंघ ति छि अँस्य दिलुचि गँहरॉयी सृत्य आभार प्रकट करान। तु यिमन ऑर्शिर्वाद मंगान। यिमव ति छि कोमुच वारुयाह खँदमत कँरमुच तु करान ति छि। रत्य् मशवरु तु मठि मठि दिनु बापथ छि अँस्य् श्री जगन्ननाथ 'सागर' सॉबुन ति आभार प्रकट करान।

अमि पतु वॉच यि पोस्तक श्री रिंकू जी कौल सॉबुन्यन अथुन मंज। यिम ज़न वुन्यक्क्यन किस वक्तस मंज पँज्य् पॉट्य कोमुच तु समाजिच खँदमत करान छि। सॉन्य रुम रुम छि अँमिस ऑही करान तु दयस छि मंगान जि सॉनिस समाजस मंज करुख यिथी हिव्य तारख पॉटु यिम ज़गतस गशुरावन।

ऑखरस प्यठ छि अँस्य पनुनि माता जी हुंघ ज़्यादय पाहन ऋनी, तिक्क्यजि यि छुना यिहुंजिय ऑही तु खानुमाजरुक द्युत।

यि भजन संग्रह बनावनस मंज कँर असि पनुनि तरफु यि दँप्य् जि ति स्यठाह मेहनथ तु वख लोग वारयाह। यछायि वाल्यून हुंघ भाव वुछिथ छुम बासान

जि चेर गव स्यठाह मगर दपान छिना “सहज पक्के सो मीठा होवे” बेयि छै “समय अँधीन प्रथ कांह कथ”।

अगर यथ पोस्तकि मंज कुनि किसमुच कांह गलती या कमी आसि स्व वातुनॉव्यज्यव असितान, ताकि स्व यियि आयंदु दूर करनु। अँस्य् रोज़व दयस मंगिथ ब्रॉह कुन ति तुहुंज सीवा करान।

तुहुंघ सीवक

पूर्ण जी, संत जी तु
कुलदीप ठुसू ‘पम्पोश’

अँस्य् तुहुंद संतान त्वहि करान ज़ॉरी,
सत् ग्वरु बबु थॉविज्यव कृपा ज़ॉरी।

पूर्ण, संत, पम्पोश ह्यथ सॉरी,
भावु पोश लागोय अँस्य् चॉर्य चॉरी॥


किताब मेलनुक पता

1. श्री पूरण जी ठुसू
ग्राम सारी, घोमनासा, जम्मू। Ph. : 0191 - 2650181
2. श्री भूषणलाल भट्ट एवं कुलदीप ठुसू 'पम्पोश'
आर. के. पूरम, सेक्टर, 4, Q.No. : 1020.
नई दिल्ली—110049, दूरभाष : 011-26100101
3. ऋषी जनरल सिटोर, वेतसता एनक्लेव,
पपरावट रोड़ (कशमीरी कालोनी) नजफ गड,
नई दिल्ली। Ph. : 25024499, 25019879, 25010452
4. भारत पंडित, B/105, निशा जनकल्याण,
खरोदी मलाद, वेस्ट मुम्बई . 400095
Ph. : 022-28645305
5. श्री विजय कुमार भट्ट, पम्पोश जनरल सिटोर,
विनायक नगर, सेक्टर -1,
मुद्ठी जम्मू। Ph. : 2595201
6. विजेश्वर कार्यालय, तालाब तिलू, जम्मू।
7. विजेश्वर कार्यालय, बोड़ी, जम्मू।
8. जे.के. धार्मिक बुक शाप, तालाब तिलू, जम्मू।
9. दुर्गा मसाला स्टोर, आई.एन.ए मार्केट, नई दिल्ली।
10. कार सर्टशनरी मार्ट, फेज़ 2, पूरखू कैम्प, जम्मू।
11. वीर मयुजिक हावुस, मेन चोक सरवाल, जम्मू।
12. शक्ति जनरल सिटोर, शारदा कालोनी, संत्रा मोड,
पोनी चक, घोमनासा रोड़, जम्मू।

माता शैलपुत्री अस्थापन
बारामुल्ला-कश्मीर



माता शैलपुत्री अस्थापन
बारामुल्ला-कश्मीर



महात्मा श्री मोहन लाल ठूसू 'कोफूर'

'कोफूर' सॉबन यिम भजन छिनु हावु भावु, बैल्कि तिहुंद सोन रूहोनी तजरुबु हावान। यिहुंद्य भजन छिनु अख सतही तफरी, बैल्कि तमि सोदरुच भावथ करान येम्युक वोंत 'कोफूर' सॉबन सॉरिसुय वॉसि सरु करनुच कूशिश कॅर। अथ सोदरस मंजु कोत वॉत्सु तिम, यि वनुन छुनु सानि खोंतरु मुमकिन, मगर यि केंछा तिमव वोन, तमि सुत्य छु तिहुंद्यन तजरुबन हुंद हना पय मेलान।

डॉ. अमर मालमोही

संत कवि माहन लाल 'कोफूर' सॉव छि स्यठाह थजि कलायि हुंद्य संत ऑस्यमत्य। यिहुंद रूहोनी फलसफ त आध्यात्मिक अध्ययन छु दाद दिनस लायक। यिहदिस कलामस मंजु छु सनि सोन सन्यर त दय छांड़नक्य पय त वतपेंद्य ननान।

श्री पी.एन. कौल 'सॉयिल'

'कोफूर' सॉबुन वॅन्यमुत्य बजन छि बॅखती हुंद्यन त्रेशि हैत्यन लोलु वुजुनावान तु वतु हावुक्य बनान। यिहुंद्य बजन छि तेमि ज्ञानुच वथ हावान येमि सुत्य लोलु वाल्यन विज्ञान नागस वुजिन्य लगान छि तु अथ गाशस तल छि तिम मंज्यलस कुन कदम त्रावान।

स्वामी श्यामलाल 'हजीन'

'कोफूर' सॉबुन्य भावु व्यदाख तु शहुल नागराद छु शायद सान्यन सूफी शॉयरन तु संत—कवियन सुत्य प्रयाग बोनि हुंद अनुहार बदि कडान। कर्म यूगुक तु धर्म ब्रांदुक म्युल छु यिहुंद्यन भजनन मंजु गर्भु कौंजि हुंद्य पॉठय् वेंटिथ तु शीरिथ। युहुंद इष्ट छु शामु रंग शिव तु इष्ट देवी छि जगुतुच राज्यरेन्य। ज्ञानु व्वलरस पाजु क्या करव येलि धारणायि हुंद शिव सनिरु तु गनिरु मंजु नीरिथ अबदी हकीकतस सुत्य आसि हिकट करान। यि छि टाकारु हकीकत जि सत्गवर छि यिहिंजि लोलु ख्वनि मंजु मस गर्भु निद्रायि मंजु यूगु ख्व्ख मारान तु सुशप्ती चॅक्करस प्राण—शक्ती दिथ जाग्रतस मुशकावान।

आनन्द स्वामी प्राणनाथ भट्ट 'गरीब'

E mail: kofoorpublishers@yahoo.com

Printed By :

C.R. ENTERPRISES

TEL. : 9312632932, 9350005339